

'Wuntaɔsɛ

'ö -gban Yesu Klito -bha 'ö

Zan

-ya =blɛɛ

-Wo 'ö -dhepuudhe waa- -këdhösü 'wo- 'gü

1 ¹Dhiö -blɛɛzɛ kö 'kpongtaadhe yaa kë =kun, mɛ 'ö- 'tɔ -yö -kë -wo 'ka, -yö -kë -dhö. 'Yö -wo 'ö 'dhö bhë 'yö -kë -Zlan 'piö; kë- wo 'dhö bhë, -wo bhë -yö -kë -Zlan 'ka. ²Ya kë 'dhö kö -wo 'ö bhë -yö -kë -dhö -Zlan 'piö 'kpa 'pɛ-, -a züɔyɪ 'ka. ³Ö pɛ 'saadhö 'ö -Zlan -ya -da, -yö -bɔ -wo bhë -a -ta 'ö- 'plɛ -kë. Pɛ 'ö -Zlan -ya -da -yaan 'kun -a -kë -wo bhë -a 'ka -süɛ' 'yaa 'dhö. ⁴-Wo 'ö bhë -nɛ 'ö -këdhösü giagia 'dhoɛ- -gɔ; 'ö -këdhösü 'ö bhë 'pö, 'ö -kë mɛ 'bhee- -bha -dhepuudhe 'ka. ⁵'Kɛɛ kë- wo 'dhö bhë -dhepuudhe 'ö bhë -a 'bhü -yö -yö -dhetiidhe 'gü, 'yö mɛ -nu 'wo këdhe -dhetiidhe 'gü, waa 'we -a -wun -bha.

⁶'Yö 'töng 'bhaa 'ka, 'yö -Zlan -yö gɔɔn- do bɔ. -A tɔɔ Zan; 'yö nu. ⁷Gɔɔn- bhë -yö -nu 'dhö kö -dhepuudhe 'ö bhë, 'wun 'ö -gban -a -bha, -yaan -tɔɔɔdhe kë 'iin kö -a -blɛɛ' -wun -bha, mɛ 'saadhö -waan -dhepuudhe 'ö bhë -a -wun -dhe 'wun gia-. ⁸'Kɛɛ kë- wo 'dhö bhë, 'yö gia- kun 'ö -kë -dhepuudhe 'ö 'dhö bhë -a 'ka; 'wun 'ö -gban -a -bha, 'yö -nɛ 'ö- -blɛɛ mɛ -nu -dhë.

⁹Mɛ 'ö -dhepuudhe 'ka bhë, -dhepuudhe 'ö giagia, 'ö- -bha nu -sü 'ka, 'yö -dhe -pɔ mɛ 'töüdhö -an -ta, 'yö -mü.

¹⁰-Wo 'ö bhë -yö -kë 'kpongtaa. 'Yö -nɛ 'ö -Zlan -yö 'kpongtaadhe =kaa'. 'Kɛɛ 'kpongtaame -nu waa 'we -a -wun -bha. ¹¹-Yö -nu ö -de -plöö; 'yö- -de -mɛ -nu waa wo -kɔ 'kpɔ -a -gɔ. ¹²'Kɛɛ kë- wo 'dhö bhë, mɛ kpö 'dɛdɛ -wo wo -kɔ -kpɔ -a -gɔ 'ö 'wo- -wun -dhe 'wun gia-. =Dhe -kë 'dhö, -wo bhë, 'yö-

-kë 'ö 'wo -kë -Zlan -bha 'në 'ka. ¹³Kë 'wo- wo -Zlan -bha 'në -nu 'ka bhë yaa kë -nɛ -kɔ 'ö- 'ka 'kpongtaa zö 'ö 'kwa- pö -na -a 'ka mɛ -nɛ -yö gɔɔn- nɛ -a gbö 'ka bhë -a 'dhö. 'Wun 'ö go -Zlan -de -zo 'kun -wun 'gü yö -mü.

¹⁴Yö -dhe -kë 'dhö, -wo bhë 'yö -kë mɛ 'bhee- 'ka, 'ö nu 'ö -kë kwa 'piö zö. -A 'glu -yö -kë -së. Yö 'ö bhë -yö -kë 'wun gia- gɔgɔdhe 'ka. Yi 'yan -yö -dɔ -a -bha 'tɔbhɔdhe -bha. 'Tɔbhɔdhe 'ö 'dhö bhë, Dë -ya -nu 'ö Gbö do 'ö bhë -a -dhë. Pë 'ö- 'piö bhë, =dhe 'yi- dɔ -a -bha -nɛ -yö -go -a Dë 'piö, 'ö yö 'ö 'ö Dë -bha 'në dosen 'kpaan 'ka bhë 'ö- yö bhë 'ö bhë. ¹⁵Yö -nɛ 'ö Zan -yö 'wun -gban -a -bha 'ö- =blɛɛ -dhoo bho -sü 'ka, 'ö- pö: «Yö -nɛ 'ö 'wun 'ö -gban -a -bha, a- -blɛɛ 'dhiö -be -nɛɛ: Mɛ do -yö nu -na n =zlöö; -yö -va 'ö -ziö n -ta. 'Ö tɔɔ -yö -kë -dhö 'dhiö -be kö n 'ka bho -kun.»

¹⁶-Yö 'ö -bha 'wunsë -yö 'ko 'piö 'ö -kë kwa 'ple kwa -dhë 'ö 'dhuë- kpɔ kwa -bha -kplawo. ¹⁷Kë- wo 'kpa bhë, tɔng 'ö -Zlan -ya dɔ kwa -dhë bhë, -yö =bɔa' Moizö 'gü. 'Kɛɛ dɔ 'kwa- wo =dɛɛ =nɛ bhë, -a -bha 'glusë -wun waa- 'wun 'ö 'wun gia- 'ka 'ö -kë kwa -dhë bhë, -yö bɔa Yesu Klito 'gü. ¹⁸-Zlan bhë mɛ gbɛ yaa 'ö 'yan dɔ -a -bha do. 'Kɛɛ -a Gbö dosen 'kpaan, Gbö 'ö -Zlan 'ka bhë, yö 'ö -ya -sü 'ka 'ö Dë 'sɔɔ bhë, =yaa- kë 'kwa- dɔ.

Zan -bha -tɔmɔdhe kë -sü

(Matiö 3.1-12; Maakö 1.1-8; Lukö 3.1-18)

¹⁹'Töng bhë -a 'ka, Zuifö -nu -gɔmɛ -nu 'wo Zeluzalemë, -wo slabhome -nu waa- Levi -gɔ 'gunng 'gü -mɛ -nu 'ö 'wo yuö kë -na -Zlan -gba -a 'gü -kɔ 'gü bhë -an 'bhaa -nu -bɔ, 'wo nu 'wo -dheɛ' kpɔ Zan -gɔ =nɛɛ: «Dö -mü ü 'ka ɛ?»

²⁰'Kɛɛ yaa 'kun -a -daa kë -sü 'ka -an -gɔ, -a -ta pö -sü 'ka 'puu 'ka mɛ 'ple wö 'dhiö -nɛɛ: «-Zlan -bha -Yamɛ 'yaa -mü n 'ka.»

²¹'Yö 'wo- =dheɛ' kpɔ 'zü -nɛɛ: «=Dhe 'ö 'dhö, kö dö -mü ü 'ka ɛ? Eli -mü ü 'ka a?» 'Yö- -daa -kë -nɛɛ: «-Abi! 'Maa -mü.» 'Wo -dheɛ' 'bhaa kpɔ -nɛɛ: «-Zlan -wodhiölome 'ö yi 'yan 'dhoë- -gɔ bhë yö -mü ü 'ka a?» 'Yö- pö 'zü: «-Abi!»

²²'Wo- =dheɛ' kpɔ zlöö -nɛɛ: «=Ya kë 'dhö kö dö -mü ü 'ka ɛ? Bhi -de gia-, -bhöë -daa 'kpëdhö -zë kë yi -dhë 'yi 'dho 'yi- pö yi bɔmɛ -nu -dhë.»

²³'Yö Zan -ya pö: «N tɔɔ gɔɔn- 'ö -dhoo bho -na 'yënnɔg =taa. Pë 'a- -dhoo bho -na 'ö tɔɔ: -Ka kwa Dëmë -bha zian -gbloo -pë kë; -yö dɔ kpengdhö -nɛ -kɔ 'ö =beɛn' -sü 'ka -a 'ka -Zlan -wodhiölome Ezai -bha 'sëédhe 'gü bhë -a 'dhö.»

²⁴Mɛ -nu 'ö Zuifö -nu -wo -an bɔ 'wo nu -dheɛ' 'kpɔ =dhia Zan -gɔ bhë, Falizi -mɛ -nu -wo -kë -an ziën. ²⁵Wo -de 'pö, -wo Zan -dheɛ' -kpɔ, 'wo- pö: «=Dhe 'ö -Zlan -bha -Yamɛ 'yaa -mü ü 'ka, 'ö 'bhaa Eli 'ka, 'iin 'bhaa -Zlan -wodhiölome 'ka =nɛ, ü -dɔ =dhë 'yö ü mɛ -nu bɔ yiö =ee?»

²⁶'Yö Zan -ya -daa -kë -an -gɔ, 'ö- pö: «Ma 'pö, ka bɔ =nɛ 'a- wo yiö; 'kɛɛ mɛ do -yö ka ziën 'ö 'kaa- dɔ. ²⁷-Yö nu -na n =zlöö. 'Maa pë gbɛ 'ka -a 'dhiö -dewo poo kö 'aan- 'dho -kloo'- -a 'dhiö 'aan- -bha -sakpa yun -bhüö' 'po.»

²⁸'Wun -nu 'wo bhë, -wo -kë 'dhö Betani -pö me 'ö 'yiga 'wo- -dhe Zuuden 'ö Zan -kë me -bha -go -sɔɔn yaa 'gü -bɔyiödhe kë -dhia -a -bhaa bhë -a -zläö =zian'.

-Tɔmɔdhe 'ö Zan -ya -kë Yesu -wun 'gü

²⁹-Dhe 'ö- -ta -dhe =ya 'po, 'ö Zan -yö Yesu yö kö -yö nu -na ö 'piö, 'yö-pö: «Bhlanë 'ö dho kë sla- 'ka kö -Zlan -yaan bho me 'kpekpe -bha -sɔɔn yaa -bho -an -bha -pë 'ka yö =ga 'ö nu -na =ne! ³⁰Yö =ne 'a 'wun -gban -a -bha 'a- =blɛɛ =wöë' =neɛ: Mɛ do -yö nu -na n =zlöö; =yö =va 'ö =zië' n -ta, bhii -yö -kë -dhö n 'dhiö 'kpa 'pë- bhë, yö =ga 'ö =ne. ³¹'Kɛɛ kë- wo 'dhö bhë yaa kë =ne pë 'ö dho kaa, -a dɔ 'a- wo bhë yö -mü, 'kɛɛ a -nu me -nu -bɔ yiö =dhia kö Izlaelö -mɛ -nu -waan -a dɔ.»

³²'Yö Zan -ya pö 'zü: «A -Zuu 'slöösLö -yö kö -yö 'go -na dhang- 'gü. -Yö -kë -tönggö 'ka, 'yö nu 'yö -ya -a -ta. ³³'Kɛɛ -a kë -sü 'ka kö pë -nu bhë -waan kë, me 'yö- 'ka, kö n 'ka- dɔ =kun. 'Yö -Zlan 'ö n bɔ kö 'aan- me -nu bɔ yiö bhë, 'ö- pö n -dhë: «Me 'ü 'dhoë- -Zuu 'slöösLö yö kö -yö =yɔɔ' -na -a -ta -yaan 'to -a -ta bhë, yö =ne 'ö dho me -nu pa -Zuu 'slöösLö 'ka.» » ³⁴'Yö Zan -ya pö: «Pë 'ö 'dhö bhë a- -yö ('ö n 'yan -yö -da -a 'gü); a- -pö =ya kë 'dhö kö me bhë -Zlan Gbö -mü.»

Yesu -bha =guë' -nu -blɛɛzë

³⁵=Dhe 'ö- -ta -dhe =ya 'po; Zan waa- ö -bha =guë' -nu bhë -an me =ple -wo -kë -dhe do bhë -a 'gü 'zü; ³⁶'wo Yesu yö kö -yö ziö -na; 'yö Zan -ya pö: «-Ka -dhe -ga 'dhe! -Zlan -bha 'bhlanë =ga =ne!»

³⁷Zan -bha =guë' -nu =ple 'wo bhë, -dhe 'ö -wo bhë 'wo- ma, 'wo to mü 'wo -ziö Yesu 'piö. ³⁸=Dhe 'ö Yesu -yö -dhië ö -zü, 'ö -an yö kö -wo ziö -na ö 'piö, 'yö -an -dheɛ' kpɔ =neɛ: «-Më 'ka- =mɛɛ?» 'Ö -an -bha -daa -yö -kë -dheɛ' 'ka 'wo- kpɔ =neɛ: «Labi, ü -bha 'kweandhe -yö mɛɛ?» (Labi -gen 'ö tɔɔ «-Gɔmɛ».)

³⁹'Yö- -daa -kë -an -gɔ 'ö- pö: «-Ka nu 'kwa 'dho, kö 'ka- yö!» 'Yö 'wo to -a 'piö, 'wo dho 'wo wo 'yan dɔ -a -bha 'kweandhe -bha, 'ö 'wo to -a 'piö mü -klöödhö -dhekpɔɔyi me bhë -a 'ka. (=Dhe 'ö pë -nu bhë 'wo kë -na 'dhö kö 'kwa dɔ 'wɔ 'yɛ -lan 'ka.)

⁴⁰Me =ple 'ö Zan 'wun =blɛɛ' -wo bhë 'wo- ma 'ö 'wo -ziö Yesu 'piö bhë, -a me do tɔɔ Andre 'ö -kë Simɔ Piɛɛ 'zlaa- 'ka. ⁴¹=Dhe 'wo 'go -na Yesu -gɔ kɔɔ, Andre -blɛɛzë =ne 'ö ö 'yan dɔ ö -dhoo Simɔ Piɛɛ -bha; 'yö- pö -a -dhë: «'Yië yi 'yan dɔ Mesi -bha!» (=Waa- pö Mesi Eblö -wo 'gü, kö -wa -pö Glekö -nu -wo 'gü 'pö «Klito», -a -gen 'ö tɔɔ «-Zlan -bha -Yame».)

⁴²=Dhe -kë 'dhö, -yö -dho Simɔ 'ka Yesu 'piö. =Dhe 'ö Yesu -yö Simɔ -ga -piindhö, 'yö- pö -a -dhë: «Ü tɔɔ Simɔ; Zan gbö -mü ü 'ka. 'Go =dɛɛ -bha, ü tɔɔ Sefasö.» (=Waa- pö Sefasö Eblö -wo 'gü kö -wa -pö Glekö -nu -wo 'gü 'pö «Piɛɛ», -a -gen tɔɔ «-guö gbɔng».)

Yesu -bha Filipö waa- Natanaelö -dhɔɔ kē -sü

43=Dhe 'ö- -ta -dhe =ya 'po, 'ö Yesu -yö -da zian -ta kö -yaan 'dho Galile -se 'gü; 'yö -kpën gɔɔn- do 'wo- -dhe Filipö -a -bha; 'yö- pö -a -dhë: «-Bhö ziö n 'piö!»

44>Filipö bhë, -yö -kë Betesaida mi 'ka. Betesaida -pö 'ö bhë =ne 'ö Andre waa- Pɛɛ 'wo -kë -a -bha. 45=Dhe =ya kē 'dhö, Filipö -yö -kpën Natanaelö -bha; 'yö- pö -a -dhë: «Mε 'ö Moizö -ya -bha 'wun =blɛɛ tɔng 'sëedhe 'gü, 'ö -Zlan -wodhiölomε -nu -wo 'wun -gban -a -bha 'wo- =blɛɛ 'pö bhë, 'yië- yö; 'ö tɔɔ Zozefu gbö Yesu 'ö go Nazaletë bhë.»

46'Yö Natanaelö -ya pö -a -dhë: «Ü- -pö dö! Nazaletë -pö =ne, 'wunsë 'godhe -mü =a?» 'Yö Filipö -ya pö -a -dhë: «Bhi gia-, -bhö nu 'ü ü 'yan dɔ -a -bha 'dhe!»

47=Dhe 'ö Yesu =ya Natanaelö yö kö -yö nu -na ö 'piö, 'ö 'wun -gban -a -bha 'ö- =blɛɛ 'ö- pö: «Izlaelö 'në giagia =ga =ne, 'ö bhii 'wun yaa gbε 'yaa- 'gü!»

48'Ö Natanaelö -ya =dheɛ' kpɔ 'ö- pö: «Ü n -dɔ -kɔklë =ε?» 'Ö Yesu -ya -daa -kë -a -gɔ 'ö- pö: «A ü -yö kö ü -ya -sü 'ka figö -lü -löö kö Filipö yaa ü -dhɔɔ kē -de wo =kun.»

49'Yö Natanaelö -ya pö -a -dhë: «N -Gɔmε, -Zlan Gbö -mü ü 'ka; bhi =ne 'ü Izlaelö -mε -nu -bha -gludë 'ka!»

50'Ö Yesu -ya -wo -daa -kë 'ö- pö: «=Dhe -kë =ne 'ma- pö a ü -yö figö -lü -löö bhë, 'ü n -wo yö 'wun gia- 'ka bhë ɔɔ; 'kεε -yö kē ü 'yaan =ne ü -dho 'wun 'gbliüünzë =plëëzë 'wo -ziö -a me 'ö =ne -a -ta -an yö.»

51'Yö- pö 'zü: «A- -pö ka -dhë 'wun gia- 'ka =nεε: 'Ö sü =dεε -bha, ka -dho dhang- yö zlöö -bha kö -a 'dhi -ya 'po kö -Zlan -bha bɔmε -nu -wo -da -na 'iin kö -wo =yɔɔ' -na ma 'a Mεgbö 'ka =ne n -ta.»

Yesu -bha -dhidhaapë -blëezë 'ö -kë kö =wa 'dho dhe 'sü 'wlaan- -ta Kana plöö

2 1=Dhe 'ö 'wun -nu bhë =wa kē 'dhö, 'ö- -dhekpacyi =ya kē -yaaga, 'ö dhe 'sü 'wlaan- -yö -kë Galile pö- do 'wo- -dhe Kana -a 'gü. Yesu dhe -yö -dho 'wlaan- bhë -a -ta. 2 Yesu -de 'pö, yö 'dhö waa- ö -bha =guë' -nu, -wo -naɔ -bɔ -an -gɔ 'pö kö -wo nu mü. 3=Dhe 'ö 'wlaan- bhë 'wo- kē -na, 'ö kwa dɔ 'tɔng 'bhaa 'ka, 'ö yɔ -yö yën. =Dhe =ya kē 'dhö, 'ö Yesu dhe -yö Yesu -dhɔɔ -kë plaan, 'ö- pö -a -dhë: «'Wun =ne -wo -dho -a kē -dhë 'pö =ne! Yɔ 'yi 'plε =ya yën.»

4'Ö Yesu -ya pö -a -dhë: «Dheklöö, ü- -pö =dheε? Ü =kwaaw' n -zü. N -ma 'tɔng yaa -lo =kun!»

5'Ö- dhe -yö yuökemε -nu =dhɔɔ -kë 'ö- pö -an -dhë: «=-Ka 'to zö; pë 'saadhö 'ö 'dhoë- pö ka -dhë, -kaa kël!»

6-Guö 'lɔɔ =fië' 'slado -wo -kë dɔ -sü 'ka -dhe bhë -a -bha. Yö =ne 'ö =ya kē 'ö Zuifö -wo 'yi sü -a 'gü 'wo- -kë wo -bha =ne -kɔ 'ö- 'ka -an wɔ -kɔ 'gü

bhë -a 'dhö. -A do bhë pë dhö -mɔ 'yi 'litro 'gɔɔ- 'sleaga 'iin -këng' do -bha -wo -mɔ -a -bha -wa yö -a 'gü. ⁷Yö -dhe -kë 'dhö 'ö Yesu -ya pö yuökëme -nu 'wo bhë -an -dhë: «-Ka 'yi yö 'lɔɔ -fië' -nu 'wo -nɛ -an 'gü, -yö -an pa!» 'Ö 'wo- -kë 'dhö. ⁸Yö- pö -an -dhë 'zü: «'Yi bhë -kaa pë 'bhle 'sü -kɔɔ 'gü 'ka dhoë mɛ 'ö 'wlaan- -nɛ -a -gbaan 'ka bhë, -a -dhia!» 'ö 'wo- -kë 'dhö. ⁹(Kö -wa -kë -dhë 'ma, 'iin kö -wa -pö -a -dhë -dhë, 'kɛɛ) -dhe 'wo -lo 'ma 'ö gɔɔn- bhë 'ö 'yi bhë 'ö- dan, kö -ya 'gla yɔ 'gü. 'Kɛɛ kë- wo 'dhö bhë, -dhe 'ö yɔ bhë 'ö go -a -bha yaa- dɔ 'ö -de -gɔ. Yuökëme -nu 'wo bhë, wo -zë -dhe 'ö yɔ bhë 'ö go -a -bha -wa -dɔ. ¹⁰-Dhe -ya 'go mü, 'yö dhe -gɔn -dhɔɔ -kë 'ö- pö -a -dhë: «Kë- wo -na -nɛ, -wa 'wlaan- kë 'ö 'wo dho yɔ yö mɛ -nu -dhë, -a din -sëëzë -nɛ 'wo- nu -an -dhë, 'ö -ya kë 'dhö zlöö, 'kwa dɔ 'töng 'bhaa 'ka kö mɛ -nu -wa yɔ mü -va 'ö 'wo- 'saadhö 'ö -dhö, 'wo- nu -an -dhë; 'kɛɛ bhi 'pö, yɔ -sëëzë -nɛ 'ü- -gbaannu -nɛ, 'kwa- ma -ɛɛ?»

¹¹-Kö 'ö -kaa' Kana, Galile -sɛ 'gü, 'ö Yesu -yö 'ö -bha -dhidhaapë -blëëzë -kaa' 'ö bhë. -Dhe 'ö bhë -nɛ 'ö Yesu -yö 'ö -bha -tɔbhɔdhe -zɔn -a -bha, 'ö- -bha -guë' -nu -wo wo -zo yö -a -bha.

¹²-Dhe 'ö 'wlaan- bhë -ya yën, waa- 'ö dhe 'dhö, 'ö dheglu -nu waa- 'ö -bha -guë' -nu -wo -dho Kapɛɛnaɔmë 'ö 'wo -dhekpacyi kpö 'bhle kë mü.

-Zlan -gba -a 'gü -kɔ -bhlë 'ö Yesu -gɔ
(*Matiö 21.12-13; Maakö 11.15-17; Lukö 19.45-46*)

¹³-Dhe 'ö Zuifö -nu -bha Paakö 'wlaan- kë -yi -ya yö -klöö', Yesu -yö -luu 'ö dho Zeluzalemë. ¹⁴-Dhe 'ö dho, 'ö -lo 'ma ('ö -da -Zlan -gba -a 'gü -kɔ 'dhëüdhö mü), kö -du -nu oo, 'bhla -nu oo, -tönggö -nu ('ö -ya kë 'ö Zuifö -nu -wa dhɔ -waan kë woë- sla- -bhoë' -pë 'ka bhë) -an 'dhɔɔdɔmɛ -nu waa- mɛ -nu 'wo -kë 'wëü- -ta -bɔ -dhia -Zlan -gba -a 'gü -kɔ 'wëü- 'ka mü bhë -an 'ka bhë -an 'plɛ -wa wo -yadhe 'kun mü. ¹⁵-Dhe -ya kë 'dhö, 'ö -bhüöga -nu sü 'ö- -kë -klaaga 'ka, 'ö 'dhɔɔdɔmɛ -nu waa- wo -bha 'bhla -nu, -du -nu -an -kë; kö -yö 'wëü- -tabhɔmɛ -nu -bha 'wëü- -pen -na kö -yö -an -bha 'dhɔɔ dɔ -a -ta -gba -nu yö -na -gɔɔ'. ¹⁶Yö- pö -tönggö 'dhɔɔdɔmɛ -nu -dhë: «Pë -nu 'wo -nɛ, -ka -an bho zö; kö -kun 'ka n Dë -bha 'kɔ kë 'dhɔɔkuëdhe 'ka.»

¹⁷-Dhe 'ö pë -nu kë -na 'dhö, 'ö- -bha -guë' -nu -zo -yö -büö -nɛ 'wun -yö -gban pë -nu 'wo -kë bhë -an -bha -Zlan -bha 'sëëdhe 'gü -nɛɛ: «-Zlan, ü -bha 'kɔ -dho 'ö n -gɔ bhë -yö -mɔa -bha -dewo -yö n zë. »

¹⁸Yö Zuifö -nu -gɔmɛ -nu -wa pö -a -dhë: «-Dhidhaapë do kë kö -ya -zɔn yi -dhë -nɛ pë -nu 'ü- kë -na bhë -wo ü -dua' 'ka.»

¹⁹Ö Yesu -ya -daa -kë -an -gɔ, 'ö- pö: «-Zlan -bha 'kɔ -nɛ, -kaa 'wü; a -dho -a gbe dɔ -dhekpacyi -yaaga -bha.» ²⁰Yö Zuifö -nu -gɔmɛ -nu -wa pö -a -dhë 'zü: «'Kö ü -ga -na -nɛ, -kwe 'gɔɔ- -yiisië 'ö ga 'slado -yuö -mü; dö -mü ü 'ka kö 'üën- pö yi -dhë ü -dho -a dɔ -dhekpacyi -yaaga -bha -ɛ?»

²¹'Kɛɛ kë- wo 'dhö bhë, pë 'ö- -dhe -Zlan -bha 'kɔ ('ö mɛ -nu waa- -gen ma -a -gɔ) bhë 'ö tɔɔ yö -de gia- 'ö -lü. ²²'Kɛɛ -dhe 'ö -ya 'go ga 'gü, 'ö- -bha -guë'

-nu -zo -yö -büö zlöö -a -wo -nu 'ka, 'wo- -gen ma; 'ö pë -nu 'wo -gban -a -bha 'wo -kë -bëen' -sü 'ka -Zlan -bha 'sëédhe 'gü bhë 'wo- -wun -dhe 'wun gia-.

Yesu -yö kwa -zuö' 'piö -wun -dö

²³Paakö 'töng 'ö Yesu -ya -kë Zeluzalemë 'ma bhë, mε -nu -wo wo -zo -yö -a -bha -plëézë 'ka -dhidhaapë -nu 'ö- -kë bhë -a -wun 'gü. ²⁴Kε yö 'pö, -yö ö -de -kë 'slë 'ka -an -gö 'ö tɔɔ -yö -an -dö; ²⁵bhii -a -bha -wun yaa kë -a -bha kö -wo mε 'bhaa -wun -blëé' ö -dhë. Mε 'ö -dhö 'wun 'ö- -zuö' 'piö -wun 'ka, -ya -dö.

'Wun 'ö -gban Yesu -bha Nikodemö -daan' 'ö- wo -a -bha

3 ¹Gɔɔn- do -yö -kë -dhö, 'wo- -dhe Nikodemö; -yö -kë Falizi -mε 'ka, 'go mü, -yö -kë Zuifö -nu -gɔmε do 'ka. ²'Yö gbeng -yi do 'ka, 'yö nu Yesu 'piö 'ö- pö -a -dhë: «N -Gɔmε, yi -tɛi' -dö -nε bhí -nε 'ö -Zlan -yö ü bɔ kö 'üën- yi -daan-'; 'yö tɔɔ mε gbe -kɔ 'ka 'dhö -mɔa kö -yö -dhidhaapë -nu kë -nε -kɔ bhë -a 'dhö kö -Zlan 'yaa- -mε 'piö.»

³'Ö Yesu -ya pö -a -dhë: «A- -pö ü -dhë 'wun gia- 'ka, mε 'ö yaa bhɔ -dëüwo, yaa 'dhö -da -Zlan -bha -gludédhe kédhe -bha.»

⁴'Yö Nikodemö -ya pö -a -dhë: «Mε -dho -mɔa kö -yö bhɔ -kɔklë kö -ya kë zii -ii, 'iin kë- wo bhë -da 'pö 'dhoë- wo 'zü ö dhe -zuö' 'piö kö -yaan bhɔ bhë ee?»

⁵'Ö Yesu -ya -daa -kë -a -gɔ 'ö- pö: «A- -pö 'zü ü -dhë giagia 'ka, -ya kë -nε mε yaa bhɔ 'yi waa- -Zuu 'slööslö -an 'gü, yaa 'dhö -da -Zlan -bha -gludédhe kédhe -bha. ⁶'Ö tɔɔ mε 'ö bhɔ mεbheedhe -suu' -'gü, kö mε bhë, mεdhe -zuöga -nε 'ö- -gɔ; 'kεε mε 'ö- -bha -kédhösü -gen -ya 'go -Zuu 'slööslö 'gü, kö mε bhë -yö -Zuu -suu' -ta -mε 'ka. ⁷Kö -kun 'ö ü 'te -yö tun -a pö 'a- wo ü -dhë: -Bhö bhɔ 'zü -dëüwo bhë -a -wun 'gü. ⁸'Tëé 'ö 'ka- -ga -na bhë, -dhe 'ö -dhi -a -dhë -nε 'ö -piö -a -bha, 'ö -ya kë kwa- -drinng ma. 'Kεε 'kaa- 'go -zian 'iin 'dho -zian gbe dɔ. Pë do bhë -nε 'ö mε 'ö -ya bhɔ -Zuu 'slööslö 'gü 'ö- 'ka 'pö.»

⁹'Yö Nikodemö -ya pö -a -dhë 'zü: «-Bhö -Zuu 'slööslö 'gü -sü 'ö bhë, -a kë -kɔ -yö -dhë -ε?»

¹⁰'Ö Yesu -ya -daa -kë -a -gɔ 'ö- pö: «Bhi 'ü tɔnggɔmε -va do 'ka Izlaëlö 'segɔ 'dhiö bhë, 'wun -nε 'bhaa- dɔ -a? ¹¹-εε, a- -pö ü -dhë giagia 'ka: Pë 'yi- dɔ -nε 'ö 'yi- -wun -blëé; 'ö pë 'ö yi 'yan -yö -da -a 'gü 'yi- -tɔmɔdhe -kë; 'kεε 'kaa yi -wo -nu -dhe 'wun gia- 'sa! ¹²Pë -nu 'wo 'kpongtaa zö 'a -an -wun -blëé' -na bhë, -a -wun 'kaa- -dhe 'wun gia- -nε, -a mε -nu 'wo dhang- 'gü bhë, a -dho -a -wun -blëé' ka -dhë 'ö 'ka- -wun -dhe 'wun gia- -kɔklë -εε? ¹³A- -pö ü -dhë, mε gbe yaa 'dho dhang- 'gü, -a 'ke yaa kë ma 'a -Zlan Gbö 'ka, 'a -ya -sü 'ka dhang- 'gü, 'a -yɔɔ bhë n 'ka.

¹⁴'Iin 'zü pë dho kë 'ö tɔɔ -wo Mεgbö dɔ 'lü -bha dhuö -nε -kɔ do gia- 'ö Moizö -yö zën -mεε 'në dun -a 'ka 'kpa 'lü -bha 'yënnng -taa bhë -a 'dhö.

15-Yö kē 'dhō kō mē 'ō 'dhoë- ö -zo yō -a -bha, kō -kēdhösü 'ö 'dhō -toëpö 'ka bhē -yaan kē -a -gɔ. 16'Ö tɔɔ 'kpongtaame -nu -dhɔ -yö -Zlan -kē giagiawo; 'yö- -wun 'gü 'ö 'ö Gbö dosen bhē 'ö- bɔ, -yö kē 'dhō kō mē 'oo mē 'ö 'dhoë- ö -zo yō -a -bha bhē, kō -yaan 'kun ga -sü 'ka; 'kɛ kō -kēdhösü 'ö -dhö -toëpö 'ka bhē -yaan kē -a -gɔ. 17Kē- wo 'dhō bhē -Zlan yaa ö Gbö bɔ 'kpongtaa kō -yaan za -lo 'kpongtaame -nu -bha, 'kɛ -ya -bɔ -zian' kō 'kpongtaame -nu -waan bɔ -a -ta -waan dha -sü yō.

18-Ya kē 'dhō kō mē 'ö =yaa- -wun -dhe 'wun gia- kō za 'ka 'dhō -lo -a tuö; 'kɛ mē 'ö =ya -kɔ -a -wun 'ka, kō za bhē, -a -bha =ya -lo -a tuö 'saadhö -nɛ bhē. 'Ö bhii yaa 'we -Zlan Gbö dosen 'kpaan 'ö- -gɔ bhē -a -wun -bha. 19Za -bha -lo mē tuö -gen =ga =nɛ: -Dhepuudhe -yö -nu 'kpongtaa -zian', 'kɛ mē -nu -wo wo -ta -yö -a -bha, 'wo wo wö bɔ -dhetiidhe 'gü -pē -nu 'piö 'ö bhii -an kēpē -nu -wo -kē yaya. 20'Ö tɔɔ mē 'ö kēpēyaame 'ka, -yö -dhepuudhe -san -zē 'ö 'yaa nu mü, 'ö bhii kō -kun 'ö- kēwun -nu dhö yō -dhegbɛadhe 'gü. 21'Ö mē 'ö 'wun gia- 'gü -mē 'ka 'ö- -dhɔ -kē -dhepuudhe 'ka -yö kē 'dhō kō mē 'kpekpe -wa yō =nɛ -a kēpē -nu bhē -wo -Zlan -zo 'kun -wun 'gü.»

'Wun 'ö -gban Yesu -bha 'ö Zan -ya -blɛɛ

22=Dhe 'ö Yesu waa- ö -bha =guë' -nu =wa 'go mü, -wo wo -gɔ dɔ =zian' Zude -sɛ 'gü. -Dhe bhē =nɛ 'wo 'töng kpö 'bhle -kē -a -bha, kō -yö mē -nu bɔ -na yiö. 23Zan -de 'pö -yö -kē mē -nu bɔ yiö =dhia 'pö pö- 'wo- -dhe Enɔɔ bhē -a 'gü Salimē -pö 'sɔɔ, 'ö tɔɔ 'yi -yö -kē mü =va. 'Ö =ya kē 'ö mē -nu -wo go -dhe 'saadhö 'gü, 'wo nu -a 'piö. 24'Töng bhē -a 'ka, kō waa Zan -zuö -kanso 'gü -kun.

25'Yö yi do 'bhaa 'ka 'ö zaɔbhodhe -yö -da Zan -bha =guë' -nu waa- Zuifö mi do -an ziën 'wun 'ö -gban bun -bha -kē 'slööslö -kɔ 'ö -Zlan -bha zian -ta, -a wɔ -kɔ 'gü bhē -a -wun 'gü. 26'Yö 'wo nu Zan 'piö, 'wo- pö -a -dhɛ: «Yi -Gɔmɛ, mē 'ö kwa -nu 'kwa- -kē Zuuden zlöö -dëü 'ka, 'ü- -tɔmɔdhe -kē bhē, mē -nu -wo 'dho -na -a 'piö, -yö -an bɔ -na yiö 'pö -oo!»

27'Ö Zan -ya -daa -kē -an -gɔ 'ö- pö: «Pē yaa 'dhō kē mē -gɔ 'kpaan 'ka kō -Zlan yaa- nu -a -dhɛ. 28Ka -de gia-, ka n -goo- 'ka, 'ö bhii a- -pö ka -dhɛ: 'Maa -Zlan -bha -Yame 'ka, 'kɛ -Zlan -yö n -bɔ -a 'dhiö. 29Dhe -gɔn =nɛ 'ö tɔɔ mē 'ö dhe 'dhoë- -gɔ, 'kɛ mē 'ö dhe -gɔn 'bha 'ka, 'ö- 'to 'dhö -a -wo -bha, -a =zuö' -yö -da 'gludhi =va 'gü dhe -gɔn -wo 'ö- ma bhē -a -wun 'gü. -Kɔ 'ö n =zuö' 'glu 'dhö dhi -na -a 'ka bhē 'ö bhē; 'ö- 'dhiö 'dhö -mɔ -sü 'ka 'kuë. 30Pē dho kē tɔɔ -a -gɔ -dho =luu 'ö ma -zē 'a dho sia-.

31Mē 'ö 'go -na dhuö bhē, -yö pē 'plɛ -gɔ -ta; 'ö mē 'ö 'kpongtaa zö bhē, 'ö 'kpongtaadhe -bha 'ka 'ö- 'wun =blɛɛ -wo -nu -wo -kē 'kpongtaadhe -bha 'ka. -Yö 'dhö gia- 'ka =nɛ mē 'ö go dhang- 'gü bhē, -yö pē 'plɛ -gɔ -ta, 32'ö pē 'ö 'yan -ya yö 'ö- 'to -ya ma =nɛ, 'ö- -tɔmɔdhe -kē; 'kɛ kō mē gbe 'to 'yaa- 'wun =blɛɛ' -wo -bha 'sa. 33Mē 'oo mē 'ö =yaa- -bha -tɔmɔdhe kē -wo

bhë -a -dhe 'wun gia- kö -Zlan -bha 'wun =blee' -sü bhë, -yaa- -dhe 'wun gia- =ne bhë; ³⁴ö bhii me 'ö -Zlan -ya bɔ bhë, -Zlan -wo =ne 'ö- =blee 'ö tɔɔ -Zlan -ya -Zuu 'slööslo -ya -a 'gü ö 'ple 'ka. ³⁵Dë -yö ö Gbö -dho -kë, yö -ga ö Dë -ya pë 'ple -lo -a kwɛɛ bhë. ³⁶Kö me 'ö -ya Gbö -wun -dhe 'wun gia-, -toëpö -këdhösü -ya -bha 'ka. 'Kɛɛ me 'ö yaa Gbö -bhlë -ya, yö 'ka 'dhö -da -këdhösü 'gü, 'kɛɛ -Zlan -bha -naazuëdhe =ne 'ö dhoë- dɔ.»

'Wun 'ö -gban Samali -dhe -bha -kpën Yesu -bha -sü -bha

4 ¹Dhe -kë 'pö, Falizi -me -nu -wa -ma =ne Yesu -bha me -nu -bɔ yiö -sü bhë, -ya ziö Zan -bha -ta. ²'Kɛɛ kë- wo 'dhö bhë, yaa kë =ne pë 'wo- pö Yesu gia- -de =ne 'ö me bɔ yiö yö kun, 'kɛɛ -a -bha =guë' -nu -mü. ³'Yö =dhe 'ö Yesu =yaa- 'wun dɔ =ne 'wun -nu 'wo bhë 'saadhö, Falizi -me -nu =waa- ma, 'yö go Zude, 'yö -yɛ ö 'zü, 'yö dho Galile. ⁴'Kɛɛ kë- wo 'dhö bhë zian 'kpaan gbe 'ö dhoë sü -yaan 'kun -bɔ Samali -se 'gü -süë 'yaa 'dhö.

⁵-A -bha -bɔ Samali -sɛ bhë -a 'gü -sü 'ka, -yö -lo pö- do 'wo- -dhe Sikaa -a 'sɔɔ. Pödhë 'ö bhë -yö dɔ -sü 'ka =bhlöödhe 'ö Zaköbö -ya nu ö gbö Zozefu -dhë bhë -a 'sɔɔ. ⁶-Dhe bhë =ne 'ö -klɔng 'ö Zaköbö -ya pɔn bhë 'ö -kë -a -bha. -Klɔng bhë =ne 'ö Yesu -yö dho 'ö -ya -a 'kpong 'dhiö kö lan- -ya dɔ me -gɔ ziën, bhii kö 'ta 'ö- sü bhë -a -wun 'gü, -a 'gü -ya ga.

⁷'Yö dhebɔ do 'ö -kë Samali -dhe 'ka 'yö -wo mü -yaan 'yi 'tɔ. 'Ö Yesu -ya pö -a -dhë: «N gbaa 'yië 'a- mü!»

⁸=Dhe kë -na 'dhö kö -a -bha =guë' -nu =wa 'dho plöö -bhöpë -nu 'dho -dhia. ⁹'Ö dhebɔ bhë 'ö- pö -a -dhë: «-Yö -kë -dhë 'ö bhi 'ü Zuifö 'ka, 'ü 'yi -dhe n -gɔ, 'kɛɛ kö ma 'a =ne Samali -dhe -mü n 'ka =ne =ɛ?»

(Kë- wo 'dhö bhë 'ö tɔɔ Zuifö -nu 'waa 'we Samali -me -nu 'piö.) ¹⁰'Yö Yesu -ya -daa -kë -a -gɔ 'ö- pö: «Ya kë =ne ü -Zlan -bha gbaɔ waa- me 'ö 'yi -dhe -na ü -gɔ =ne ü- -dɔ -be, kö bhi =ne 'ü dho 'yi -dhe -a -gɔ -bezë. Kö 'yi 'ö -këdhösü 'dhoë- 'gü bhë, a -dhoë nu ü -dhë.»

¹¹'Yö dhebɔ bhë 'yö- pö: «N Dëme, 'yi -tɔa' -pë gbe 'yaa ü -gɔ 'ö -klɔng -glu 'dhö =gbiin =ne 'yi 'ö -këdhösü 'dhoë- 'gü bhë ü -dho -a tɔ 'më ɛɛ? ¹²'In kë- wo =ne, kë 'pö 'ü- wo =va yi 'bhema Zaköbö 'ö -klɔng =ne 'ö- pɔn yi -dhë -a -bha 'pö bhë ee? 'Kɛɛ kö yö -de gia- -ya 'gü -yi -mü yö 'dhö, ö -bha 'në -nu waa- wo -bha -tuë -nu.»

¹³'Ö Yesu -ya -daa -kë -a -gɔ =woë' =nɛɛ: «'Yi =ne, me 'oo me 'ö -yaa- mü, 'yi mü -dho -yö -dho -a kë 'zü; ¹⁴'kɛɛ 'yi 'a- nu -na me -nu -dhë =ne, me 'ö -ya ö -kö 'kpɔ -a -gɔ 'ö =yaa- mü, 'yi mü -dho 'ka 'dhoë- kë gbɔ. 'Ö tɔɔ 'yi 'a 'dhoë- nu -a -dhë bhë, -yö -dho kë -a -gɔ 'yigɔ 'ö dho bho 'dhö =toëpö -këdhösü 'gü -a 'ka.»

¹⁵'Ö dhebɔ bhë 'ö- pö: «N Dëme, 'yi bhë -a nu n -dhë kö 'aan- -a mü, kö -kun 'ö 'yi mü -dho dhö n kë 'zü 'ö 'a nu 'yi tɔ =dhia zö.»

¹⁶'Ö Yesu -ya pö -a -dhë: «'Dho 'ü ü =gɔn =dhɔɔ kë kö 'ka nu zö.»

¹⁷'Ö dhebɔ bhë 'ö- pö: «'Maa gwaan.» 'Yö Yesu -ya pö -a -dhë: «-A pö 'ü- wo 'bhaa gwaan bhë, ü- -pö -së; ¹⁸'wun gia- -mü, 'ö bhii gɔɔn- 'ö 'ka ka

'ko 'piö bhë, ü -gɔn 'yaa -mü. A- 'tei' dɔ 'pö -ne kë- wo bhë 'bha 'dho gwaan -gwaä 'sɔɔdhu -zë wo.»

19'Ö dhebo bhë 'yö- pö: «=Ee, -Zlan -wodhiölome -mü ü 'ka a, n -Gɔme! 'Ma ü dɔ. 20Kë- wo 'kpa bhë yi dë -nu -wo -Zlan -gba, -tɔn 'ö -ne -a tuö; 'yö ka -zë, 'ka Zuifö 'ka, 'ka- pö, -dhe 'ö -Zlan gbadhe 'ka, -yö Zeluzalemë.»

21'Ö Yesu -ya pö -a -dhë: «Dhebo, a- -pö ü -dhë, 'töng do 'bhaa -yö nu -na 'ö n Dë gbadhe yaa 'dhö kë -tɔn =ne -a tuö 'iin Zeluzalemë. 22Ka -zë pë 'ö 'kaa- dɔ =ne 'ö 'ka- gba. Yi 'pö yi- -dɔ 'ö bhii dhasü 'ö 'ka- -ga -na bhë, -yö -go Zuifö -nu 'piö. 23'Këe 'töng 'bhaa 'ka, 'ö- -de -ya -lo 'saadhö, me -nu 'wo -Zlan gbame -nu giagia 'ka, -wo -dho n Dë gba -Zuu 'slööslö waa- 'wun giagia -an 'gü. 'Ö tɔɔ n Dë gbame -nu -suu'- bhë =ne 'ö -an -wun 'yi -yö kan -a -dhë. 24-Zlan bhë -Zuu -mü. =Ya kë 'dhö, kö me -nu 'wo- 'piö kö -wa gba bhë, -an =dua' -mü kö -wa gba -Zuu 'slööslö waa- 'wun giagia -an 'gü.»

25'Yö dhebo bhë 'yö- pö -a -dhë: «A- 'tei' -dɔ =ne Mesí 'wo- -dhe Klito 'ö -Zlan -bha -Yame 'ka bhë, -yö -dho nu. =Ya kë =ne =ya nu, yö =ne 'ö -dho pë 'ple -zɔn kwa -dhë.»

26'Ö Yesu -ya pö -a -dhë: «Ma -mü, ma 'a 'wun =blee' -na =ne!»

27'Yö to mü 'ö- -bha =guë' -nu -wo -lo; 'ö -an 'te -yö tun kö -wo Yesu yö kö waa- dhebo bhë -wo 'wun =blee' -na wo 'ko =bhaa. 'Këe kë- wo 'dhö bhë, me yaa kë -dhö -an ziën kö pë 'wo -kë -a -ta -wun =blee' -dhia bhë, -ya -wun =dheë' kɔɔ -a -gɔ.

28'Yö dhebo bhë, 'ö ö -bha 'yi -tɔ -a 'gü -gbɔ to sia- mü 'ö dho plöö 'ö- pö me -nu -dhë: 29«-Ka nu 'dhe! Gɔɔn- do -yö -de. Pë -nu 'a- -kë 'töüdhö bhë, =yaa- 'ple =blee'-. -Ka nu 'dhe, -yö -dho kë -Zlan -bha -Yame 'wo- =wɔɔn -na bhë -a 'ka.»

30'Yö 'wo -ziö 'töüdhö, 'wo go plöö 'wo dho -dhe 'ö -kë -a -bha bhë -a -bha.

31-A 'töng bhë -a 'ka, -a -bha =guë' -nu -wo -kë -gban -a -bha -sü 'gü -neë: «Labi, -bhö pë -bhö -ee!» (=Waa- pö «Labi» Eblö -wo 'gü kö -wa -pö «-Gɔme».)

32'Këe -ya -daa -kë -an -gɔ 'ö- pö: «-Bhöpë 'ö 'kaa- dɔ -yö n -gɔ.»

33'Yö 'wo yö -a pö -süë wo 'ko -nu -dhë: «-Yö -dho kë, me 'bhaa -ya nu -a -dhia -bhöpë 'ka, =yaa- -bhö.»

34'Yö- pö -an -dhë: «Ma -bhöpë 'ö tɔɔ me 'ö n bɔ bhë kö 'aan- -a -zo 'kun -wun kë 'iin kö pë 'ö n bɔ -a -wun 'gü bhë, 'aan- -a 'dhiö -mɔ 'kuë. 35Ka -zë, ka- -pö: 'Su -yiisië 'ö =tun -dhö kö 'kwaan- 'blee- -kpa 'kan. 'Këe a- -pö ka -dhë: -Ka -dhe -ga 'dhe, 'blee- =bhlödhe -nu =wa ga 'saadhö; -an 'kan -sü -mü. 36Me 'ö pë ta -na -yö -dho ö =saan' yö. 'Ö me 'ö pë 'ö me bhë 'ö- ta bhë, 'ö- 'kan -na, 'ö- 'kɔɔ -na 'kuë- 'slëëdhö bhë, 'yö dho ö =saan' yö 'pö. -Kɔ do bhë 'ö- 'ka, me -nu 'wo -Zlan -bha yuö 'gü =toëpö -këdhösü 'gbloo 'piö bhë -a 'gü 'pö 'ö =ya kë 'ö -an =zuö' 'glu -yö dhi; 'ö tɔɔ me 'ö pë ta waa- me 'ö pë -kan kö me 'ö -dhö =ya ö =saan' yö. 37'Wun =blee' -wo do -ya -pö: «Me do

-yaa- -ya, 'ö me 'waa gbe -ya -kan». -Wo bhë -yö 'wun gia- 'ka. ³⁸Ö tɔɔ 'ma ka bɔ kö -dhe 'ö kaa kē -a -bha -a züɔyi 'ka, 'kaan- -a -ya bhë, kö 'kaan- -a 'kan. Me 'kpaan gbe -nu -bha yuö bhë =ne 'ö 'ka ka -de -da -a 'gü bhë.»

³⁹Töng bhë -a 'ka, Samali -pö bhë -a 'gü -me -nu -wo -kē -va 'wo Yesu -wun -dhe 'wun gia-; kē- wo 'dhö bhë, -yö -sü 'wun 'ö dheɔ bhë 'ö- -bleɛ -an -dhë bhë -a -bha; 'ö tɔɔ -ya -pö -an -dhë: («Gɔɔn- =ne,) pē -nu 'a- -kē 'dhiö 'saadhö bhë, =ya bɔ -a 'plē 'gü =yaa- =bleɛ'-.» ⁴⁰Yö -dhe =ya kē 'dhö, 'ö Samali -me -nu -wo nu 'wo- pö -a -dhë wo -nu -wo wo 'bhle =waannu. 'Yö Yesu -yö -dhekpɔyi =plē -kē -an 'piö mü. ⁴¹-Aa', kē- wo 'dhö zlöö bhë, me -nu -wo -kē -va giagiawo 'ö 'wo- -wun -dhe 'wun gia- -wo -nu 'wo -kē -go -a dhiö =dhia bhë -a -wun 'gü. ⁴²=Dhe =ya 'go mü, 'wo- pö dheɔ bhë -a -dhë: «Yi -zo yö -sü -mü gɔɔn- 'ö =ne -a -bha =ne yö 'ö tɔɔ 'kpongtaame -nu Dhame; 'yö 'dhö gia- 'ka; 'kē -dhe 'yi- -ga -a 'gü zlöö bhë yaa kē =ne 'wun -nu 'ü- =bleɛ yi -dhë bhë =ne 'yi -gban -a -ta, 'ö bhii yi -de gia- -a -wo -nu =wa -da yi 'toudhö, 'yië -an ma.»

Yesu -bha gɔɔn- -bhlözë do gbö -dhe bo 'ö- wo

⁴³=Dhe 'ö -dhekpɔyi =plē bhë, 'ö Yesu =yaa- kē 'dhö mü, -yö -go mü 'ö dho Galile -se 'gü =zian'. ⁴⁴Kē- wo 'dhiö bhë, Yesu -ya -pö 'wun =zuan' 'ka =neɛ: «-Zlan -wodhiölome =bhlë 'yaa 'dhö -a -de -se 'gü» bhë, ⁴⁵=dhe =ya 'dho =ya -lo Galile -se 'gü, 'ö 'wo- -nia kun -së 'ka giagiawo, 'ö bhii wo -de 'pö, Paakö 'wlaan- 'ö -kē Zeluzalemë bhë, -wo -kē -a -ta 'ö pē -nu 'ö- -kē 'töüdhö bhë 'ö -kē -an 'yaan 'ka.

⁴⁶=Dhe =wa -lo Galile -se bhë -a 'gü, -wo -dho 'wo -da Kana plöo, -dhe 'ö 'yi -gla -a -bha yɔ 'gü bhë -a -bha. Pö- bhë -a 'gü, 'sedë -bha yuökëme -bhlözë do -yö -kē mü. 'Yö gɔɔn- 'ö bhë 'ö- -bha 'në do -yö -kē 'yuazë; 'kē 'në bhë -yö -kē Kapɛnaomë. ⁴⁷Yö -dhe =yaa- ma =ne Yesu =ya 'go Zude -se 'gü =ya nu Galile mü, 'yö dho -a 'piö 'ö -bhëa -a -dhë kö -yö 'dho Kapɛnaomë -yaan ö gbö 'ö =ya bhɔ ga -sü -bha bhë -a -dhe bo. ⁴⁸'Ö Yesu -ya pö -a -dhë: «Kaa -mɔa 'ka 'wun -dhe 'wun gia- 'kpaan 'ka kö kaa -dhidhaapë -nu yö 'iin ka 'yan yaa -da 'wun 'gblüünzë -nu 'gü a!»

⁴⁹Yö gɔɔn- bhë 'yö- pö Yesu -dhë: «N dë, -dhe 'ö ma 'në yaa ga kun =neɛ, -bhö nu =il!»

⁵⁰Yö Yesu -ya pö -a -dhë: «-Bhö 'dho, ü -bha 'në 'ka 'dho ga.» 'Yö gɔɔn- bhë, 'ö Yesu -wo -dhe 'wun gia-, 'ö -ziö 'ö dho. ⁵¹-Yö -kē 'dho =dhia ö -plöö, 'ö- -bha yuökëme -nu -wo nu -a -gɔ zian-, 'wo- pö -a -dhë: «Ü -bha 'në -yö 'bhee-!»

⁵²Yö ö -bha yuökëme -nu =dheɛ' kpɔ 'töng 'ö- gbö 'bhle -yö =kaa' 'waa, -a -wun 'ka; 'ö 'wo- pö -a -dhë: «-Yö -kē 'dhö kö lan- =ya 'go kwa -gɔ ziën 'dëdë 'ka yɛɛn, 'ö- kwigüdhe -yö kē -saa.»

⁵³Yö gɔɔn- bhë 'ö- -zo -yö -lo 'töng 'ö Yesu -ya pö -a 'ka -a -dhë: «ü -bha 'në 'ka 'dho ga» -a -wun -ta; 'ö- yö =ne 'wun =plē 'wo bhë -wo -kē 'töng do

'ka. 'Yö 'wun bhë 'yö -kë -a -gɔ 'kɔɔmɛ -nu 'plɛ -bɔ -a -ta -wun 'ka 'yö 'wo Yesu -wun -dhe 'wun gia-.

⁵⁴-Dhidhaa -wun kë =plɛ -naa 'ö Yesu -ya -kë kö =ya 'go Zude =ya nu Galile 'ö bhë.

Yesu -bha gɔɔn- 'tɔsiözüë -dhe bo -kɔ

5 ¹=Dhe =ya 'go mü, Zuifö -nu -bha 'wlaan- -yö -kë -dhö, 'ö Yesu -yö -ziö 'ö dho Zeluzalemë.

²Pödhe bhë -a 'gü, 'pian mɛ 'ö 'bhla -tuë -nu -yö plaan -dhe 'ka bhë, 'yipuë 'ö mɛ -nu -wa dho 'kuë- -yö -kë -a -bha; yö =nɛ 'ö- -dɔ dhɔngdhe -nu -bha -dhe 'dhi 'dhö 'sɔɔdhu. 'Yipuë bhë =nɛ 'wo- -dhe Eblö -wo 'gü «Betesaida». ³'Yipuë bhë, -a -da -a =bhaa -zian 'sɔɔdhu 'wo bhë, 'yuame =plëëzë -nu 'wo -kë 'yënnngtiime -nu, -gentɔsiöme -nu, 'tinnngmɛ -nu -an 'ka -wo -kë -lo -sü 'ka mü. ((Pë 'wo -ya -a -gɔ -dhe bhë -a -bha 'ö tɔɔ kö 'yi -yaan =tuun'. ⁴Kë- wo bhë 'ö tɔɔ, =ya kë Dëmɛ -bha bɔmɛ do -yö -yɔɔ 'yi bhë -a =bhaa 'ö 'yi -yö =tuun. 'Ö =ya kë 'dhö, 'yuame -blëëzë 'ö -püö -na 'yi bhë -a =bhaa bhë, 'yua =suu'- 'oo =suu'- 'ö- -bha, -yö -bo.)) ⁵'Töng bhë -a 'ka, gɔɔn- do 'ö 'yua =yaa- 'yënnng bhɔ -kwɛ 'gɔɔ- -yaaga 'ö ga 'slɛaga 'piö -yö -kë mü. ⁶Yesu -yö -kë ziö =dhia, 'ö- 'yan -yö -kpën -a -bha. 'Ö =dhe =yaa- dɔɔ =nɛ 'yua 'ö- -bha bhë =yaa- 'kun -a -dhe =ya =glɔɔ bhë, 'yö- -dheɛ' kpɔ =woë' =nɛɛ: «ü- 'piö kö ü -dhe -yö bo =a?»

⁷'Yö 'yuame bhë 'yö- pö: «N -Gɔmɛ, mɛ gbe 'yaa n -gɔ, kö =ya kë =nɛ 'yi =ya =tuun' kö -yaan n -zuö -a =bhaa. 'Yi =ya =tuun 'dhö, -a kë =yië' kö 'aan- =bɔɔ 'bɔ -an songdhö 'aan- -püö -a =bhaa kö mɛ gbe =ya -püö -a =bhaa 'saadhö n 'dhiö.»

⁸=Dhe -kë 'dhö 'ö Yesu -ya pö -a -dhë: «-Bhö =luu'-; ü -bha =sɛɛ' 'sü 'ü 'ta.»

⁹-Dhe do bhë 'ö to -a -bha 'ö gɔɔn- bhë, 'ö- -dhe -yö bo; 'ö 'ö -bha =sɛɛ' -bɛ -kë 'ö yö 'ta 'sü -sü -bha.

Yi 'Ö 'wun bhë 'ö =kaa' bhë, -yö -kë Zuifö -nu -bha =glooyi 'ka.

¹⁰'Yö =dhe -kë 'dhö, 'ö Zuifö -nu -gɔmɛ -nu -wa pö gɔɔn- 'ö- -dhe -yö bo bhë -a -dhë: «=Glooyi kun tɔɔ =dɛɛ =a? 'Yö =dhe -kë 'dhö =nɛ ü -dɔ 'më 'ü ü -bha =sɛɛ' bun =i?»

¹¹'Yö- pö -an -dhë: «Mɛ 'ö n -dhe bo bhë -ya -pö n -dhë 'a n -ma =sɛɛ' 'sü 'a 'ta.»

¹²'Yö 'wo- =dheɛ' kpɔ =nɛɛ: «Mɛ 'ö- pö ü -dhë: «Ü -bha =sɛɛ' 'sü, 'ü 'ta bhë' dö -mü poo =e?»

¹³'Kɛɛ kë- wo 'dhö bhë gɔɔn- bhë, mɛ 'ö- -dhe bo bhë yaa- dɔ gbɔ 'ö bhii kö Yesu =ya -da mɛ kpö 'gü mü.

¹⁴=Dhe 'ö pë -nu bhë =wa kë 'dhö, -wo -dho -Zlan -gba -a 'gü -kɔ 'gü. -Dhe bhë Yesu 'yan -yö -dɔ 'zü gɔɔn- bhë -a -bha. 'Yö- pö -a -dhë: «-Bhö -dhe -ga! Ü -dhe =ya bo; =ya kë 'dhö kö =kun 'ü =sɔɔn yaa -kë gbɔ, kö =kun 'ö 'wun 'gbee- mɛ 'ö -ziö -a mɛ =nɛ -a -ta 'ö dho ü yö.»

¹⁵(-Dhe bhë -ne 'ö gɔɔn- bhë 'ö dɔa -bha -ne Yesu -ne 'ö- -dhe bo,) 'yö 'ö -ziö 'ö dho Zuifö -nu -gɔme -nu 'piö 'ö- pö -an -dhë -ne Yesu -ne 'ö- -dhe bo. ¹⁶-A -kë 'dhö -sü -wun 'gü, 'wo yö Yesu 'piö kë -sü 'gü kö -wo 'wun wo -a -ta 'ö bhii pë -nu 'ö- kë bhë -ya -kë 'dhö -glooyi 'ka. ¹⁷'Yö Yesu -ya pö -an -dhë: «N Dë -yö -tun yuö kë -sü 'gü -kplawo; 'ö ma -de, 'a yuö kë -sü 'gü 'pö.»

¹⁸-Wo -nu 'wo go Yesu dhiö 'dhö bhë -a -wun 'gü, Zuifö -nu -gɔme -nu -wo -kë -a këdhe -mɛɛ' -dhia zlöö kö -waan Yesu zë. 'Ö bhii -ya -an -bha tɔng 'ö -gban -glooyi -bha bhë -a -lö 'gü, -ya 'go mü -ya ö -de -zɔn -Zlan 'ka, -a pö 'ö- wo yö -ne 'ö tɔɔ -Zlan Gbö gia- bhë -a -wun 'gü.

-Zlan Gbö -bha -wogbiindhe

¹⁹-Dhe -ya kë 'dhö, 'ö Yesu -ya -daa -kë -an -gɔ -neɛ: «A- -blɛɛ ka -dhë 'wun giagia 'ka -ne ma 'a -Zlan Gbö 'ka bhë 'maa 'wun gbe 'sü n -de 'gü 'maa- kë; pë 'a n Dë yö -a kë -dhia -ne 'ö 'a- -kë. Pë 'saadhö 'ö n Dë -ya -kë, a- -kë 'pö. ²⁰'Ö bhii n Dë -yö n -dho -kë, 'ö ö -de këpë -nu 'ple -zɔn n -dhë. -A këpë -nu 'wo -va, 'wo -ziö -a mɛ -nu 'wo -ne -an -ta bhë, -yö -dho -an -zɔn n -dhë kö -yaan kë; 'ö ka 'te dhö tun. ²¹'Ö tɔɔ -kɔ do 'ö n Dë 'dhö game -nu bho -na -a 'ka ga 'gü 'ö -këdhösü nu -na -a 'ka -an -dhë bhë, 'ö 'a -këdhösü nu -a 'ka mɛ -nu 'a- 'piö kö 'a- nu -an -dhë bhë -an -dhë 'pö. ²²N Dë 'ö 'ka- -ga -na bhë, 'yaa za -lo mɛ gbe -bha; 'kɛɛ -ya -kɔ -mɔ 'wuën- -sü 'ple nu n -dhë kö 'aan- -a kë, ²³-yö kë 'dhö kö mɛ 'ple -waan n -bhlë -ya -ne -kɔ 'wo n Dë -bhlë -ya -na -a 'ka bhë -a 'dhö. -Ya kë 'dhö, kö mɛ 'ö yaa n -bhlë -ya, kö yaa n Dë 'ö n bɔ bhë -a -bhlë -ya -ne bhë.

²⁴'Wun gia- 'ka, a- -pö ka -dhë: Mɛ 'ö -ya ö 'to kë n -wo -bha, 'ö -ya mɛ 'ö n bɔ bhë -a -wun -dhe 'wun gia-, -toëpö -kë -a 'gü -sü -ya -bha 'ka. Za 'ö dhö kan bhë, yö 'ka 'dho -lo -a tuö gbɔ; 'kɛɛ kö -ya 'go ga 'gü 'saadhö -ne bhë. ²⁵A- -pö ka -dhë 'zü 'wun gia- 'ka -ne 'tɔng -yö nu -na, 'ö- -de -ya nu 'saadhö, 'ö mɛ -nu -wa ga 'ö 'wo dho ma 'a -Zlan Gbö 'ka n -wo ma; mɛ -nu 'ö 'tɔng bhë -a 'ka 'ö 'wo dho n -wo ma, -wo -dho dha. ²⁶'Ö bhii -kɔ do 'ö -kɔ -mɔ 'wuën- -sü 'dhoë- 'ka n Dë -gɔ kö -yaan -kë -a 'gü -sü nu -a 'ka mɛ -nu -dhë bhë, 'ö -kaa' -a -dhë -së kö 'a- yö 'pö kö 'aan- -kë -a 'gü -sü nu -a 'ka mɛ -nu -dhë. ²⁷-Dhe -ya kë 'dhö, 'yö -kɔ -mɔ 'wuën- -sü nu n -dhë kö 'aan- za 'kan; 'ö tɔɔ ma -ne 'a tɔɔ Mɛgbö. ²⁸Kö -kun 'ö ka 'te -yö tun; 'kɛɛ -a yi -yö nu -na 'ö game -nu 'ple 'wo ga -glu -nu 'gü, 'wo dho n -wo ma, ²⁹kö -waan 'go -an 'gü -waan yö plaan. Mɛ -nu 'ö 'kpa, 'ö -an këwun -yö -kë -së, -wo -dho go ga 'gü -këdhösü 'ö -toëpö 'ka -a 'gü; 'kɛɛ mɛ -nu 'ö -an këwun -yö -kë ya, -wo -dho go ga 'gü kö za -yaan -an 'kun -an 'klo -yaan bhɔ.»

Yesu -bha -wogbiindhe dɔ -kɔ

³⁰'Ö- pö 'zü: «Ka- -yö bhë -a? -Ya kë 'dhö kö n -kɔ yaa -mɔa -bha gbɔ 'a 'wun -nu 'sü n -de 'gü 'a- kë. Za 'a- dɔ -na bhë, -Zlan -ne 'ö- pö n -dhë 'a-

dɔ, 'ö- -de ma za 'a- dɔ -na bhë 'ö kpengdhö 'ö tɔɔ yaa kē -ne n -dhɔɔbhaa -wun 'a- =mɛɛ' -kō 'aan- kē; 'kɛɛ mɛ 'ö n bɔ bhë -ne 'a- -zo 'kun -wun -kē. ³¹Ya kē -ne 'ma -tɔmɔdhe kē n -de -bha, yaa -mɔ kō n -gɔ -wun -yaan kē 'wun gia- 'ka. ³²'Kɛɛ mɛ gbe -ne 'ö -tɔmɔdhe -kē n -ma, 'ö ma gia- 'a- dɔ -ne -tɔmɔdhe 'ö- kē -na n -blü 'gü bhë, -yö 'wun gia- 'ka. ³³Kē- wo bhë, kaa mɛ -nu bɔ Zan 'piö kō -yaan n dɔ -kɔ =blɛɛ ka -dhë -a? 'Ö -ka -dhe -ga bhë! -Tɔmɔdhe 'ö- kē bhë -yö 'wun gia- 'ka. ³⁴Ma -zë, n -ma -wun 'yaa- 'ka mɛ -bha -tɔmɔdhe 'ka n -blü 'gü, 'kɛɛ 'wun -nu bhë a- -blɛɛ 'dhö kō 'kaan-dhasü yö. ³⁵Zan -yö -kē -ne =labang 'ö dɔ, 'ö 'bhü -na -a 'dhö. 'Ö 'ka- =mɛɛ =zian' kō 'ka =zuögludhi kē -a -bha -dhepuudhe -bha 'töng kpö 'bhaa -bha. ³⁶'Kɛɛ -yö kē ka 'yaan =ne n -ma -tɔmɔdhe =yö =va 'ö -ziö -a 'ka Zan -bha -ta; bhii 'wun -nu 'ö n Dë -ya -lo n kwɛɛ kō 'aan- -an kē bhë, 'ö 'wo bhë, wo =ne 'ö 'wo -tɔmɔdhe -kē n -blü 'gü =ne n Dë 'ö n bɔ. ³⁷-A -de n Dë 'ö n bɔ bhë, yö -de gia- =ya -tɔmɔdhe kē n -blü 'gü =ne 'wun gia- -mü. Yö 'ö bhë, kaa- -wo ma do 'iin kaa- yö do. ³⁸'Kɛɛ -a -wo 'ö bhë, -yö kē ka 'yaan =ne 'yaa ka 'gü 'ö bhii mɛ 'ö- bɔ ('ö n 'ka bhë), 'kaa n -wun -dhe 'wun gia-. ³⁹Ka -kpɔɔ -Zlan -bha 'sëédhe -nu 'gü, 'ö bhii -yö ka -zo 'piö =ne wo =ne 'wo dho =toëpö -kē -a 'gü -sü nu ka -dhë; 'yö 'kaa- =tei' dɔ 'sa =ne wo =ne 'wo -tɔmɔdhe -kē n -blü 'gü. ⁴⁰'Ö 'ka dɔ bhë 'ö 'kaa nu n 'piö kō 'kaan- -kē -a 'gü -sü giagia yö bhë, =ao!

⁴¹-Yö kē ka 'yaan =ne, pë 'ö -kē =bhlëyadhë 'ka 'ö go mɛ 'bhee- -nu 'gü bhë 'yaa -mü 'a- =mɛɛ. ⁴²A ka -dɔ; 'ö tɔɔ a- =tei' -dɔ =ne -Zlan -dhɔ 'yaa ka 'gü. ⁴³-Ka -dhe -ga 'dhe! Ma 'a =ne, nu 'a- wo bhë, n Dë =ne 'ö n bɔ; 'ö 'kaa n 'kun -së. 'Kɛɛ mɛ 'waa gbe =ya -nu, =ya 'wun -nu 'sü 'ö -de 'gü =yaa- kē, 'ö 'ka- kun -së. Ka- -yö bhë =a? ⁴⁴Ka- -dhɔ -kē kō mɛ -nu -wo ka -bhlë -ya kō ka -de 'pö 'kaan- -an -bhlë -ya; 'ö pë mɛ 'ö -kē -kē -bhlëzë -sü 'ö go -Zlan 'ö dosen -a 'piö -a 'ka bhë 'ö 'kaa- =mɛɛ'. =ɛɛ, 'ö =ya kē 'dhö ka -dho 'wun gia- -dhe 'wun gia- -kɔklë 'sa 'ö 'ka dɔa bhë =ɛɛ? ⁴⁵'Kɛɛ kō -kun 'ö -kē ka -zo 'piö =ne ma =ne 'a dho za -lo ka tuö n Dë wö 'dhiö; mɛ 'ö dho za -lo ka tuö 'ö tɔɔ Moizö 'ö ka -zo -dɔ -a -bha -wun -nu 'plɛ -wo go -a 'gü bhë. ⁴⁶Moizö 'ö bhë, =ya kē =ne ka- -wo -nu -dhe 'wun gia- -bezë (gia- 'ka) kō ka -dho ka -zo yö n -ma, 'ö bhii ma =ne 'ö 'wun -gban n -ma, 'ö- =beɛn 'sëédhe 'gü ka -dhë bhë. ⁴⁷=ɛɛ, 'ö =ya kē =ne 'kaa pë -nu 'ö =beɛn 'sëédhe 'gü ka -dhë bhë -a -dhe 'wun gia- kō ka -dho n -wo -nu -dhe 'wun gia- -kɔklë =ɛɛ?»

Yesu -bha mɛ -lü -vuu 'sɔɔdhu 'dhi gba 'ö- wo
(*Matiö 14.13-21; Maakö 6.30-44; Lukö 9.10-17*)

6 ¹-Dhe 'wun -nu bhë =wa kē 'dhö, Yesu -yö -go mü 'ö dho Galile 'yipuë ('wo- -dhe Tibeliasë 'yipuë bhë) -a =zlöö =zian'. ²Mɛ -gbaa =va -wo -ziö -a 'piö -dhidhaapë -nu 'yö -kē -a kē =dhia bhë -a -wun 'gü, 'ö tɔɔ -yö -kē 'yuame -nu =plëézë -dhe bo =dhia. ³'Yö Yesu -yö -da -tɔn do tuö, 'ö waa- 'ö -bha =guë' -nu 'wo =yaannu. ⁴-Dhe pë -nu bhë 'wo kē -na 'dhö, kō Paakö 'ö -kē Zuifö -nu -bha

'wlaan- 'ka bhë, kö -a yi -ya yö -klöö'. ⁵Yö -dhe ö Yesu -ya -ga kö me -gbaa -va -wo nu -na -a 'piö; -dhe -kë 'dhö 'ö- pö Filipö -dhë: «Me -nu 'wo -ne 'töüdhö, -dhe -mlë 'kwa dho -bhöpë yö -a -bha kö 'kwaan- 'dho 'kwaan- nu -an -dhë -waan -bhö -ee?» ⁶Kë- wo 'dhö bhë, -dheë' bhë -ya -kpo 'dhö kö -kò 'ö- 'ka Filipö -zuö' 'gü kö -yaan -dhe yö -a 'gü; 'yaa 'pö, yö -zë -ya 'slë -do ö -de -go.

⁷Yö Filipö -ya pö -a -dhë: «Kö -kë -ne 'wëü- -va 'ö dho -mo dönïe -këng' -ple -bha -a -bluu'- -mü 'kwa- -dho -dewo, yaa 'dho pë gbe sü -an -bha, kö me 'ple -waan -a 'klu yö.»

⁸Yö- -bha -guë' -nu 'wo bhë, -a me 'wo- -dhe Andre 'ö -kë Simö Pieë 'zlaa- 'ka bhë, 'ö- pö -a -dhë: ⁹«Nëgöwzë do -ga 'ö do -de, 'klën -bluu'- bhe 'sensen 'söodhu waa- 'yuö- -ple -wa kwëë. 'Këë -më töz -bluu'- bhe 'sensen 'söodhu waa- 'yuö- -ple me -gbaa -va 'wo -ne -an -bha 'ka e?»

¹⁰-Dhe -ya kë 'pö, 'ö Yesu -ya pö: «-Ka -yadhe nu me 'ple -dhë!»

'Wo -yaannu 'kpaä -ta mü, bhii -dhe bhë -blëë' -yö -kë -a -bha -va. Me -nu 'wo bhë göw- -nu 'wo -kë -an 'piö -wo -dho -mo me -lü -vuu 'söodhu -bha. ¹¹Yö Yesu -yö -luu yö -bluu'- bhe 'söodhu bhë -an sü. 'Yö -Zlan zuö pö -a -ta; 'yö- -glu me -nu 'wo -kë -ya -sü 'ka mü bhë -an 'ka. -Kö do bhë 'ö- -kaa' 'yuö- -ple 'wo bhë -an 'ka 'ö -an -zo kun 'pö. ¹²-Dhe wo 'ple -wa yën pë -bhö -sü -bha -së 'ka, 'ö Yesu -ya pö 'ö -bha -guë' -nu -dhë: «-Bluu'- 'kluklu -nu 'wo to bhë, -ka -an 'dho 'kuë- kö -kun 'ö- 'bhaa -yö -kë 'gü -siö'- -pë 'ka.»

¹³'Wo- 'kluklu -nu 'wo to kö me -nu -wa yën pë -bhö -sü -bha bhë -an dho 'kuë-, 'ö -kpasen 'göw- do ö -ga -ple pa.

¹⁴-Dhe me -nu 'yan -ya -da -dhidhaapë 'ö Yesu -ya -kë bhë -a 'gü, 'wo- pö: «Me -ne, -Zlan -wodhiölome 'wo- pö -yö -dho nu 'kpongtaa bhë, yö -mü!» ¹⁵-Dhe -ya kë 'dhö, 'ö Yesu -yaa- yö -ne -wa 'piö kö 'wo 'ö -ya -gludë 'ka 'gbeetadhe 'ka, 'yö -luu -an ziën mü, 'ö -da 'ö 'sloo 'ka -ton bhë -a tuö.

Yesu -bha 'ta -sü 'yipuë -va -ta -sü

(Matiö 14.22-33; Maakö 6.45-52)

¹⁶-Dhe 'yiniadhe -ya do, 'ö Yesu -bha -guë' -nu -wo -yöw, 'wo dho 'yipuë -va bhë -a 'kpong 'dhiö. ¹⁷'Wo -da 'yitagö do 'gü kö -waan 'yi 'kan -waan 'dho Kapeenaomë -zian'. -Dhe kë -na 'dhö kö -dhe -ya trö, kö Yesu -de 'pö yaa nu -an 'piö -kun. ¹⁸'Yi -yö -kë -ma -dhiadhö 'gbee- 'ka, bhii 'buu -yö -kë ziö -dhia 'gbee- 'ka. ¹⁹Yö -dhe -wa 'dho -ne me- dho 'kilong 'söodhu 'iin 'slado -naa -ta, ('wo dho -dhe -ga wo -zlöö), kö Yesu -yö 'ta -na 'yi -ta, -ya yö 'yitagö söw. 'Yö 'suö -yö -da -an 'gü. ²⁰'Ö Yesu -ya pö -an -dhë: «Kö -kun 'ö 'suö -yö ka -kë, ma -mü!» ²¹'Wo- -kë -ne me dho -gbaannu kö Yesu -yaan -da wo 'piö 'yitagö 'gü mü. 'Këë 'yitagö -yö -gban 'ö bhii kö -wa -lo 'yi 'kpong 'dhiö, -dhe 'wo -kë 'dho -dhia -a -bha bhë -a -bha 'saadhö.

Me -gbaa -nu -bha Yesu -më'- 'wo- wo

²²-Dhe 'ö -dhe -ya 'po, me -gbaa -nu me 'wo to 'yipuë -va bhë -a -zlöö -zian' bhë, -wa -yö -ne kë 'wo- wo mü bhë, 'yitagö do -ne 'ö -kë mü. 'Ö -dhe

'ö Yesu -bha -guë' -nu 'dho 'dho -na, Yesu gia- yaa kë -an 'piö 'yitagö 'gü mü, wo 'sloo =ne 'wo dho. ²³ 'Kee kë- wo 'dhö bhë, 'yitagö gbe -nu -wo -go Tibeliasë plöo -ne 'wo nu 'ö -dhe 'wo -bluu' -bhö -a -bha kö Yesu -ya yën -bhea -Zlan -dhë -sü 'ka bhë 'wo -gban -a 'sɔɔ. ²⁴ 'Yö =dhe me -gbaa =va 'wo bhë waa Yesu yö 'iin -a -bha -guë' -nu yö -dhe bhë -a 'gü, 'wo -da 'yitagö -nu 'wo bhë -an 'gü 'ö 'wo dho Kapëenaomé -a =mëe' -dhia.

Yesu -bha -kë -bhöpë 'ö -kë -a 'gü -sü nu me -dhë -a 'ka -sü

²⁵ =Dhe =wa 'dho =wa -lo 'yipuë =va bhë -a =zlöö 'ma =zian', -wo -kpën Yesu -bha 'ma; 'yö 'wo- =dhe' kpɔ 'wo- pö: «Yi -Gome, ü -nu 'nö -më yië =εε?»

²⁶ 'Ö Yesu -ya pö -an -dhë: «A- -pö ka -dhë 'wun gia- 'ka: -Yö 'wun gia- 'ka =ne ka -kë n =mëe' =dhia; 'kee yaa kë =ne -dhidhaapë -nu 'a- -kë bhë -a -wun -mü; n =mëe' -ka- wo -na bhë 'ö tɔɔ ka =bluu' -bhö 'ö ka 'gu -yö dɔ -së 'ka. ²⁷ 'Kö =kun 'ka yuö -kë -bhöpë 'ö- 'gü dho =siö' -bhë -a -wun 'gü; -ka yuö kë =zian' pë me 'ka dhoë- -bhö, 'ö dho -glɔɔ kö -yaan kë ka -gɔ =toëpö -kë -a 'gü -sü 'ka -a -wun 'gü. -Bhöpë 'ö bhë me 'ö dhoë- nu ka -dhë 'ö tɔɔ Mëgbö; 'ö tɔɔ kwa Dë -Zlan =ya ö -bha -kɔ -mɔ 'wuën- -sü =duakëpë -ya -a -bha.»

²⁸ 'Yö 'wo- =dhe' kpɔ =neε: «-Më 'yi dho -a kë kö 'yiën- -Zlan -bha yuö -nu kë =εε?»

²⁹ 'Yö Yesu -ya -daa -kë -an -gɔ 'ö- pö: «Pë 'ö -Zlan -bha yuö 'gbloo 'piö, 'ö tɔɔ kö me 'ö- bɔ bhë, 'ka- -wun -dhe 'wun gia-.»

³⁰ 'Yö 'wo- pö -a -dhë: «Kö -bhö -dhidhaapë do kë kö 'yiën- ü -wun -dhe 'wun gia- 'sa! -Më -yuö 'ü dhoë- kë =εε?» ³¹ 'Ö ('wun bhë, 'wo- =zuan' sü Moizö -bha kë 'ö- wo 'kpa wo 'bhëma -nu -bha -zo -yö -a -bha -më 'ka -sü, -dhidhaapë -nu 'ö -kë bhë -a -wun 'gü bhë -a -bha) 'wo- -wun =bleε -a -dhë, 'wo- pö: «Yi 'bhëma -nu bhë, kë- wo 'kpa, -wo 'manë -bhö 'yënnng -taa. -A -dee 'wun 'ö -gban -a -bha, -yö =bëen' -sü 'ka -Zlan -bha 'sëëdhe 'gü =neε: =Bluu' -'ö go dhang- 'gü -Zlan 'piö bhë, -Zlan -ya -nu -an -dhë 'wo- -bhö. »

³² 'Ö Yesu -ya pö -an -dhë: «A- -pö ka -dhë giagia 'ka =ne Moizö 'yaa -mü 'ö -bluu' -'ö go dhang- 'gü bhë 'ö- nu ka -dhë, 'kee n Dë =ne 'ö =bluu' -gia- 'ö go dhang- 'gü bhë 'ö -ya kë 'ö- nu me -dhë; ³³ bhii -Zlan -bha =bluu' -'ö tɔɔ -a me 'ö go dhang- 'gü 'ö =yɔɔ kö -yaan -këdhösü nu 'kpongtaame -nu -dhë bhë.»

³⁴ =Dhe -kë 'dhö, 'wo- pö -a -dhë: «Yi Dëme, =bluu' -bhë -a nu yi -dhë -kplawo 'sa.»

³⁵ 'Ö Yesu -ya pö -an -dhë: «Ma =ne 'a tɔɔ =bluu' -'ö -këdhösü 'dhö n 'gü. Me 'ö -ya nu n 'piö, din 'ka 'dhoë- kë 'gbëedhö, 'ö me 'ö -ya 'we n -wun -bha, 'yi mü -dhɔ 'ka 'dhoë- kë 'gbëedhö. ³⁶ 'Kee a- pö -na ka -dhë 'zü: 'Ka ka 'yan dɔ n -ma, 'kee 'kaa n -wun -dhe 'wun gia-. ³⁷ -Yö kë 'pö- wo ka 'yaan =ne me -nu 'ö n Dë -ya nu n -dhë bhë, -a me 'kö -dhö, -yö -dhö nu n

'piö; 'ö me 'ö =ya nu n 'piö, 'ö n 'ka 'dho -a -wun -zuö -kɔ =taa 'gbædhö; ³⁸'ö tɔɔ a -go dhang- 'gü kö me 'ö n bɔ bhë, 'aan- -a -zo 'kun -wun kë; n 'ka nu n -de -zo 'kun -wun kë -dhia. ³⁹Me 'ö n bɔ bhë, pë 'ö- -zo 'kun -wun 'ka 'ö- 'piö kö 'a- kë bhë 'ö tɔɔ mɛ -nu 'ö -an -wun -lo n kwæ bhë, kö -kun 'ö me -yö -kë -an songdhö 'ö -kë 'gü -siö' -mɛ 'ka, 'kɛɛ kö 'a -an 'plɛ bho ga 'gü yi -kaanta 'ka. ⁴⁰'Ö bhii -yö n Dë -zo 'kun -wun 'ka kö me 'saadhö 'ö -an 'yan 'dhö dɔ -na -a Gbö -bha, 'ö 'wo- -wun -dhe -na 'wun gia- bhë, -wo =toëpö -kë -a 'gü -sü yö kö 'aan- -an bho ga 'gü yi -kaanta 'ka.»

⁴¹'Aa', 'wun bhë yaa dhi Zuifö -nu -dhë -a pö 'ö- wo ma =nɛ 'a tɔɔ =bluu'- 'a go dhang- 'gü bhë -a -wun 'gü. ⁴²'Yö 'wo- pö: «Zozefu gbö do Yesu =nɛ 'yaa -mü -a? Kwa- dhe -dɔ 'ö 'kwa- dë dɔ; 'ö =dhe -kë 'dhö =nɛ -dhe -mlë 'ö dɔ -a -bha 'ö- 'godhe -yö -kë dhang- 'gü -dhe 'ka ɛɛ?»

⁴³'Ö Yesu -ya pö -an -dhë: «-Ka ka bo n -wun =blɛɛ' -sü 'ka ka 'ko -nu -dhë -sü -wo =löö; ⁴⁴mɛ yaa -mɔa -bha kö -yaan nu n 'piö -a 'ke n Dë 'ö n bɔ bhë, yaa- mɛ -dhe, kö ma 'pö, yi 'dhiötöyi 'ka, 'aan- bho ga 'gü. ⁴⁵'Ö bhii pë 'ö -Zlan -wodhiölome -nu -gɔ 'sëédhe 'gü -ya -pö: 'Wun -nu 'wo -gban -Zlan -bha, -Zlan -yö -dho -an 'plɛ =daan' -a 'ka. =Ya kë 'dhö kö me 'oo mɛ 'ö =ya ö 'to kë n Dë -wo -bha 'ö =ya ö -kɔ kpɔ -a -gɔ, -yö nu n 'piö. ⁴⁶Kë- wo bhë yaa kë =nɛ kö me 'wo bhë, Dë yö 'wo- wo bhë yö -mü. -A -de mɛ do 'kpaan 'ö go -Zlan 'piö bhë, yö do bhë =nɛ 'ö- yö.

⁴⁷A- pö ka -dhë 'wun gia- 'ka =nɛ mɛ 'ö =ya 'we n -wun -bha, kö =ya =toëpö -këdhösü yö. ⁴⁸'Ö tɔɔ ma =nɛ 'a tɔɔ =bluu'- 'ö -këdhösü 'dhö n 'gü. ⁴⁹Ka 'bhema -nu bhë, kë- wo 'kpa bhë, 'manë 'ö -kë 'yënnɔ =taa bhë, -wa -bhö 'kɛɛ -wo -ga. ⁵⁰=Ya kë 'dhö, kö =bluu'- mɛ 'ö go (-Zlan 'piö) dhang- 'gü bhë -yö ka -bha 'ka; kö me 'ö =yaa- -bhö, yö 'ka 'dho ga. ⁵¹Ka- -yö bhë =a! Ma =nɛ 'a tɔɔ =bluu'- 'a -këdhösü nu mɛ -nu -dhë, 'ö 'a go dhang- 'gü. =Bluu'- 'a- 'ka bhë, mɛ 'ö =ya n 'sü ö -bha 'ka, -këdhösü -yö -dho kë -a -gɔ =toëpö 'ka. 'Ö =bluu'- 'a dho -a nu bhë 'ö tɔɔ n -de nu 'a 'dhoë- wo kö 'kpongtaame -nu -waan -këdhösü yö -a -ta bhë.»

⁵²=Dhe 'ö Yesu -yö 'wun =blɛɛ 'dhö, Zuifö -nu -wo -yö vundhe ma -sü 'gü wo 'ko -nu songdhö -a pö -sü 'ka: «'Yö, -më -kë 'ö mɛ =nɛ 'ö 'wun =blɛɛ =nëdhö =nɛɛ? -Më tɔɔ -yö -dho ö bun nu kwa -dhë -bhöpë 'ka ɛɛ?»

⁵³'Yö Yesu =ya pö -an -dhë: «A- -pö ka -dhë 'wun gia- 'ka, =ya kë =nɛ Mëgbö bun 'ö nu ka -dhë -bhöpë 'ka bhë kaa ka -kɔ 'kpɔ -a -gɔ 'iin -a fei 'ö dhoë- nu bhë kaa- 'kun, kö -këdhösü bhë =ya dha ka -gɔ =nɛ bhë. ⁵⁴'Ö tɔɔ mɛ 'ö =ya ö -kɔ kpɔ n bun -gɔ 'ö =ya n fei kun -yaan kë ö müpë 'ka, kö -këdhösü 'ö -dhö =toëpö 'ka bhë, =yaa- yö; 'ö kö mɛ bhë a -dho -a -bho ga 'gü yi -kaanta 'ka. ⁵⁵Bhii n bun bhë =nɛ 'ö tɔɔ -bhöpë giagia, 'ö n fei 'dhö müpë giagia 'ka. ⁵⁶=Ya kë 'dhö kö me 'ö =ya ö -kɔ 'kpɔ n bun -gɔ -bhöpë 'ka 'ö =ya n fei 'kun müpë 'ka kö -yö -klu -sü 'ka n -ma, 'ö ma -de 'pö, 'a -klu -sü 'ka -a -bha. ⁵⁷Kö -kɔ do 'ö n Dë 'ö 'bhee- 'ö n bɔ -a 'ka 'ö 'a- 'ka 'bhee- -a 'sea- 'gü bhë =nɛ 'ö mɛ 'ö =ya ö -kɔ kpɔa n bun -gɔ -bhöpë 'ka 'ö- 'ka 'bhee-

n sea- 'gü 'pö. ⁵⁸=Bluu'- 'ö go dhang- 'gü 'ö nu ka -ta bhë, =ya -lo. 'Yaa =ne -a me 'ö ka 'bhema -nu -wa -bhö 'kpa bhë -a 'dhö, 'ö bhii =dhe -kë 'dhö -wo -ga. =Bluu'- 'ö =ne bhë, me 'ö =ya ö -kɔ 'kpɔ -a -gɔ -bhöpë 'ka, -yö -dho -këdhösü yö =toëpö 'ka.»

⁵⁹'Wun -nu 'wo =ne Yesu -yö -bɔ -a 'gü 'dhö kö -yö me -nu =daan' -na Zuifö -nu -bha -bhɔkuëkɔ 'gü Kapeenaomé.

Me =daan' -wo -nu 'wo -gban =toëpö -këdhösü -bha

⁶⁰=Dhe 'ö Yesu =ya 'wun =blɛɛ' =ne -kɔ bhë -a 'dhö, 'ö -bha =guë' -nu mædhevadhë -wo yö -a pö -sü 'gü =nɛɛ: «'Wun me bhë -a ma -sü -dho kë 'gbee; dö dho ö 'to kë -a -bha -ɛɛ?»

⁶¹Kë- wo bhë, pë 'ö- -bha =guë' -nu -wo -kë -a pö =dhia wo 'ko -nu -dhë bhë, -ya -ma. =Dhe -kë 'dhö 'yö- pö -an -dhë: «'Wun bhë =ya ka dɔ -gbɔudhö =ne -kɔ bhë -a 'dhö, ⁶²yi 'ö ma 'a Mɛgbö 'ka 'a dho -da -a 'ka dhang- 'gü, -dhe 'a -kë -a -bha -be bhë -a -bha, ka -dho kë mü =dhë 'ö 'ka dɔ 'dhö =nɛɛ? ⁶³'Ö tɔɔ -Zuu 'slöösLö =ne 'ö -këdhösü nu me -dhë; bun 'ö 'ka- ga -na =ne, -a -yö -a -bha -pë gbe 'yaa 'dhö. =Ya kë 'dhö kö 'wun =blɛɛ' -wo -nu 'ka- ma bhë =ne 'wo -këdhösü 'ö go -Zlan 'piö bhë 'wo- nu me -dhë, ⁶⁴'ö me 'bhaa -nu 'wo ka songdhö 'ö 'waa- -dhe 'wun gia- bhë.» -A pö 'ö Yesu -ya wo 'dhö bhë 'ö tɔɔ 'go -a züdüyi -bha, me -nu 'ö 'waa- -wo -nu -dhe 'wun gia- 'iin me 'ö dho ö dɔ ö yaagüme -nu kwɛɛ bhë -yö -an dɔ.

⁶⁵=Dhe =ya kë 'dhö, 'yö- pö 'zü: «Pë 'ö -kë 'a- pö me gbe yaa 'dhö -mɔa -yö nu n 'piö kö -Zlan yaa- -kɔ -mɔ 'wuën- -sü nu -a -dhë bhë 'ö bhë.»

⁶⁶=Aa', =dhe -kë 'dhö zlöö, 'ö sü 'töng bhë -a -bha, -a -bha =guë' -nu 'wo bhë, -an =plëzë -wo -kan -a -bha. ⁶⁷-Dhe -kë 'dhö, 'ö Yesu -ya pö ö -bha =guë' -nu 'gɔɔ- do ö ga =plɛ 'wo bhë -an -dhë: «Ka- 'piö 'ka 'dho 'pö a?»

⁶⁸'Yö Simɔ Pieɛ -ya -daa -kë -a -gɔ 'ö- pö: «N Dëme, dö 'kpaan 'yi dho dho -a 'piö ee? Bhi =ne 'ö -wo 'ö =wa bɔ -a -ta 'wo =toëpö -këdhösü yö bhë 'ö ü -gɔ. ⁶⁹Yi ü -wo -nu -dhe 'wun gia- 'ö 'yi- dɔa =ne bhi =ne 'ü tɔɔ me 'ö -Zlan -ya sü ö -bha 'ka.»

⁷⁰'Yö Yesu -ya -daa -kë -an -gɔ 'ö- pö: «Kë- wo bhë, me 'gɔɔ- do ö ga =plɛ 'ka bhë, ma kun 'a ka -dhɔɔ -kë n 'piö a? 'Kɛɛ me do -yö ka ziën 'ö dü -bha me 'ka 'sa!»

⁷¹Me 'ö 'wun -gban -a -bha 'ö- =blɛɛ bhë 'ö tɔɔ Zuda, Simɔ Ikalistö gbö. Zuda 'ö bhë, -yö -kë Yesu -bha =guë' -nu 'gɔɔ- do ö ga =plɛ 'wo bhë -a me do 'ka 'dhö; 'kɛɛ yö =ne 'ö -dhe 'wo yö mü zlöö 'ö Yesu 'dhɔɔ dɔ.

Yesu dheglu 'në gɔɔn- -nu -bha -a -dhe 'ö waa- wo 'wun gia- bhë -a -wun

7 ¹=Dhe =ya kë 'dhö, Yesu -yö -nië Galile -se 'gü; yaa- -dho kë gbɔ kö -yaan 'dho Zude -se 'gü 'ö tɔɔ Zuifö -nu -gɔmɛ -nu -wo -kë -a =mɛɛ' =dhia kö -waan -a zë. ²=Dhe 'ö -kë =ne Zuifö -nu -bha 'wlaan- -yi 'ö -kë sɔ 'kɔ -nu 'wlaan- -yi 'ka bhë, =ya yö =klöö', ³'Ö Yesu dheglu 'në gɔɔn- -nu -wa

pö -a -dhë: «-Bhò 'dho Zude kö ü -bha -guè' -nu (me 'wo to 'ma) -waan ü këyuò -nu yò 'pö. ⁴Ö tɔɔ me 'ö- 'piò kö me -nu -wa dɔ, 'yaa ö këyuò -nu -bin. »Dhe ü këyuò -nu -wa kë -nèdhò bhë, kö -bhöë kë kö -an 'yan -yò dɔ ü -bha 'sa!»

⁵Kë -de 'ö- wo bhë, -a dheglu -nu 'wo bhë, -a -wo -nu -dhe 'wun gia- -sü yaa kë -an -gɔ. ⁶Ö Yesu -ya pö -an -dhë: «Ka -zè 'töng 'saadhò -yò ka -bha 'töng -sè 'ka, 'këe ma -zè n -ma yaa -lo -kun. ⁷Ö bhii 'kpongtaame -nu 'ka 'dho ka -san zè; 'këe ma -zè -wo n -san -zè, 'ö tɔɔ ma -nɛ =ya kë 'a- pö -an -dhë -nɛ -an këpè -nu -wo ya. ⁸Ka -zè, -ka 'dho 'wlaan- bhë -a -ta. N 'kaa dho 'ma, 'ö tɔɔ n -ma 'töng -sè yaa -lo -kun.»

⁹-Dhe 'ö =yaa- pö -an -dhë 'dhö, (yaa kpa -an -bha waa 'dho wo 'kuè 'wlaan- bhë -a -ta Zude,) -yò -to Galile.

Yesu -bha -dho Tabëenaklö 'wlaan- -ta -kɔ

¹⁰-Dhe 'ö- dheglu 'nè gɔɔn- -nu -wa 'dho 'wlaan- bhë -a -ta, 'ö- =zuò' -yò -luu kö -yaan 'dho; 'ö yò -de 'pö, 'yö dho 'wlaan- bhë -a -ta; 'këe yaa ö -de -zɔɔn kö me -nu -waan yò. ¹¹Zuifö -nu -gɔmɛ -nu -wo -kè -a -mɛɛ' =dhia 'wlaan- bhë -a -ta -a pö -sü 'ka -nɛɛ: «-Yö 'mè?»

¹²Me -nu -wo -kè -a -wun =blɛɛ' =dhia -wo =löö =va 'ka me gbung 'gü mü -nɛɛ: «Me bhë 'wunsékème -mü», kö me 'bhaa -nu -wa pö -na: «-Abi!» kö me 'bhaa -nu -wa pö -na: «Me -nu -piüö -me -mü.» ¹³'Këe me gbɛ yaa kë -dhö kö -zogbansü -yaan kë -a -gɔ kö -yaan -wun =blɛɛ', 'ö bhii 'suò -yò -an -kè Zuifö -nu -gɔmɛ -nu -dhë.

¹⁴-Dhe 'ö 'wlaan- bhë -wa dɔ -a yi ziën, 'ö Yesu -yò dho -Zlan -gba -a 'gü -kɔ 'gü, 'ö yò me -nu -daan' -sü -bha. ¹⁵Zuifö -nu -gɔmɛ -nu -zuò' 'bhaa -yò -bho, 'ö 'wo yò -a pö -sü 'gü wo 'ko -nu -dhë: «Me 'ö yaa pè gbɛ -daan' -nɛ 'wun =suu' -nu 'wo =nɛ -ya -dɔ -kɔklè -ɛɛ?»

¹⁶Ö Yesu -ya -daa -kè -an -gɔ 'ö- pö: «Me -daan' -wo -nu 'wo 'go -na n 'dhii bhë, waa 'go n 'gü 'këe -wo -go -Zlan 'ö n bɔ bhë -a kwɛɛ. ¹⁷Me 'ö =ya ö =zuò' 'dhi 'po kö -yaan -Zlan -zo 'kun -wun kë, -yò -dho -a 'wun dɔ kö ma me -daan' -wo -nu -wo -go -Zlan 'piö 'iin a- -sü n =deè' 'a me -daan. ¹⁸Me 'ö -luu' -na ö =deè' 'ö me -nu -daan' -na bhë, 'tɔɔbhɔdhe -nɛ 'ö- =mɛɛ ö -de -bha 'ka; 'këe me 'ö yuò kë -na me 'ö- bɔ bhë -a 'tɔ -wun 'gü, 'wun gia- -nɛ 'ö- =blɛɛ, 'ö =sua -wun 'yaa- 'gü. ¹⁹-Yö 'wun gia- 'ka -nɛ Moizö -yò (-Zlan -bha) tɔng -nu -nu ka -dhë. 'Këe =dhe -kè 'dhö -nɛ dö 'ö- kun ö 'kun -kɔ 'ka ɛɛ? -Ya kë 'dhö ka- 'piö 'ka n zè -mè -wun 'gü ii?»

²⁰-Dhe -kè 'dhö 'ö me gbung -nu 'wo bhë 'wo- pö -a -dhë: «-Zuu yaa -yò ü 'gü! 'Yaa 'dhö dö 'ö- 'piö 'ö ü zè -ɛɛ?»

²¹Ö Yesu -ya -daa -kè -an -gɔ 'ö- pö: «Pè do 'kpaan 'a- -kè -glooyi 'ka bhë yò kun 'ö =ya ka dɔ -gbɔudhö bhë =a! ²²Kè- wo bhë Moizö yaa- pö ka -dhë 'ka gɔɔn- -nu zè 'bɔng a? ('Këe kö 'wun bhë =dhe 'ö -da -na kö yaa bhɔ -dewo -kun); 'ö 'ka -we -a -bha 'ö =glooyi 'ka, 'ka me -nu zè 'bɔng. ²³Ka 'ö

ka 'we -a -bha kö 'ka me -nu zë 'bɔng =glooyi 'ka =ne -kɔ 'ö 'ka Moizö -bha tɔng -nu 'gü -a 'dhö, kö -kun 'ö 'ka dho kë tɔng -lö 'gü -me -nu 'ka bhë, -më -kë 'ö 'ka ka wö -siö n -ma me -dhe bo 'a- wo =glooyi 'ka, -a mɛbheedhe 'gü 'iin -a nii 'gü bhë -a -wun 'gü 'sa? ²⁴Kö -kun 'ka za dɔ me -bha me buɛnpë -wun 'gü, 'kɛɛ 'ka za -nu dɔ, -wo kë kpɛngdhö.»

'Wun 'ö -gban Yesu -bha -kë -Zlan -bha -Yame 'ka -sü -bha

²⁵Zeluzalemë plöömë 'bhaa -nu -wo -kë -a pö =dhia: «Gɔɔn- 'wo- =mɛɛ' -na -waan zë =ne kun =ne =a? ²⁶Yö =ga 'ö me -nu =daan' -na me gbung 'gü 'ö me gbɛ 'yaa 'dhö kö -yö =yɔɔn -a -bha =ne! Kë- wo bhë, kwa -gɔmɛ -nu 'wo =ne -a dɔ 'pö 'wo- wo =ne yö 'ö tɔɔ -Zlan -bha -Yame 'pö bhë ee? ²⁷-Zlan -bha -Yame 'ö bhë =ya nu, me gbɛ 'ka 'dho -a 'godhe dɔ, 'kɛɛ kö me 'ö =ne kwa- 'godhe -dɔ 'sa!»

²⁸Yesu -yö -kë me -nu =daan' =dhia -Zlan -gba -a 'gü -kɔ 'gü. =Dhe =ya kë 'dhö, 'yö -gbla =woë' =nɛɛ: «-Yö 'dhö 'wun gia- 'ka, ka n -dɔ, 'ö 'ka n 'godhe dɔ. 'Kɛɛ kë- wo 'dhö bhë n 'ka nu n =deë'. Me bhë -yö -dhö giagia 'ka; -zo -tɛn -a -dhë -mɛ -mü. Yaa kë =ne a -nu n =deë'. Me 'ö bhë 'kaa- dɔ. ²⁹Ma 'pö, 'a- dɔ 'ö tɔɔ a -go -a 'piö, 'ö yö =ne 'ö n bɔ.»

³⁰=Dhe =ya kë 'dhö, 'wo- këdhe =mɛɛ kö -waan -a 'kun; 'kɛɛ me gbɛ yaa- 'kundhe yö, 'ö tɔɔ kö -a 'kun 'töng 'ö -Zlan -ya -ya ö -bha 'wun -nu -yö 'ko 'dhiö -kɔ 'ka bhë yaa -lo -kun. ³¹'Kɛɛ kë- wo 'dhö bhë me gbung 'gü mü, me -nu -wo -kë =va 'ö 'wo- -wun -dhe 'wun gia-. -Wo -kë -a pö =dhia: «-Zlan -bha -Yame 'ka- -wun =bleɛ' -na bhë, =ya kë =ne =ya nu, -yö -dho -dhidhaapë -nu kë 'ö -ziö -a 'ka gɔɔn- =ne -a -bha -ta -a?»

'Dhasi -nu 'wo -an bɔ kö -waan Yesu 'kun

³²=Dhe 'ö -wo -nu 'ö me -nu 'wo Yesu -wun -dhe 'wun gia- me gbung 'gü mü, 'wo -kë =bleɛ' =dhia -wo =löö bhë 'ö =ya -da Falizi -me -nu 'toudhö, 'wo kpa slabhomɛ -nu -gɔmɛ -nu -bha, 'wo 'dhasi -nu bɔ -dhe bhë -a -bha kö -waan Yesu 'kun. ³³Yö Yesu -ya pö: «A =tun ka 'piö 'töng 'dede 'ka; =ya 'go mü kö n 'dho -sü -mü me 'ö n bɔ bhë -a 'piö. ³⁴Ka -dho n =mɛɛ', 'kɛɛ ka 'ka 'dho n yö, bhii ka 'ka 'dho -mɔa 'kaan- 'dho -dhe 'a dho kë -a -bha bhë -a -bha.»

³⁵Yö Zuifö -nu -gɔmɛ -nu -wo yö wo 'ko -nu =dheɛ' 'kpɔ -sü -bha =woë' =nɛɛ: «-Dhe -mlë 'ö dho dho -a -bha kö 'kwaan- 'kun -a yö -sü 'ka 'ö- -wun =bleɛ' -na =ne -oo? Kö 'dho 'pö dhoë- wo Zuifö -nu 'wo -pen -sü 'ka Glëkö -se 'gü -dhe -nu -bha bhë -an 'piö kö -yaan Glëkö -nu =daan' bhë ee? ³⁶-A pö -de 'ö- wo 'ka -dho n =mɛɛ' 'kɛɛ ka 'ka 'dho n yö 'ö tɔɔ ka 'ka 'dho -mɔa -bha kö -dhe 'a dho kë -a -bha, 'kaan- 'dho -a -bha» bhë, -a -gɛn tɔɔ -më poo =ee?»

Yesu -bha me =daan' -wo -nu 'wo -gban 'yigɔ -nu -bha

³⁷Sɔ 'kɔ -nu 'wlaan- -yi -kaanta 'ö- -wun 'dhö 'gbee- bhë, =dhe 'ö =ya -lo, -a yi bhë -a 'ka, Yesu -yö -dɔ me gbung 'dhiö 'ö- pö -wo 'gbee- 'ka =nɛɛ: «Me

'ö 'yi mü -dho 'dhoë- kë -na, -yö nu n 'piö, -yö 'yi mü. ³⁸Bhii -yö -bæen' -sü 'ka -Zlan -bha 'sëédhe 'gü -næ: Mæ 'ö -ya n -wun -dhe 'wun gia-, -kë -a 'gü 'yigɔ -nu -dho go -a -zuö' 'gü 'wo -ziö.»

³⁹'Wun 'ö Yesu -ya -blæe 'dhö bhë -yö -gban -Zuu 'slööslö 'ö me -nu 'wo -wun -dhe 'wun gia-, 'wo dho -a yö bhë -a -bha; 'ö tɔɔ pë -nu bhë, =dhe 'wo kë -na 'dhö, kö -Zuu 'slööslö yaa nu -kun me 'bhee- -nu -dhë, 'ö bhii kö Yesu yaa -da -kun 'tɔbhɔdhe 'gü.

'Gügludhe 'ö -da Yesu Klito -wun 'gü

⁴⁰=Dhe me -nu 'wo -kë me gbung 'gü mü, 'ö -wo -nu 'wo bhë -waa- ma, -wo -yö -a pö -sü 'gü: «Mæ 'ö -næ, 'wun gia- 'ka, -Zlan -wodhiölome 'ö kwa 'yan 'dhoë- -gɔ bhë yö -mü!»

⁴¹Kö -an me 'bhaa -nu -wa pö -na: «-Zlan -bha -Yame -mü!» Kö- me 'bhaa -nu ('ö -de, -a -bha -bhɔ Betelëmë, Zude -se 'gü -sü bhë 'ö 'waa- dɔ bhë), kö -wo bɔ -na -dhe do bhë -a 'gü -wa pö -na: «'Öö- 'öö, -Zlan -bha -Yame bhë, me dho go Galile yö -mü -a? ⁴²(Këpë 'yaa -mü,) 'ö tɔɔ pë 'ö -bæen' -sü 'ka -Zlan -bha 'sëédhe 'gü -ya -pö: -Zlan -bha -Yame bhë -yö -go Davidö -suu' -'gü, 'ö dho bhɔ Betelëmë -pö 'ö Davidö (-de gia-) -yö -kë -a 'gü bhë -a 'gü.»

⁴³=Dhe -ya kë 'dhö, -an -wo yaa 'dho -dhe do 'gü gbɔ 'wun -nu 'wo bhë -an -wun 'gü; 'yö 'gügludhe -yö -da -an ziën. ⁴⁴Mæ 'bhaa -nu -wa -kë kö -waan -a 'kun 'kæe waa- 'kundhe yö.

Zuifö -nu -gɔmæ -nu -bha -kɔ Yesu -wun 'ka -sü

⁴⁵=Dhe 'wun -nu bhë -wa kë 'dhö, 'dhasi -nu -wo -ye wo 'zü 'wo dho slabhome -nu -gɔmæ -nu waa- Falizi -me -nu 'piö; 'yö 'wo -an -dhe! kpɔ 'pö -næ: «-Më -kë kaa- 'kun kaa nuë -e?»

⁴⁶'Yö 'dhasi -nu -wa pö: «'Wun -blæe' -kɔ -suu' -'ö gɔɔn- bhë 'ö- wo bhë, -a -me yaa kë -dhö do!» ⁴⁷'Yö Falizi -me -nu -wa pö -an -dhë: «-Më -nu 'ka dɔa -næ; -a 'wun -blæe' -wo -nu -wa ka -püö 'pö a? ⁴⁸Kwa -kɔɔnmæ -nu waa- Falizi -me -nu bhë, -a -ga 'ka- wo bhë, -a dö -zë 'pö 'ö 'wun -nu bhë 'ka- yö -næ -ya -an -dhe 'wun gia-? ⁴⁹'Yö -dhe -kë 'dhö -næ me -nu 'wo bhë -wo -dɔ -dhë 'ö 'wo wo -kwaa wo -de -zü -ii? 'Waa pë gbɛ dɔ -Zlan -bha tɔng -bha -dhe! -Zlan -bha 'dhangga -ya -an 'kun.»

⁵⁰Falizi -me do -yö -kë mü 'pö, 'wo- -dhe Nikodemö. Kë- wo bhë, yö -næ 'ö yi do 'ka 'ö dho Yesu 'piö 'dhiö -zian'. =Dhe 'wun -nu bhë -wa kë 'dhö, 'ö- pö -an -dhë: ⁵¹«Kë- wo kwa -gɔ tɔng 'gü bhë, kwa -mɔa kö 'kwa za -lo me tuö kö kwaa- -wo -nu ma 'iin kö pë -nu 'ö- kë -na kwaa- dɔ -a?»

⁵²'Yö 'wo- -daa -kë -a -gɔ 'wo- pö: «-Më 'ü dɔa -næ! Galile -me -suu' -'wo bhë ü -an 'piö 'pö a? =Kpɔɔ- -Zlan -bha 'sëédhe -nu 'gü 'dhe! -Zlan -wodhiölome -ya 'go Galile do 'bha- ma -a?»

⁵³((=Dhe -ya kë 'dhö, 'wo -kan wo 'kuë- 'ö me 'ö -dhö, 'ö dho ö -gɔ kɔɔ.))

'Wun 'ö -gban dhebo 'wo- kun gɔɔn- 'piö -a -bha

8 ¹((-Dhe =ya kë 'dhö, Yesu -yö -dho Olivie -tɔn tuö. ²-Dhe 'ö- -ta -dhe =ya 'po, -a -dhiadhiö tii 'gü, -yö -dho -Zlan -gba -a 'gü -kɔ 'gü, 'ö me gbung -nu -wo =nië -a -zü (-waan wo 'to to -a -bha). 'Yö =yaannu, 'ö yö -an =daan' -sü -bha. ³'Yö tɔnggɔme -nu waa- Falizi -me -nu 'wo nu dhebo do 'wo- kun gɔɔn- 'piö -a 'ka -a 'dhiö me gbung 'gü mü. ⁴'Ö 'wo- pö Yesu -dhë: «Yi -Gɔme, dhebo 'ö =ne yi- -kun gɔɔn- 'piö. ⁵'Yö pë 'ö =bɛen' -sü 'ka Moizö -bha tɔng 'sëedhe 'gü -ya -pö 'yi- -zuö -guö 'ka -yö 'to -a -kwaal'. -Dhe 'ü- -ga -a 'gü bhë, 'yi- kë =dhë =εε?») ⁶-Dhe' bhë -wa -kpɔ -a -gɔ 'dhö 'kpɛnng- 'ka, kö -waan -a 'kundhe yö 'wun dɔ -a -bha -sü 'ka. 'Yö Yesu -yö ö -gɔ yö 'sei, 'ö yö pë -ya -sü -bha 'sia- ö -kɔnɛga 'ka. ⁷'Wo =dhe' kpɔ -a -gɔ =naazë 'ka. =Dhe =ya kë 'dhö, 'ö ö -gɔ =luu 'ö- pö -an -dhë: «Me -nu 'ka nu 'saadhö =ne, me 'ö yaa =sɔɔn yaa kë do, -yö -guö 'sü, dhebo =ne -ya -zuö dɔ -a 'ka -sü zü dɔ 'kwee-!») ⁸-Dhe =yaa- pö 'dhö, 'yö ö -gɔ -gban 'sei 'zü, 'ö yö pë -ya -sü -bha 'zü. ⁹-Dhe me -nu 'wo nu dhebo bhë -a 'ka, =wa -wo -nu bhë -an ma 'dhö, 'yö 'wo -kan wo 'kuë- do do 'ka. =Dhe 'ö me ziizii -nu =wa ziö 'dhiö, 'ö -dadhëü -nu -wo -ziö 'pö; 'ö Yesu waa- dhebo bhë, 'wo -an to 'sloo 'ka, kö yö =tun dɔ -sü 'ka -a 'dhiö mü. ¹⁰'Yö ö -gɔ =luu 'ö- pö dhebo bhë -a -dhë: «Dhebo, me -nu 'wo bhë =wa 'dho 'më 'töüdhö =ee? Waa za -lo ü -bha gbɔ =a?» ¹¹'Ö dhebo bhë 'ö- pö -a -dhë: «N -Gɔme, waa za -lo n tuö gbɔ.» 'Ö Yesu -ya pö -a -dhë: «Ma -de 'pö, n 'ka 'dho za -lo ü tuö 'pö; -bhö ü -bha 'dho wo; 'kɛε kö =kun 'ü =sɔɔn yaa -kë gbɔ.»))

Yesu -bha -kë 'kpongtaadhe -bha -dhepuudhe 'ka -sü

¹²-Dhe =ya kë 'dhö, Yesu -yö ö -bha -dho 'dhiö me gbung -nu 'wo =sia bhë -an =daan' -sü 'ka, 'ö- pö: «Ma =ne 'a tɔɔ 'kpongtaame -nu -bha -dhepuudhe; me 'ö =ya ziö n 'piö, -dhepuudhe 'ö -kë -a 'gü -sü 'ka bhë, -yö -dho 'ta sü -a 'gü; yaa 'dho ta -dhetiidhe 'gü 'gbɛɛdhö.»

¹³'Ö Falizi -me -nu -wa pö -a -dhë: «Pë -nu 'ü- =blɛɛ' -na bhë, -an =bhlɛ gbe 'yaa 'dhö 'ö tɔɔ ü -de -gɔ -wun =ne 'ü- =blɛɛ' -na bhë.»

¹⁴'Ö Yesu -ya pö -an -dhë: «'Kö -kë =ne -tɔmɔdhe 'a- kë -na bhë, -a -wun -yö -gban n -de -bha, -yö 'wun gia- 'ka, 'ö tɔɔ -dhe 'a go -a -bha, a- -dɔ n -de -gɔ, 'ö 'a n 'dhodhe dɔ; 'kɛε kö ka -zë, n 'godhe -nu, n 'dhodhe -nu 'kaa- gbe dɔ. ¹⁵Ka -bha 'wun -yö 'ko 'dhiö -kɔ -nu =ga 'wo -kë me 'bhee- -bha 'ka bhë! =Ao', ma 'pö 'maa za -lo me gbe tuö. ¹⁶'Kɛε =ya kë =ne 'ma- pö 'a za -lo me tuö, kö ma za bhë -yö ö -wɔdhe -kun, 'ö tɔɔ za bhë 'maa- -lo me tuö -me 'ka 'dhö do. Yië- n Dë 'ö n bɔ bhë =ne =ya kë 'ö za bhë 'yi- -kan. ¹⁷-Yö =bɛen' -sü 'ka ka -bha tɔng 'sëedhe 'gü =ne -tɔmɔdhe 'ö dho kë, -a kë -me -nu =wa kë =plɛ kö -yö =bhlɛzë. ¹⁸Ka gia-, -ka -dhe -ga bhë 'dhe! Ma -de gia-, a -tɔmɔdhe -kë n -de -bha, 'ö =ya 'go mü 'ö n Dë gia- -de 'ö n bɔ bhë 'pö, 'yö ö -bha -kë n -ma.»

19'Yö 'wo- =dheε' kpo =nεε: «Ü dö -de 'kö ('ü- -wun =bleε' -na) bhë, -yö 'më poo =ee?» 'Yö- pö -an -dhë: «Kaa n Dë dö 'iin 'kaa n dö. -Ya kë =nε ka n -dö -bezë kö ka -dho n Dë dö 'pö.»

20'Wun -nu bhë Yesu -yö -an -bleε ö -bha mε -nu =daan' -sü 'ka kö -yö -Zlan -gba -a 'gü -kɔ 'gü, 'pian mε 'ö =ya kë 'wo pë -nu gbaɔ -Zlan -dhë bhë -a -dhe -bha. 'Ö mε gbe yaa nu -yaan (pö -a -dhë =ya 'wun =zaa' -sü kë kö -yaan) -a 'kun, 'ö bhii kö 'töng 'ö -ya -a -bha 'ka bhë yaa -lo =kun.

'Wun 'ö -gban Yesu 'dhodhe -bha, -a -wun 'ö- -bleε

21'Yö Yesu -ya pö -an -dhë 'zü: «A 'dhoë- dho; ka -dho n =mεε'- 'kεε ka 'ka 'dho n yö; ka -dho ga ka -bha =sɔɔn yaa -nu 'gü, 'ö tɔɔ -dhe 'a dho dho -a -bha bhë, kaa 'dho -mɔa 'kaan- -da -a -dhe -bha.»

22'Yö Zuifö -nu -gɔmε -nu -wo yö -a pö -sü -bha wo 'ko -nu -dhë: «-A pö 'ö- wo =ka 'ka 'dho -da -dhe 'a dho dho -a -bha bhë -a -dhe -bha» =nε kö =ya kë 'dhö kö ö -de zë 'pö dhoë- wo bhë ee?»

23'Ö Yesu -ya -daa -kë -an -gɔ, 'ö- pö: «Ka 'pö, ka 'kpongtaa zö, kaa 'go dhang- 'gü; 'kεε ma -zë, 'maa 'kpongtaame 'ka, a -go dhang- 'gü. 24 Pë 'ö -kë 'a- pö ka -dhë, ka -dho ga ka -bha =sɔɔn yaa -nu 'gü bhë 'ö bhë; 'ö bhii -ya kë =nε kaa- -wun -dhe 'wun gia- =nε ma =nε 'a tɔɔ =mε 'ö -dhö, kö ka -dho ga 'gbönggböng ka -bha =sɔɔn yaa -nu 'gü.» 25'Yö 'wo- pö -a -dhë: «Dö -mü ü 'ka εε?» 'Yö- daa -kë -an -gɔ 'ö- pö: «'Go -a züdüyi -bha 'ö yö =dεε -bha =nε, 'wun -nu 'a- =bleε bhë, waa ka -zo 'kun a? 26'Wun -yö n -gɔ =va kö 'aan- =bleε'- ka -bliü 'gü. 'Kεε -yö kë 'pië- wo ka 'yaan =nε mε 'ö n bɔ bhë -yö 'wun gia- =bleε; 'ö pë 'a- =daan -a 'piö =nε 'a 'kpongtaame -nu =daan -a 'ka.»

27'Wun bhë -a -bleε'- 'ö- wo 'dhö bhë, -an =zuö' yaa yö -a Dë 'ö kwa -bha -Zlan 'ka bhë -a -bha =nε yö 'ö- -wun =bleε' -na bhë. 28'Yö Yesu -ya pö -an -dhë: «'Yi 'ö 'ka dho Megbö döa -gaatalü -bha bhë, -a yi bhë -a 'ka ka -dho -a döa =nε ma 'a tɔɔ =mε 'ö -dhö; yi bhë -a 'ka, ka -dho -a -dhe yö =nε pë -nu 'a -an kë -na =nε, yaa 'go n -de 'gü. Pë -nu 'ö n Dë -yö n -daan -a 'ka bhë =nε 'a- =bleε' -na =nε. 29 Mε 'ö n bɔ bhë -yö n 'piö. Yaa n 'to 'sloo 'ka 'ö bhii pë 'ö- -zo 'kun -wun 'ka =nε -ya kë 'a- -kë.»

30'Wun bhë -a -bleε'- 'ö Yesu -ya wo 'dhö bhë, -yö -ya mε =plëézë =zuö' -bha 'ö 'wo- -wun -dhe 'wun gia-.

Mε =daan' -wo 'ö -gban -nua -nu waa- mε -nu 'ö 'wo -potaasü -an -bha

31=Dhe =ya kë 'dhö, 'ö Yesu -ya pö mε -nu 'wo Zuifö 'ka 'wo- -wun -dhe 'wun gia- bhë -an -dhë: «'Ö =ya kë =nε ma mε =daan' -wo -nu 'a mε =daan' -na -an 'ka bhë, 'ka- 'kun ö 'kun -kɔ 'ka kpinnghö, ka -dho kë ma =gué' -nu gia- 'ka; 32 =ya kë 'dhö, ka -dho 'wun gia- dö; 'ö- -wun 'gü, 'ka dho kë -potaasü.»

33'Yö 'wo- pö -a -dhë: «'Yi Ablaamö =suu'- -ta -nu 'ka; =ya kë 'dhö kö yiëë kë dö mε gbe -gɔ 'gan 'gü. =Ya kë 'dhö kö yi -bha -go 'gan 'gü -sü kö -potaasü -yaan kë yi -gɔ bhë -yö -go 'më 'wun bhë -a 'gü ii?»

³⁴Yö Yesu -ya pö -an -dhë: «A- -pö ka -dhë 'wun gia- 'ka: Me 'kö =sɔɔn yaa -kë, kö -yö =sɔɔn yaa -gɔ =nuadhë 'gü =ne bhë. ³⁵=Nua 'ö 'ka- -ga -na bhë, me -me 'yaa -mü. Me 'ö me -me 'ka 'ö tɔɔ Mɛgbö; 'ö dho toë 'dhö. ³⁶Ö -ya kë =ne me 'ö me -me 'ka, 'kwa -we -a 'ka -Zlan Gbö 'ka bhë, -ya kë =ne -ya ka bho =nuadhë 'gü, kö -potaasü giagia -ya kë ka -gɔ. ³⁷Kë- wo bhë a- =teɪ' -dɔ =ne Ablaamö =suu' -ta -nu -mü kaa. 'Kɛɛ ka- 'piö 'ka n zë 'sa! 'Ö tɔɔ 'kaa ka -kɔ 'kpɔ ma me =daan' -wo -nu -gɔ. ³⁸Pë -nu 'ö n Dë -ya -zɔn n -dhë bhë =ne 'a -we -a 'ka; 'kɛɛ ka -zë, pë -nu 'ö ka dë -ya pö ka -dhë bhë =ne 'ka- -kë.»

³⁹Yö 'wo- pö -a -dhë: «Yi dë 'ö tɔɔ Ablaamö.»

'Ö Yesu -ya pö -an -dhë: «Ya kë =ne ka -kë Ablaamö -bha 'në -nu gia- 'ka -be, ka -dho -a këpë -nu kë. ⁴⁰'Kɛɛ dɔ 'kwa- wo =ne, 'kö -kë =ne 'wun gia- 'a goë -Zlan 'piö bhë a- -blɛɛ ka -dhë, pë do 'ö ka =zuö' 'piö 'ö tɔɔ 'ka n zë. -A =ga 'ka- wo bhë, Ablaamö bhë, kë- wo =ne -yö 'wun =suu' -bhë -a -kë -a? ⁴¹=ɛɛ, 'ö 'ka- -yö bhë =a! Me 'ö ka dë 'ka bhë =ne 'ka 'to -a pin 'piö, 'ka pë -nu kë -na 'dhö bhë.»

'Yö 'wo- -daa -kë -a -gɔ 'wo- pö: «Yiëë 'në -nu 'ö me -nu -wo -mɔa -wa pö -gbloo 'gü -në -nu -mü yi 'ka -an 'ka; yi dë -yö do -Zlan 'ka.»

⁴²=Dhe =ya kë 'dhö, 'ö Yesu -ya pö -an -dhë: «-Zlan 'ka- =wɔɔn -na bhë, -ya kë =ne -yö ka dë 'ka 'wun gia- 'ka -bezë, n -dho -yö -dho ka kë, 'ö tɔɔ nu 'a- wo zö =ne, -Zlan =ne 'ö n bɔ, 'a go -a 'piö 'a nu; yaa kë =ne a -nu n -deë' 'dhö, yö kun; yö =ne 'ö n bɔ. ⁴³=Ya kë 'dhö kö 'wun -nu 'a- -blɛɛ' -na ka -dhë =ne -a ma 'kaa- wo n -gɔ bhë 'ö tɔɔ n -wo -nu ma -to =ya ta ka -gɔ. ⁴⁴Ka dë 'ö tɔɔ dü. Pë 'ö 'ka- 'piö 'ö tɔɔ ka dë 'ö bhë -a -zo 'kun -wun kë -sü. 'Go -a züɔɔyi -de -bha, me zë =ne 'ö- wo -kplawo. Yaa dɔ 'wun gia- 'gbloo 'piö do, 'ö bhii 'wun gia- 'yaa- 'gü. =Ya kë =ne =ya =sua -wun -nu -blɛɛ', 'yaa pë gbe 'ka yö =ga =suame -mü -a 'ka, 'ö =sua dë 'ka. ⁴⁵'Kɛɛ ma -zë, 'wun gia- =ne 'a- -blɛɛ; pë 'ö -kë 'ö 'kaa n -wo -nu -dhe 'wun gia- 'ö bhë. ⁴⁶=Dheɛ' do =ga =ne: Dö -mü ka songdhö 'ö dho -mɔa kö -yaan -zɔn =ne 'ma =sɔɔn yaa kë =ɛɛ? 'Ö =ya kë 'dhö kö -më -kë 'ö 'ma 'wun gia- =blɛɛ', 'ö 'kaa- -dhe 'wun gia- =neɛ? ⁴⁷'Kɛɛ kë- wo bhë -yö kë ka 'yaan =neɛ: Me 'ö -Zlan -bha me 'ka, -yö 'ö 'to -kë -Zlan -wo -bha. Ka 'ö 'ka bhë, 'kaa -Zlan -bha me 'ka bhë yö =ga 'ö- kë -kɔ 'dhö bhë.»

'Wun 'ö -gban Yesu -bha -kë =va Ablaamö -bha -sü -bha

⁴⁸Yö Zuifö -nu -wa pö -a -dhë: «-A pö 'yi- wo Samali mi -mü ü 'ka, 'iin 'ö -zuu yaa -yö ü 'gü bhë, bhi gia-, -dhe 'ü- -ga -a 'gü bhë, =sua 'yi- -kë -a?» ⁴⁹Yö Yesu -ya pö -an -dhë: «-Zuu yaa 'yaa n 'gü. Pë 'a- -kë 'ö tɔɔ n Dë =bhlë -ya 'a- wo; 'kɛɛ ka -zë, ka -kɔ n =bhlë -ya -sü 'ka. ⁵⁰'Maa 'tɔɔbhɔdhe =mɛɛ' -n -de -bha 'ka; me 'ö 'tɔɔbhɔdhe =mɛɛ' -na n -ma 'ka bhë -yö -dhö. Yö =ne =ya kë 'ö za kan bhë. ⁵¹'Kɛɛ a- -pö ka -dhë 'wun gia- 'ka =neɛ: Me 'ö =ya n -wo -nu =bhlë -ya, yö 'ka 'dho ga 'gbɛɛdhö.»

52'Yö Zuifö -nu -wa pö -a -dhë: «-Aa -ba, 'yië ü -dhe yö 'sabra! -Zuu yaa do -yö ü 'gü! Ablaamö =ya ga; -Zlan -wodhiölome -nu -wa ga; 'kεε bhi -zë, ü- pö: 'Mε 'ö =ya n -wo -nu -bhlë -ya, yö 'ka 'dho ga 'gbædhö.» 53'Yi dë Ablaamö bhë =ya ga; -Zlan -wodhiölome -nu 'wo bhë =wa ga 'pö. =Ya kë 'dhö kö kë 'pö 'ü- wo =va -an -bha 'pö bhë ee? =Ya kë 'dhö kö -më -mü ü 'ka ε?»

54'Ö Yesu -ya -daa -kë 'ö- pö: «=Ya kë -ne n -de 'sü 'a- wo =va -be, kö -a -yöë -pë gbe 'yaa -dhö. 'Kεε me 'ö n 'sü -na =bhlëzë bhë 'ö tɔɔ n Dë 'ö 'ka- pö -na -yö ka -bha -Zlan 'ka bhë. 55'Kεε kö 'kaa- dɔ 'sa! Ma -zë a- -dɔ. =Ya kë =ne a- -pö -bezë 'maa- dɔ kö =sua 'a- -kë =ne ka 'dhö. 'Kεε a- -dɔ -së 'ka, 'ö 'a- wo -nu -bhlë -ya. 56'Ka dë Ablaamö 'ö bhë, kë- wo 'kpa bhë, pë 'ö- -zo -kë -a -dhë 'ö tɔɔ kö 'ö 'ö 'yan dɔ n -ma. 'Ö- =zuö' 'glu -yö dhi nu 'a dho -a wo bhë -a -wun 'gü; 'ö -dhe =yaa- yö 'ö- =zuö' 'glu -yö -dhi.»

57'Yö Zuifö -nu -wa pö -a -dhë: «Bhi 'ö ü -kwe yaa 'gɔɔ- 'sɔɔdhuzë -kun bhë, 'ü ü 'yan -kpën Ablaamö -bha -sü -wun =bleε 'fεfε 'ka 'dhö a?»

58'Yö Yesu -ya -daa -kë -an -gɔ 'ö- pö: «A- -pö ka -dhë 'wun gia- 'ka =neε: Ablaamö bhë -a kë =yië' -dewo kö -yaan bho kö a -dhö, 'ö 'a =tun -dhö =ne.»

59=Dhe =yaa- pö 'dhö, 'wo -guö -lö kö -waan -a -zuö -a 'ka. 'Kεε Yesu -yö -bin 'ö -ziö 'ö go -Zlan -gba -a 'gü -kɔ mü 'ö dho.

Yesu -bha gɔɔn- 'ö bho 'yënnngtiime 'ka -a -dhe bo 'ö- wo

9 1'Yesu -yö -kë ziö =dhia yi do 'ka, 'ö -kpën gɔɔn- do 'ö- 'yënnng -yö -kë tii 'ö bhɔa -a -bha. 2'Yö- -bha =guë' -nu -wa =dheε' kɔɔ =neε: «Yi -Gɔmε, -më -kë 'ö gɔɔn- =ne 'ö- 'yënnng -kë tii 'ö bhɔa =εε? Kö kë- wo bhë, -yö -sü -a -de =sɔɔn -bha =ii, 'iin -yö -sü -a -me -nu =sɔɔn -bha =ii?»

3'Ö Yesu -ya pö -an -dhë: «Yaa yö -a =sɔɔn 'iin -a -mε -nu =sɔɔn -wun -bha. -Yö -bho 'yënnngtiime 'ka 'dhö -yö kë 'dhö kö -Zlan -yaan bɔ -a 'gü -yaan pë -nu kë. 4=Dhe 'ö- -dhe 'dhö =tun 'po -sü bhë, kwa =dua' -mü kö me 'ö n bɔ bhë, kwa- -bha yuö kë. Gbeng -yi 'yaa -gbiin gbɔ, 'ö bhii 'kwa dɔ gbeng =sia, kwa yuökédhe gbe 'ka dho kë -dhö. 5'Töng 'a- 'ka 'kpongtaa =ne, a -dhepuudhe 'ka.»

6=Dhe =yaa- pö 'dhö, 'yö ö 'dhee bho; 'yö- -kaan 'se 'ka 'ö- =glüü gɔɔn- 'ö bhë -a 'yënnngdhö, 7'ö- pö -a -dhë: «'Dho 'ü ü wöödhe 'zlu Siloe 'yi -glu -bhaa.» (=Waa- pö Siloe kö -wa -pö «mε 'wo- bɔ».)

'Yö =dhe gɔɔn- bhë =ya 'dho =ya ö wöödhe 'zlu, 'yö nu kö -a 'yan =ya -dhe yö.

8'Yö gɔɔn- bhë -a -zü 'to mε -nu 'wo -an -gɔ 'gunng 'gü bhë, =dhe =waa- yö, 'wo- pö: «Gɔɔn- =ne 'yaa -mü 'ö -kë =yaannu -sü 'ka -de, -gba -dhe -sü 'ka =naa?»

9Kö mε 'bhaa -nu -wa pö -na: «Yö -mü.»

Kö mε 'bhaa -nu -wa pö -na: «-Abi', 'yaa -mü; 'kεε -yö -bho -a -bha.»

=Dhe =ya kë 'dhö, 'ö gɔɔn- bhë 'ö- pö -an -dhë: «Ma gia- -mü.»

10 'Yö 'wo- =dheɛ' kpɔ =nɛɛ: «-A kē -kɔ -yö -kē =dhē 'ö 'ü -dhe yö =ee?»

11 'Yö- -daa kē 'ö- pö: «Gɔɔn- 'wo- -dhe Yesu bhē =nɛ 'ö pē -kē =nɛ 'yɔɔ 'dhö 'ö- sü 'ö- =glüü n 'yënggdhö, 'ö- pö n -dhē: «-Bhö 'dho Siloe 'yi -glu -bhaa 'ü ü wöödhe 'zlu; 'yö =dhe 'a yën n wöödhe 'zlu -sü -bha 'ö n 'yan -yö -dhe yö.»

12 'Yö 'wo- =dheɛ' kpɔ =nɛɛ: «Gɔɔn- bhē, -yö 'mē ɛɛ?» 'Yö- pö -an -dhē: «-Dhe 'ö- -bha 'maa- dɔ -ɔ.»

Falizi -me -nu -bha gɔɔn- 'ö- 'yan 'dhi -yö -po bhē -a -dheɛ' 'kpɔ 'wo- wo

13 =Dhe 'wun -nu bhē =wa kē 'dhö, 'ö gɔɔn- bhē 'wo dhoë Falizi -me -nu =dhia. 14 -A -gen tɔɔ 'töng 'ö Yesu -yö 'ö -kɔ -ziö -a 'ka 'ö 'dheɛ 'gü 'sɛ -kaan -a 'ka -sü 'ka kö -yaan gɔɔn- bhē -a 'yan 'dhi poë bhē, -yö -kē Zuifö -nu -bha =glooyi 'ka. 15 'Yö gɔɔn- bhē 'wo- =dheɛ' kpɔ -kɔ 'ö -kaa' bhē -a -wun 'ka kö wo gia- -waan yö. 'Yö- pö: «'Yɔɔ pē 'tee 'ö- bho 'ö =glüü n 'yënggdhö, 'a dho 'a n wöödhe -zlu, 'yö n 'yan -yö -po =nɛ.»

16 'Yö Falizi -me 'bhaa -nu -wo yö -a pö -sü 'gü =nɛɛ: «Mɛ 'ö 'wun -kē =nɛ -Zlan -bha mɛ 'yaa -mü bhii yaa =glooyi -bha tɔng 'kun.»

Kö -a mɛ 'bhaa -nu -wa pö -na: «-A =ga 'ka- wo bhē =sɔɔnyaame -yö -mɔa kö -yö -dhidhaapē =suu'- =nɛ -a kē =a?»

'Yö 'wun bhē -a -wun 'gü 'ö 'gügludhe -yö -da -an ziën.

17 =Dhe =ya kē 'dhö, 'ö Falizi -me -nu -wo =dheɛ' 'bhaa kpɔ gɔɔn- 'ö- 'yan -yö bo bhē -a -gɔ =nɛɛ: «Bhi gia- -de 'ö gɔɔn- bhē 'ö 'ü 'yan po bhē, 'bha -dhe -ga 'wun bhē -a 'gü, gɔɔn- bhē dö -mü -a 'ka ɛ?» 'Yö- -daa -kē -an -gɔ 'ö- pö: «-Zlan -wodhiölome -mü.»

18 'Kɛɛ 'wun bhē yaa Zuifö -nu -gɔmɛ -nu -zo 'kun =nɛ gɔɔn- bhē -yö kē 'dhiö =zian' -be 'yëngtiime 'ka, kö 'töng bhē -a 'ka -yö kē -dhe yö -mɛ 'ka. 'Wo- -mɛ -nu -dhɔɔ -kē; 19 'wo -an -dheɛ' kpɔ =nɛɛ: «Mɛ 'ö =nɛ kaa- 'nē -mü -a? =Dhe 'ö bhɔ bhē -a 'yëngg- -kē tii =a? -Mē -wun 'ö -kē 'ö- 'yan =ya 'po =nɛɛ?»

20 'Yö- -mɛ -nu -wa -daa -kē -an -gɔ 'wo- pö: «Pē do 'yi- dɔ 'ö tɔɔ yi -bha 'nē -mü, 'ö- 'yëngg- -kē tii 'ö bhɔa. 21 -A mɛ 'ö -kē gɔɔn- 'ö- -dhe bo waa- -kɔ 'ö -kaa' zlöö 'ö- 'yan 'dhi -yö -po bhē 'yiëë- gbe dɔ. Ka gia-, -kaa =dheɛ' kpɔ 'dhe, -yö -mɔa -yö 'ö -de -ta -wun =blɛɛ'; =ya kē zii!»

22 Pē -kē 'ö- -mɛ -nu -wo 'wun -daa -kē 'dhö bhē, 'ö tɔɔ -wo -suö Zuifö -nu -gɔmɛ -nu -dhē, bhii tɔɔ Zuifö =wa -mɔa 'gü 'saadhö kö mɛ 'oo mɛ 'ö 'dhoë- pö Yesu tɔɔ -Zlan -bha -Yame -waan kē -yaan 'go wo songdhö wo -bha -bhɔkuëkɔ 'gü. 23 Pē -kē 'wo- pö: «-Ya kē zii 'saadhö; -yö -mɔa kö -yö 'ö -de -ta -wun =blɛɛ'; -kaa =dheɛ' kpɔ!» 'ö bhē.

24 =Dhe =ya kē 'dhö, 'ö Falizi -me -nu -wo gɔɔn- 'ö- 'yëngg -yö -kē tii 'dhiö bhē -a -dhɔɔ -kē 'zü -dëüwo 'wo- pö -a -dhē: «'Wun gia- =blɛɛ'- -Zlan wö 'dhiö; gɔɔn- 'ö 'ü -dhe bo bhē yi- =tei' -dɔ =nɛ =sɔɔnyaakême -mü -a 'ka.»

25 'Yö- pö -an -dhē: «-Yö =sɔɔnyaame 'ka oo, 'yaa- 'ka oo, 'maa- gbe -naa dɔ. Pē do 'a- dɔ 'ö tɔɔ a -kē 'yëngtiime 'ka -be, 'kɛɛ =dɛɛ =nɛ 'ma -dhe -yö zlöö.»

26 'Wo- =dhɛɛ' kpɔ -nɛɛ: «-Mè 'ò- -kè ü 'ka ɛɛ? -Yö ü 'yan -po -kɔklè -ɛɛ?»
 27 'Yö- pö -an -dhè: «Ka 'to 'pö kaa- kè n -ma bhè -ɛɛ, 'iin -dhè, 'yaa 'pö 'ma bɔ -a 'gü 'saadhö ka -dhè. -Mè 'ò 'ka- 'piö kö 'a bɔ -a 'gü 'zü do ka -dhè -nɛɛ 'iin 'ka- 'piö kö 'ka kè -a -bha -guè' -nu 'ka 'pö bhè ɛɛ?»

28 'Wo yö 'wun -blɛɛ -a 'ka -sü -bha 'wo- pö: «Bhi -nɛ 'ü tɔɔ gɔɔn- bhè -a -bha -guè'. Yi -zè yi Moizö -bha -guè' -nu 'ka. 29 Yi- =tɛi' dɔ -nɛ kè- wo 'kpa bhè, -Zlan -yö 'wun -blɛɛ Moizö -dhè; 'kɛɛ me =suu'- =nɛ 'yièè- 'godhe -dee dɔ!»

30 =Dhe =ya kè 'dhö, 'ö gɔɔn- bhè 'ö- pö -an -dhè: «=Aan'-, ka gia- ka- -yö bhè =aa! Mɛ 'te 'tun -wun do kun bhè -a; 'kaa- 'godhe dɔ, 'kɛɛ =ya n -dhe bɔ 'sa! 31 Kwa- =tɛi' dɔ -nɛ -Zlan 'yaa ö 'to kè =sɔɔnyaame -nu -bha, 'kɛɛ -yö ö 'to -kè mɛ 'ö- =bhlè -ya, 'ö- -zo 'kun -wun -nu -kè -a -bha. 32 'Ka- ma do -nɛ mɛ =ya kè -dhö =ya mɛ 'ö 'yènnng 'dhö tii 'ö bhɔa -a 'yan 'dhi 'po =a? 33 Gɔɔn- 'ö bhè =ya kè -nɛ yaa 'go -Zlan 'piö -be, yö 'ka 'dho pè gbɛ kè.»

34 'Yö 'wo- pö -a -dhè: «-Mè 'ü dɔa =nɛɛ, bhi 'ü =sɔɔn yaa 'gü ü -de 'böü 'ka 'ü bhɔa bhè, ü- 'piö 'ü yi -daan'- 'pö a?» =Dhe =ya kè 'dhö, 'wo- -kè 'ö gɔ -an -bha -bhɔküékɔ 'gü mü.

'Wun mɛ 'ö 'yènnngtiidhe 'ka -Zlan -bha zian -ta

35 'Wun bhè Yesu -ya -ma =nɛ gɔɔn- bhè =waa- kè. =Dhe =ya kè 'dhö, 'yö dho -a 'piö 'yö- =dhɛɛ' kpɔ =woè' -nɛɛ: «Ü Mɛgbö -wun -dhe 'wun gia- -a?»
 36 'Ö gɔɔn- bhè 'yö- pö: «N -Gɔmɛ, mɛ bhè dö -mü -ii kö 'aan- -a -wun -dhe 'wun gia- -ɛ?»

37 'Ö Yesu -ya pö -a -dhè: «Yö -de gia- 'ö 'wun =blɛɛ' -na ü -dhè =nɛ!»
 38 'Yö gɔɔn- bhè 'ö yö ö kpɔn 'gü Yesu 'dhiö, 'ö- pö -a -dhè: «A ü -wun -dhe 'wun gia-, n Dème.»

39 =Dhe =ya kè 'dhö, 'ö Yesu -ya pö -a -dhè: «A -nu 'kpongtaa zö za 'kan -wun 'ka, kö 'yènnngtiime -nu -waan -dhe yö, 'iin kö mɛ -nu 'wo -dhe yö kö -an 'yènnng -yaan trö.»

40 Falizi -mɛ -nu 'wo -kè mü 'pö bhè, =dhe 'ö- mɛ 'bhaa -nu =waa- -wo bhè -a ma, 'wo- =dhɛɛ' kpɔ, 'wo- pö: «Yi -de 'pö yi 'yènnngtiime -nu 'ka a?»

41 'Ö Yesu -ya pö -an -dhè: «=Ya kè -nɛ ka -kè 'yènnngtiime -nu 'ka -bezè kö za 'ka 'dho ka kun; 'kɛɛ -dhe -kè -nɛ ka- -pö ka -de -dhè -nɛ ka 'yan -yö 'po -sü 'ka bhè, yö =ga 'ö za =ya ka kun bhè.»

'Wun =zuan' 'ö -gban 'bhla -tuèmaakème waa- ö -bha -tuè -nu -an -bha

10 1 'Ö Yesu -ya pö -an -dhè 'zü -nɛɛ: «A- -pö ka -dhè 'wun gia- 'ka: Mɛ 'ö dho -da -tuè -nu wɔdhe -bha, 'ö yaa bɔ -a 'dhi -bha, 'ö =ya -lö -gla -zü, kö mɛ bhè =kwaanmɛ -mü -a 'ka, kö kèpèyaame -mü -a 'ka. 2 'Kɛɛ mɛ 'ö =ya bɔ 'kɔdhi -bha 'ö =ya -da mü, kö -tuè -nu 'wo bhè -an -maakème -mü -a 'ka. 3 =Ya kè 'dhö 'ö 'kɔ -maakème -yö 'kɔdhi -po -a -gɔ 'ö -da mü. =Ya kè 'dhö 'ö -tuè -nu -wo 'wun ma -a -ta. Yö -nɛ 'ö =ya -tuè -nu 'wo bhè

-an -dhɔɔ kɛ -a mɛ 'ö -dhö -a 'tɔ 'ka, 'ö 'wo -ziö -a 'piö 'ö dho -an 'ka plaan. ⁴Wo 'plɛ =wa yö plaan, 'ö yö -an -dhë 'dhiö, 'wo -ziö -a 'piö 'ö bhii -wo wo -maakëme -wo -dɔ. ⁵Kɛɛ waa 'dhö -mɔa -wo ziö mɛ 'ö 'waa- dɔ -a 'piö. -Duë -nɛ 'wo dho -a wo -a -dhë; 'ö tɔɔ 'waa- -wo dɔ.»

⁶'Wun =zuan' bhë -dhe Yesu =yaa- -zɔn -an -dhë 'dhö, waa- -gen ma.

Yesu -bha -kë -tuëmaakëme -së 'ka -sü

⁷'Ö Yesu -ya pö -an -dhë 'zü: «A- -pö ka -dhë giagia 'ka =nɛ -tuë -nu -bha 'kɔ bhë -a kpong wɔdhe -yö -a 'dhi -bha -pë 'ö tɔɔ ma. ⁸Mɛ -nu 'wo nu n 'dhiö 'saadhö bhë, -kwaanme -nu -mü -an 'ka; kɛpëyaame -nu -mü -an 'ka. 'Kɛɛ -tuë -nu waa 'to -an -wo -nu 'piö. ⁹Ma =nɛ 'a tɔɔ -yö 'kɔdhi -bha kpong. Mɛ 'ö =ya bɔ n -ta =ya -da kɔɔ, -yö -dho dha. =Ya kɛ 'dhö, -yö -dho -mɔa -yö -da kɔɔ 'iin -yö yö plaan; -yö -dho ö -bha -bhöpë yö. ¹⁰=Kwaanme 'ö 'ka- -ga -na bhë, -yö -nu kö -yaan ö -bha -kwaan, -yaan mɛ zë, -yaan pë 'gü -siö'. -A -bha yuö =nɛ bhë. 'Kɛɛ ma -zë a -nu kö -këdhösü -yaan kɛ mɛ 'bhee- -nu -gɔ ö 'plɛ 'ka.

¹¹Ma =nɛ 'a tɔɔ -tuëmaakëme giagia. -Tuëmaakëme giagia 'ö bhë -yö ö -de -nu ö -bha -tuë -nu -wun 'gü. ¹²'Kɛɛ mɛ 'ö yuö -kë kö -waan -a =saan' bho, 'ö 'yaa -tuëmaakëme giagia 'ka bhë; -tɔan gben- =ya -wo yö, 'ö -tuë -nu 'wo bhë -an -dhë 'dhiö bhë, -yö -duë 'ö dho 'ö -tɔan gben- -yö kan -an 'gü 'ö 'bhla -nu -wo -pen. ¹³=Duë 'ö- wo bhë 'ö tɔɔ pë 'ö- -yuö kɛ -na bhë 'ö tɔɔ 'wëü-; 'yaa ö -zo 'ta 'bhla -nu -wun 'gü. ¹⁴⁻¹⁵Ma =nɛ 'a tɔɔ -tuëmaakëme giagia. -Kɔ do 'ö n Dë -yö n dɔa, 'ö ma -de 'pö 'a- dɔa bhë 'ö- 'ka 'pö yië- ma 'bhla -nu yi songdhö 'ö 'a n -de -nu -an -wun 'gü. ¹⁶-Tuë 'bhaa -nu -wo n -gɔ 'ö 'waa -tuë wɔdhe 'ö =nɛ -a -bha. =Yö -së kö 'a yö -an -dhë 'dhiö kö -wo -da mü 'pö. -Wo -dho n -wo ma, 'ö -an dho 'kuë- -sü -yö -kë do, 'ö -an -maakëme -yö -kë do.

¹⁷N Dë -yö n -dho -kë; 'ö tɔɔ a n -ma -tosiadhe -nu kö -këdhösü -yaan kɛ n -gɔ 'zü. ¹⁸Yaa kɛ =nɛ n 'gbee- -ta 'wo- bho. A- -sü n -de 'gü 'a n -ma -tosiadhe nu. -Kɔ -mɔ 'wuën- -sü -yö n -gɔ kö 'aan- -a nu 'iin kö 'aan- -a yö 'zü. Pë 'ö n Dë -yö n bɔ -a -wun 'ka 'ö bhë.»

¹⁹'Wun 'ö- -blɛɛ' -kɔ =suu' -yö -kë 'dhö bhë, -yö 'gügludhe -da Zuifö -nu ziën 'zü. ²⁰-An mɛ =plëézë -wo -kë -a pö -dhia: «-Zuu yaa do -ya 'gü! -Yö 'blɔɔnzë! Ka ka 'to -to -a -bha -më -wun 'gü ii?»

²¹-An mɛ 'bhaa -nu -wo -kë -a pö -dhia 'pö: «Mɛ 'ö -zuu yaa 'dhoë- 'gü, -a 'wun =blɛɛ' -wo yaa kɛ -dhö. Kë- wo bhë, 'ka- ma do =nɛ -zuu yaa =ya 'yënnngtiime 'yan 'po do 'ka- yö =a?»

Zuifö -nu -bha -kɔ Yesu -wun 'ka -sü

²²(=Dhe 'ö 'töng 'bhaa =ya ziö,) mɛ -nu -wo -nu wo 'ko =bhaa Zeluzalemë kö -Zlan -gba -a 'gü -kɔ kɛ 'wo- wo 'slööslö 'kpa bhë -a 'wlaan- 'wo- kɛ -na -kwe -bha bhë, -waan -a wo 'zü. -Yö -kë 'dhö 'nɛnɛ 'töng 'ka. ²³Yesu -yö -kë

-ziö' 'ziö -dhia -Zlan -gba -a 'gü -kɔ 'pian me 'ö Salomɔ -bha -Zlan -gba -a 'gü -kɔ -gban 'lü 'dhoë- 'ka bhë -a 'ka. ²⁴'Ö Zuifö -nu -wo -nië -a -zü, 'wo-pö -a -dhë: «-Më 'ü dɔ -a -gɔ kö 'üën- ü dɔ -kɔ -blɛɛ' yi -dhë ɛɛ? -Ya kë -ne bhi -ne 'ü -Zlan -bha -Yame 'ka, -a pö yi -dhë do -klöödhö kö yi -zuö' 'go yi -zlöö.»

²⁵'Ö Yesu -ya pö -an -dhë: «-A me 'kö bhë, 'ma- -blɛɛ' ka -dhë 'saadhö; kë- wo 'ö 'kaa n -wo -dhe 'wun gia- bhë yö -mü. Pë -nu 'a- kë -na n Dë 'tɔ 'gü bhë -wa -zɔn -ne n -gɔ -wun -yö 'wun gia- 'ka. ²⁶'Kɛɛ n -wun -dhe 'kaa- wo -na 'wun gia- bhë 'ö tɔɔ ma 'bhla -tuë -nu bhë 'kaa -an kpö 'gü -me -nu 'ka. ²⁷'Ö bhii ma 'bhla -nu 'wo bhë -wo wo 'to -to n -wo -bha. A -an -dɔ, 'ö -ya kë 'ma -an -dhɔɔ kë, 'wo nu n -dhɔɔ -wo -bha. ²⁸A -dho -toëpö -këdhösü nu -an -dhë; waa 'dho ga 'gbɛɛdhö, 'iin 'ö me gbe 'ka 'dho -an bho n kwɛɛ. ²⁹N Dë 'ö pë nu n -dhë bhë -yö -va 'ö -ziö pë 'ple -ta. Me gbe 'ka 'dho pë gbe bho -a kwɛɛ. ³⁰Ma 'dhö, n Dë 'dhö, yi dosen.»

³¹-Dhe -ya kë 'dhö, 'ö Zuifö -nu -wo -guö -lö; 'wo- dho 'kuë- kö -waan -a -zuö -a 'ka. ³²'Ö Yesu -ya pö -an -dhë: «Kë 'a- wo zö ka ziën bhë, a 'wunsë -nu -kë -va 'ka; 'ö 'a- -kë 'dhö n Dë -bha 'piigbeedhe -kwaa'. 'Wun -nu 'wo bhë -a -mlë -zë 'ö- -wun 'gü 'ka- 'piö 'ka n zë -guö 'ka -nɛɛ?»

³³'Ö Zuifö -nu -wa pö: «Yaa kë -ne 'wun -së 'ü- -kë bhë -ne 'yi- 'piö 'yi ü zë -guö 'ka -a -wun 'gü; 'kɛɛ 'wun yaa 'ü- -blɛɛ' -na -Zlan -gɔ bhë -a -wun -mü. 'Ö tɔɔ bhi 'ü me 'bhee- 'kpaan 'ka bhë, -dhe 'kwa yö 'më 'ü ü -de -kë -Zlan 'ka ɛɛ?»

³⁴'Ö Yesu -ya pö -an -dhë: «-Yö -bɛɛn' -sü 'ka ka -bha tɔng 'sëédhe 'gü -nɛɛ: -Zlan -ya -pö: Ka -zlan -nu 'ka. ³⁵'Ö kwa gia- 'kwa- -tei' dɔ -ne pë me 'kö -bɛɛn' -sü 'ka -Zlan -bha 'sëédhe 'gü kö -a -bho mü -dhe 'yaa 'dhö. Me -nu 'ö -Zlan -yö 'wun -blɛɛ -an -dhë bhë -ne 'ö -an -dhe -zlan -nu. ³⁶Ma -zë, -Zlan -yö n -sü 'ö n bɔ 'kpongtaa. -Ya kë 'dhö kö -yö -kë -kɔklë zlöö 'ö 'ka- pö 'wun yaa -blɛɛ' -a- wo -Zlan -gɔ -ɛ, -dhe kë -ne 'ma- pö -Zlan Gbö -mü n 'ka bhë ee? ³⁷-Ya kë -ne 'maa n Dë -bha yuö -nu kë, kö kö -kun 'ka n -wun -dhe 'wun gia-. ³⁸'Kɛɛ -ya kë -ne a n Dë -bha yuö -nu -kë, 'ö 'kaa n -wun -dhe 'wun gia-; kö pë -nu 'wo bhë ka -an -wun -dhe 'wun gia- 'piüë- wo -ne -wo -go -Zlan 'piö kö -ya 'go mü 'kaan- -a -tei' dɔ zlöö -ne a -go n Dë 'gü, 'ö n Dë 'dhö -ya -sü 'ka n 'gü i. »

³⁹'Yö 'wo yö -a 'slë -mɛɛ' -sü -bha kö -waan -a 'kun, 'kɛɛ waa- këdhe gbe yö. -Yö -dha -an -gɔ.

⁴⁰-Dhe -ya kë 'dhö, 'ö Yesu -yö dho Zuuden zlöö =zian' 'zü -dëüwo, 'pian me 'ö Zan -yö me bɔ yiö -a 'ka 'dhiö =zian' bhë -a 'ka; -dhe bhë -ne 'ö to -a -bha. ⁴¹Me -nu -wo -nu -a 'piö -va 'ka. Pë 'ö -kë -an -wo 'ka 'ö tɔɔ: «Zan bhë kë- wo bhë, yaa -dhidhaapë gbe kë; 'kɛɛ 'wun -nu 'ö- -blɛɛ 'saadhö gɔɔn- -ne -a -blü 'gü bhë 'wun gia- -mü.»

⁴²-Dhe bhë me -nu -wo -kë -va 'zü, 'wo Yesu -wun -dhe 'wun gia- -a -bha.

Lazaa -bha ga -sü

11 ¹Gɔɔn- do -yö -kë -dhö, 'wo- -dhe Lazaa. -Yö -kë Betani. 'Yö 'yua -ya -kë. Waa- ö dheglu 'nédhezé -ple 'wo -an -dhe Mali waa- Maatö -wo -kë pö- bhë -a 'gü. ²Mali bhë -ne, 'ö 'dhiö bhë 'ö 'yi 'tëé -sëézé sü 'ö- -lo kwa Dëme -gen -nu -bha, 'ö 'ö -bha wun -nu sü 'ö- -ziö -a -gen -nu -bha. Yö -ne 'ö 'kwa 'we -na -a dheglu Lazaa 'ka bhë. ³'Yö dheglu 'nédhezé -ple 'wo bhë 'wo me bɔ Yesu -dhë -woë' -neε: «Yi Dëme, -bhö nu; 'yua -yö ü 'bhamε Lazaa kë -na!»

⁴-Dhe -nao bhë -waa- bɔ Yesu -gɔ 'dhö, 'yö- pö -an -dhë: «'Yua 'ö Lazaa -bha bhë, yaa 'dho pë gbε kaa. -Yö -yaa -bha 'dhö kö -Zlan -bha 'töbhödhe -yaan yö -dhegbéadhe 'gü; 'wun bhë -ne 'ö dho kë -Zlan Gbö -bha 'töbhödhe -bɔ -a -ta 'ka 'pö.»

⁵Mali waa- ö dheglu Maatö 'wo bhë waa- Lazaa -de gia-, -an -dho -yö Yesu -kë 'dhö, ⁶'kεε kë- wo 'dhö bhë, -dhe 'ö- ma -ne 'yua -yö Lazaa kë -na, yaa 'luu'- yaa 'dho, -yö -to -dhe 'ö -kë -a -bha bhë -a -bha, 'ö -dhekpacyi -ple -kë mü, -yaan -tun 'dho -na -an 'piö Betani. ⁷'Yö- pö 'ö -bha -guë' -nu -dhë: «-Kwa 'yε kwa 'zü 'kwa dho Zude -sε 'gü.»

⁸'Yö- -bha -guë' -nu -wa pö -a -dhë: «Yi -Gɔme, -a -dhe yaa -glɔɔ -kun, Zuifö -nu -wo -kë -a 'slë -mεε' -dhia kö -waan ü zé -guö 'ka, 'ö bhi 'ü bhë 'ü- 'piö kö 'kwa 'dho 'ma 'zü a?»

⁹'Ö Yesu -ya pö -an -dhë: «'Lele 'yaa 'gɔɔ- do ö ga -ple -dhekpacyi do 'gü a? Mε -ya 'ta 'sü -dhe 'po -sü 'gü -a -gen 'yaa zuö bhë kun tɔɔ -a 'yan -yö -dhe -yö -dhe 'po -sü 'ö 'kpongtaa zö bhë -a 'gü a. ¹⁰'Kεε me -ya 'ta 'sü gbeng, -a -gen -yö -zuö 'ö bhii -dhe 'yaa 'po -sü 'ka.»

¹¹-Dhe Yesu -ya 'wun -blεε'- -an -dhë 'dhö, 'yö- pö 'zü: «Kwa dheglu Lazaa -ya yi zé; 'kεε -kwa 'dho kö 'aan- 'pa -a -bha.»

¹²'Yö- -bha -guë' -nu -wa pö -a -dhë: «Yi Dëme, -ya kë -ne -ya yi zé kö -a 'bhle -ya kë 'waa; -a -dhe -dho bo.»

¹³Kë- wo 'dhö bhë, -a pö 'ö Yesu -ya wo Lazaa -ya yi zé bhë, -a -bha -guë' -nu waa- -gen ma. -Wo wo -zo -to yi 'kpaan -ya kë 'kwa- zé -na -ne -a -dhë, 'kεε kö ga 'ö Lazaa -ya wo bhë -ne 'ö Yesu -yö -we -a 'ka. ¹⁴-Dhe -kë 'dhö, 'ö Yesu -ya pö -an -dhë 'puu 'ka zlöö: «Lazaa -ya ga. ¹⁵N -zuö' 'glu dhi -sü -mü kë 'ö kaa- wo 'ma bhë -a -wun 'gü. -Ya kë 'dhö, ka -dho n -wo -dhe 'wun gia-; 'kεε -kwa 'dho 'ma.»

¹⁶-Dhe -ya kë 'dhö, 'ö Toma 'wo- 'tɔ kpɔ «-Flean» 'ka bhë 'ö- pö 'ö 'bhamε -guë' -nu 'wo to bhë -an -dhë: «-Kwa 'dho kö kwa -de 'pö, kwaa- kwa -Gɔme -nu 'kwaan- ga 'pö!»

Yesu -bha -kë -go ga 'sü -sü waa- -këdhösü 'ka -sü

¹⁷-Dhe Yesu waa- ö -bha -guë' -nu -wa 'dho -wa -lo 'ma, kö -wa Lazaa -bin 'saadhö -a -dhekpacyi -ya kë -yiisié. ¹⁸'Go Betani 'ü 'dho Zeluzalemé -yö -kë

-ne 'kilong -yaaga 'dhö. ¹⁹-A -wun 'gü, Zuifö -nu -wo -nu -va Maatö waa-Mali -an -plöö kö -waan -an -zuö' -dhuë' -an dheglu 'ö ga bhë -a -wun 'gü.

²⁰-Dhe 'ö Maatö -ya ma -ne Yesu -yö zian -ta nu -dhia, 'ö -luu 'ö dho -a -gɔ zian-. Mali -zë -yö -to kɔɔ. ²¹'Ö Maatö -ya pö Yesu -dhë: «N Dëme, ü -kë zö -bezë, n dheglu 'ka 'dho ga. ²²-εε, 'kεε a- =dɔa' -ne dɔ -de 'kwa- wo -ne pë 'oo pë kö 'ü- -dhe -Zlan -gɔ, -yö -dho -a nu ü -dhë.»

²³'Ö Yesu -ya pö -a -dhë: «Ü dheglu -yö -dho go ga 'gü.»

²⁴'Ö Maatö -ya -daa -kë =woë' -nεε: «-Yö n 'yaan 'ka 'püë- wo -ne game -nu -bha -go ga 'gü -yi 'ka yi -kaanta 'ka, -yö -dho go ga 'gü 'pö.»

²⁵'Ö Yesu -ya pö -a -dhë: «Ma -ne 'a tɔɔ me -bho ga 'gü -mε waa- -këdhösü -nu mε -dhë -mε. Mε 'ö =ya n -wun -dhe 'wun gia-, -yö -dho kë -dhö 'kö -kë -ne -yö -ga 'dhee; ²⁶'Ö me 'ö- -bha -tosiadhe kë -sü 'gü, 'ö =ya n -wun -dhe 'wun gia- 'ö yö 'ka 'dho ga gbɔ. 'Wun bhë, ü- -dhe 'wun gia- -a?» ²⁷'Ö- -daa -kë 'ö- pö: «=Ii-, n Dëme, a- -wun -dhe 'wun gia- -ne bhi -ne 'ü tɔɔ -Zlan -bha -Yame, 'ü -Zlan Gbö 'ö 'wo- pö -yö -dho nu 'kpongtaa bhë -a 'ka.»

Yesu -yö 'gbo -bɔ

²⁸-Dhe Maatö =ya 'wun =blεε' -ne -kɔ bhë -a 'dhö, 'ö -ziö 'ö dho 'ö ö dhegludhe Mali -dhɔɔ -kë, 'ö- pö -a -dhë 'saan 'gü: «-Gɔme =ya nu, -yö zö; -ya -pö 'ü nu.»

²⁹-Dhe 'ö Mali =ya -naɔ bhë -a ma, 'yö -ziö -bla 'ka 'ö dho Yesu 'piö.

³⁰-Dhe kë -na 'dhö kö Yesu yaa -da plöö -kun. 'Kεε -dhe do 'ö Maatö -ya to -a -bha bhë 'ö to -a -bha. ³¹-Dhe 'ö Zuifö -nu 'wo -kë Mali -gɔ kɔɔ -a =zuö' -dhuë' -dhia bhë =waa- yö -ne ziö 'ö- wo bhë, -yö -kë -bla -ta, 'wo -ziö -a 'piö. -Yö -kë -an -zo 'piö -ne -yö -kë 'dho -dhia blɔɔn- =taa kö -yaan 'gbo bɔ.

³²-Dhe 'ö Mali =ya -lo -dhe 'ö Yesu -yö -kë -a -bha bhë -a -bha, 'ö- 'yan -yö -da -a -ta, 'yö ö -de -zuö sia- -a -gεεndhö 'ö- pö: «N Dëme, ü -kë zö -bezë, n dheglu 'ka 'dho ga.»

³³'Yö Yesu -ya yö -ne -yö -kë 'gbo bɔ =dhia, 'ö Zuifö -nu 'ö wo -nu 'wo nu bhë wo -de 'pö, -wo -kë 'gbo bɔ =dhia; 'ö -wεε -yö -lo -a -ta, 'ö- =zuö' -yö -da 'yena 'gü. ³⁴-Dhe -kë 'dhö, 'yö -an -dheε' kɔɔ, 'ö- pö: «Ka- -bin mεε?» 'Yö 'wo- pö -a -dhë: «Yi Dëme, -ko 'dho 'yi- -zɔn ü -dhë!»

³⁵'Ö Yesu -yö 'gbo bɔ. ³⁶'Yö Zuifö -nu -wo yö -a pö -sü 'gü: «'Oo nenu, -a -dhɔ -ya -kë =duö -dheε!»

³⁷'Kεε mε 'bhaa -nu -wo -kë -an ziën mü 'pö, 'wo -kë -a pö =dhia: «Yö 'ö 'yënnngtiime 'yan -po =ne, ka- -pö -a -kɔ 'pö yaa 'dhö -mɔa kö =ya kë kö Lazaa -yö 'kun ga -sü 'ka 'pö a?»

Yesu -bha Lazaa -bho ga 'gü -sü

³⁸'Yö -wεε -yö -lo Yesu -ta 'zü; =dhe -kë 'dhö kö -yö 'dho -na blɔɔn- =taa. -Yö -kë -guö -du 'ka 'ö 'wo -guö 'fa yö -a 'dhiö. ³⁹-Dhe =wa 'dho =wa -lo 'ma 'ö Yesu -ya pö: «-Guö 'fa =ne, -kaa bho -a 'dhiö!»

'Ö Lazaa 'ö ga bhë -a dheglu Maatö -ya pö Yesu -dhë: «N Dëme, -dhe 'wo- -bin bhë -a -dhekpacyi -ya kë -yiisië; -a 'tëë -dhö kë dɔ -sü 'gü zlöö -bha.»

⁴⁰'Ö Yesu -ya pö -a -dhë: «N 'ka- pö ü -dhë, -ya kë -ne -zoyösü -ya kë ü -gɔ, ü -dho -Zlan -bha 'piigbeedhe yö -a?»

⁴¹-Dhe 'ö =wa -guö 'fa bhë -a bho mü, 'ö Yesu -yö -dhe -ga dhang- 'gü, 'ö-pö: «N Dë, a ü =sɛɛ- -pö 'ö tɔɔ ü ü 'to -kë n -wo -bha. ⁴²A- =tei' -dɔ =ne ü ü 'to -kë n -wo -bha -kplawo; 'kɛɛ a- -pö 'dhö mɛ -nu 'wo =nië n -zü 'to -ne -an -wun 'gü, -yö kë 'dhö kö -waan -a -wun -dhe 'wun gia- =ne bhi =ne 'ü n bɔ.»

⁴³-Dhe =yaa- pö 'dhö, 'yö -gbla 'gbee- 'ka 'ö- pö: «Lazaa, yö plaan!»

⁴⁴-Dhe 'wo- -ga kö mɛ 'ö ga bhë -yö yö -na plaan, 'kɛɛ sɔ 'pen -nu 'wo- =glöö bho -a 'ka bhë -wo -kë -a -kɔ -nu, -a -gen -nu, -a wöödhe -nu -an -bha. 'Ö Yesu -ya pö -an -dhë: «-Kaa 'po 'ka ka =kwaä'- -zü 'kwa ziö!»

Pë 'ö Zuifö -nu -gɔmɛ -wa -ya kö -waan kë Lazaa 'ka

(Matiö 26.1-5; Maakö 14.1-2; Lukö 22.1-2)

⁴⁵Me -nu 'wo nu Mali 'yënnng -bha bhë, Zuifö -nu 'wo -kë -an ziën bhë, -dhe 'ö pë -nu 'ö Yesu -ya -kë bhë, -an 'yan =ya -da -a 'gü, -an =plëëzë -wo Yesu -wun -dhe 'wun gia-. ⁴⁶'Kɛɛ mɛ 'bhaa -nu -wo -kë -an kpö 'gü 'wo -ziö 'wo dho Falizi -mɛ -nu 'piö, 'ö pë -nu 'ö Yesu -ya -kë 'töüdhö bhë 'wo- =bleɛ -an -dhë. ⁴⁷'Wun bhë -a -wun 'gü 'ö Falizi -mɛ -nu waa- slabhome -gɔmɛ -nu 'wo -ya 'kuë- -kë. Wo =ne 'ö 'wun =vava -nu =wa kë -dhö 'ö- -wun dho yö plaan, 'ö =ya kë 'wo- -ya 'kuë- -kë. 'Yö 'wo- pö: «Kwa -dhoë kë -dhë 'ö gɔɔn- =ne 'ö -dhidhaapë -plëëzë -nu kë -na =nɛɛ? ⁴⁸-Ya kë =ne 'kwa kwa =kwaä'- -a -zü =ne -kɔ bhë -a 'dhö, mɛ -nu 'saadhö -wo -dho -a -wun -dhe 'wun gia-; 'ö =ya kë zlöö 'ö 'sekɔɔnmɛ -nu ('ö 'kwa -an -kɔ =löö 'ö) 'wo Wlɔmɛ -sɛ 'ka bhë, 'wo -dho kwa -bha -Zlan -gba -a 'gü -kɔ =ne -a wü 'ö 'wo kwa -bha 'sɛ wü 'dhe!»

⁴⁹-An mɛ do -yö -kë mü 'wo- -dhe Kaifö. -Kwɛ bhë -a 'ka, yö =ne 'ö -kë slabhome =va 'ka. 'Yö- pö -an -dhë: «'Kaa -dhe yö 'wun bhë -a 'gü bhë yö -mü! ⁵⁰'Kaa- =tei' dɔ =ne -yö 'gianzë kö mɛ do -yö ga 'següme -nu -wun 'gü, -yö =zië' kwaä- 'següme -nu -todhösü 'gü =siö' -sü -ta -a?» ⁵¹'Wun bhë -ya -bleɛ 'dhö ö tii -bha 'kpaan 'ka; 'kɛɛ kë- wo 'dhö bhë, -yö -kë slabhome =va 'ka -kwɛ bhë -a 'ka, 'ö- -wun 'gü, 'ö -kë -Zlan -wo 'dhiö -lo -dhia =ne Yesu -yö -dho ga Zuifö -nu -wun 'gü. ⁵²'Kɛɛ kë- wo 'dhö bhë yaa kë =ne mɛ -nu 'wo 'segɔ =ne 'wo- 'gü -an -wun 'sloo -mü; -yö -Zlan -bha 'në -nu 'wo -pen -sü 'ka -dhe 'saadhö -bha -an -dho 'kuë- -sü 'ka bun do 'gü bhë -an -wun -mü.

⁵³'Kan yi bhë -a -bha zlöö, Zuifö -nu -wo -kë -a këdhe =mɛɛ' -dhia zlöö kö -waan Yesu zë. ⁵⁴-A -wun 'gü =ne 'ö Yesu -yö -kan zlöö =ziö' 'ziö -sü -bha mɛ gbung -nu 'gü Zuifö -nu ziën. 'Yö -dhe =ya kë 'dhö, 'yö =luu 'yö dho pödhe 'wo- -dhe Eflaimë 'ö 'yënnngtaadhe 'sɔɔ bhë -a 'gü. -Dhe bhë =ne 'ö waa- ö -bha =guë' -nu 'wo to -a -bha.

⁵⁵Paakö 'wlaan- kë -yi bhë, -dhe -ya yö -klöö', me -nu -wo -dho -va 'ka Zeluzalemë kö -waan wo -de kë 'slööslö. ⁵⁶-Wo -kë Yesu =mæ' -dhia -dhe bhë -a 'gü. 'Yö -dhe =wa -da -Zlan -gba -a 'gü -kə 'gü, 'wo wo 'ko -nu -dhæ' 'kpə =woë' -næ: «-Yö ka -zo 'piö -ne -yö -dho nu 'wlaan- 'ö -ne -a -ta -a?»

⁵⁷'Töng bhë -a 'ka, slabhome -gəme -nu waa- Falizi -me -nu -wa -pö me -nu -dhë -ne me -ya kë -dhö kö -dhe Yesu 'dhoë- -bha -ya -dhe də, kö -ya kë kö -wa 'kun.

Mali -bha pë 'yi 'tëë -sëëzë -lo 'ö- wo Yesu -gen -bha
(*Matiö 26.6-13; Maakö 14.3-9*)

12 ¹-Dhe 'ö Paakö 'wlaan- kë -yi -ya 'to -ne pë 'slado 'dhö, Yesu -yö -dho Betani -pö 'ö Lazaa bho ga 'gü -a -bha bhë -a 'gü. ²'Yö 'wo pë -kpa -a -dhë 'ö Maatö -yö nuë -a -dhia. Me -nu 'wo -kë Yesu 'piö pë -bhö -dhia mü bhë, Lazaa -yö -kë -an 'piö. ³(-Wo -kë pë -bhö -dhia) 'ö Mali -yö pë 'yi 'tëë -sëëzë -səng' 'gbëezë 'wo- -kë 'ludhe 'wo- -dhe 'naa- -a 'ka 'ö dho -mə litrë 'gbu -bha -a sü 'ö- -lo Yesu -gen -nu -ta. 'Yö -kloo, 'yö 'ö -bha wun sü, 'yö- =taa -a -bha. 'Kə bhë -yö -pa pë 'yi bhë -a 'tëë 'ka. ⁴Yesu -bha -guë' -nu bhë -a me do -yö -kë mü, 'wo- -dhe Zuda Ikalio'tö. 'Yö -ne 'ö -dhe 'kwa yö mü, 'ö dho Yesu 'dhə də. 'Yö- pö: ⁵«=Öööö', pë 'yi 'tëë -sëëzë -ne -yö -së -be kö -wa 'dhə də dönïe 'wëüga bhe 'ö dho -mə -këng' -yaaga -bha -a -bha kö -a 'wëü- bhë -wa -glu 'fëeme -nu 'ka.»

⁶Kë- wo 'dhö bhë yaa kë -ne 'wun bhë -ya -blee ö -wo 'kpə -sü 'ka 'fëeme -nu -wun 'gü yö kun! -Ya -blee 'dhö ö -bha -kë -kwaanme 'ka -sü -wun 'gü. 'Ö tə 'wëü- -nu 'wo -kë -an -gə bhë, yö -ne 'ö -kë -a =waannume 'ka; 'ö -ya kë 'dhö 'ö ö -kə -da -a 'gü. ⁷'Yö Yesu -ya pö -a -dhë: «Ü -kwa' -a -zü! Ü -kwa' -a -zü kö pë me 'ö -dhi -a -dhë -ya =waannu n -ma 'ka yi 'ö 'wo dho n -glöö bhoë bhë -a -gə 'sa! ⁸'Fëeme -nu 'ka -an -ga -na bhë, -wo ka 'piö yi 'saadhö 'ka; 'këe ma -zë, n 'ka 'dho to ka 'piö zö -kplawo.»

'Wun 'wo- yö 'ko 'dhiö Lazaa -gə

⁹Zuifö -nu gbung -va 'wo -kë mü bhë, -wa -ma -ne Yesu -ya nu Betani. 'Yö 'wo dho 'ma. 'Këe yaa kë -ne Yesu do 'sloo -ne 'wo- -bha 'dho wo bhë; Lazaa 'ö Yesu -ya bho ga 'gü bhë 'wo dho kö -waan wo 'yan də -a -bha.

¹⁰(-Dhe =wa 'dho =wa wo 'yan də -a -bha 'dhö,) 'ö slabhome -nu -gəme -nu -wa -yö 'ko 'dhiö -kë -ne -wo -dho Lazaa zë 'pö, ¹¹'ö tə -a -wun 'gü Zuifö -nu -wo -kë -va 'ö =ya kë 'wo Yesu -wun -dhe 'wun gia-.

Yesu -bha -da Zeluzalemë plöo -sü
(*Matiö 21.1-11; Maakö 11.1-11; Lukö 19.28-40*)

¹²-Dhe pë -nu bhë =wa kë 'dhö, 'ö- -ta -dhe -ya 'po, 'ö me gbung -nu 'wo nu Paakö -ta bhë 'wo- ma 'zü -ne Yesu -yö -dho nu Zeluzalemë. ¹³'Yö 'wo -glaa- -paa -nu bho, 'wo dho -a 'ka -a -gə zian-. 'Wo yö 'gei kë -sü 'gü -a pö

-sü 'ka -nɛɛ: «Kwaa- 'yoo -mü! Kwaa- 'yoo -mü! -Zlan 'tɔ- kɛ -va! Me 'ö nu Dɛmɛ 'tɔ 'gü bhɛ, -Zlan -yö 'dhuɛ- 'kpɔ -a -bha! Izlaelö -mɛ -nu -bha -gludɛ bhɛ, -Zlan -yö 'dhuɛ- 'kpɔ -a -bha!»

¹⁴Yesu 'yan -yö -kpɛn -soofang 'nɛ -gbɔng do -bha; 'yö -ya -a -taa =nɛ -kɔ 'ö pɛ 'ö -bɛɛn' -sü 'ka -Zlan -bha 'sɛɛdhe 'gü 'ö -bleɛ -a 'ka bhɛ -a 'dhö. ¹⁵-Yö -bɛɛn' -sü 'ka -nɛɛ: *Sion 'gü -mɛ -nu, kö -kun 'ö 'suö -yö ka -kɛ!* -Ka -dhe -ga 'dhe, ka -bha -gludɛ -yö nu -na, -yö -ya -sü 'ka -soofang 'nɛ -gbɔng -taa. ¹⁶'Wun -nu 'wo bhɛ 'saadhö, -wo -kɛ 'dhö 'kɛɛ -a -bha -guɛ' -nu waa -dhe gbe yö -an 'gü. 'Kɛɛ -dhe 'ö -Zlan -ya 'tɔbhɔdhe -nu Yesu -dhɛ, 'ö -an -zo -yö -biüö pɛ 'ö -kɛ -bɛɛn' -sü 'ka -Zlan -bha 'sɛɛdhe 'gü bhɛ -a 'ka, kö -a 'dhiö -ya -mɔ 'kuɛ.

¹⁷Me -nu 'ö 'wo -kɛ Yesu 'piö yi 'ö Yesu -yö Lazaa -dhɔɔ =kaa' blɔɔn -taa kö -yö yö plaan 'ö -kɛ Lazaa -bho ga 'gü -sü 'ka bhɛ, pɛ -nu 'wo -kɛ bhɛ -wo -kɛ -an =bleɛ' -dhia. ¹⁸'Yö -wun 'gü 'ö me -nu -wo nu -a -gɔ zian -va 'ka, 'ö bhii kö =waa- ma =nɛ yö =nɛ 'ö -dhidhaapɛ bhɛ 'ö -kɛ. ¹⁹'Yö Falizi -mɛ -nu -wo yö -a pö -sü 'gü wo 'ko -nu -dhɛ: «-Ka -dhe -ga bhɛ 'dhe, ka -kɔ gbe yaa -mɔa -bha 'ö bhii mɛ 'saadhö -wo ziö -na -a 'piö!»

Glekö -mɛ -nu kpö 'dedɛ -bha Yesu =mɛɛ' 'wo- wo

²⁰Glekö -mɛ -nu kpö 'bhle 'dedɛ 'ö waa kɛ Zuifö 'ka -wo -kpa mɛ -nu 'wo -nu Zeluzalemɛ 'wlaan- 'töng 'ka bhɛ -an -bha, 'ö 'wo nu kö -waan -Zlan gba 'pö. ²¹'Yö =dhe 'wun -nu bhɛ =wa kɛ 'dhö, 'wo =yɔɔn gɔɔn- do 'ö go Betesaida, Galile -sɛ 'gü, 'wo- -dhe Filipö bhɛ -a -bha, 'wo- pö -a -dhɛ: «N Dɛ, yi- 'piö kö 'yi yi 'yan dɔ Yesu -bha.»

²²'Yö Filipö -yö dho 'yö- -bleɛ Andre -dhɛ, 'ö mɛ =plɛ 'wo bhɛ 'wo kpa wo 'kuɛ- 'wo dho 'wo- -bleɛ Yesu -dhɛ. ²³'Ö Yesu -ya pö -an -dhɛ: «'Töng 'ö -ya kö Megbö -yaan 'tɔbhɔdhe yö -a 'ka bhɛ -ya -lo. ²⁴A- -pö ka -dhɛ 'wun gia- 'ka -nɛɛ: 'Blee- ga 'ö 'ka- -ga -na bhɛ -yö -mɔa -yö 'to do 'ka -nɛ -kɔ 'ö 'ka- suö -a 'dhö; 'kɛɛ kö yaa 'pa 'se 'ka, 'iin kö yaa ga. 'Kɛɛ kɛ- wo 'dhö bhɛ -ya ga, -yö -dho 'ö ga 'bhaa -nu kɛ =va 'ka. ²⁵Mɛ 'ö- -dhɔ -kɛ -tosiadhe 'ö 'kpongtaa zö -a 'ka, -yö -dho =siö' -a -gɔ; 'kɛɛ mɛ 'ö- -bha -tosiadhe 'ö 'kpongtaa zö, 'ö 'yaa- -dhɛ pɛ gbe 'ka bhɛ, -yö -dho -a yö -kɛdhösi 'ö- 'yaa yɛn bhɛ -a 'ka. ²⁶Mɛ -ya kɛ -dhö, 'ö- 'piö kö 'ö yuö kɛ n -dhɛ, kö -yö 'to n 'piö. -Kɔ bhɛ =nɛ 'ö -dhe 'a dho dho -a -bha bhɛ, 'ö yö -de 'pö 'ö dho kɛ -a -bha n 'piö 'pö. Mɛ 'ö yuö kɛ -na n -dhɛ bhɛ, n Dɛ -ya -bhlɛ -ya.»

Yesu -bha 'ö -bha ga -sü -wun =bleɛ' -'ö- wo

²⁷'Yö- pö -an -dhɛ 'zü: «'Kɛɛ dɔ 'a- wo =nɛ, n =zuö' =ya =kaan' 'kuɛ. =ɛɛ, 'ö -ya kɛ 'dhö, -a pö 'pö 'a dhoɛ- wo: N Dɛ, 'wun 'gbee- 'ö nu -na =nɛ, -bhö n dha -a -gɔ 'pö bhɛ ee? 'Kɛɛ kö pɛ 'a nu -a -wun 'gü 'ö bhɛ 'sa! A -nu kö 'wun 'gbee- 'ö bhɛ 'aan- bɔ -a 'gü.» ²⁸'Yö- pö: «N Dɛ, -bhö kɛ kö ü 'tɔ -yö bhɔ!»

'Yö -wo do -yö we dhang- 'gü 'ö- pö: «'Ma 'tɔbhɔdhe nu -a -dhë 'saadhö, 'kɛɛ a =tun -a nu -a -dhë.»

²⁹Me gbung 'wo -kë mü bhë -wo bhë -wa -ma; 'wo- pö: «Dha 'we -wo -mü 'dhe!»

Me 'bhaa -nu -wo -kë -a pö -dhia: «-Zlan -bha bɔmɛ do =nɛ 'ö 'wun =blɛɛ -a -dhë bhë!»

³⁰Ö Yesu -ya pö -an -dhë: «-Wo bhë yaa 'we n -dhë; -yö -we ka -dhë. ³¹Töng 'ö -ya kö za -yaan 'kan 'kpongtaadhe -bha bhë =ya -lo. Me 'ö -kë ka -gɔ =taa 'kpongtaa zö bhë, 'dho 'ö -Zlan 'dhoë- kë bhë. ³²'Kɛɛ ma -zë, =ya kë =nɛ n Dë =ya n =luu', 'ma 'go 'kpongtaa zö, a -dho mɛ 'plɛ gan n =bhaa.»

³³'Wun bhë -a =blɛɛ' 'ö- wo 'dhö bhë -yö -kë ö -bha ga -kɔ -wun =blɛɛ' -sü 'ka. ³⁴'Yö mɛ gbung 'wo -kë mü bhë, 'wo- pö -a -dhë: «Pë 'yi- =daan yi -gɔ tɔng 'sëédhe 'gü -ya -pö =nɛɛ -Zlan -bha -Yamɛ 'ö dho nu bhë, -yö -dho kë -dhö =tɔöpö 'ka. =Ya kë 'dhö, -dhe -mlë 'kwa yö -a -bha 'ü- pö Mɛgbö -yö -dho =luu' =ii? Dö -de 'pö tɔɔ Mɛgbö bhë poo =ee?»

³⁵Ö Yesu -ya pö -an -dhë: «-Dhepuudhe -yö =tun ka ziën zö; 'kɛɛ yaa 'dho to zö =glɔɔsü gbɔ. -Ka =luu' 'ka 'ta, =dhe 'ö -dhe 'dhö =tun 'puu -a 'ka, -kun -kë 'ö -dhetiidhe dhö -lo ka tii =ii. 'Ö tɔɔ mɛ 'ö 'ta -na -dhetiidhe 'gü, 'yaa ö 'dhodhe dɔ. ³⁶=Dhe 'ö -dhepuudhe 'ö =tun ka -gɔ =nɛ, -ka ka -kɔ 'kpɔ -a -gɔ kö 'kaan- kë mɛ -nu 'wo -dhepuudhe 'gü -an 'ka ɛ.»

Zuifö -nu -bha 'kun 'wo- wo Yesu -wun -dhe 'wun gia- -sü 'ka

=Dhe 'ö Yesu =ya 'wun =blɛɛ' -nɛ -kɔ bhë -a 'dhö, 'yö -ziö 'ö dho -dhe do 'bhaa 'gü -an 'ka =gbiin, 'ö -bin. ³⁷Yesu -yö -dhidhaapë -plëézë -kë -an wö 'dhiö mü, 'kɛɛ waa Yesu -wun -dhe 'wun gia-; ³⁸'kɛɛ pë -nu bhë -wo -kë 'dhö =nɛ -kɔ 'ö- pë 'ö -Zlan -wodhiölome Ezai -ya =blɛɛ 'ö =been' -sü 'ka -a -wun 'gü -Zlan -bha 'sëédhe 'gü bhë, 'ö- 'ka bhë -a 'dhö. -Ya -pö: *Dëmɛ, dö 'ö yi -wo -nu -dhe 'wun gia- -ɛɛ? Dö -nu 'pö Dëmɛ -yö ö -bha -kɔ -mɔ 'wuën- -sü -zɔn -an -dhë -ɛɛ?* ³⁹Yesu -wun 'ö waa- -dhe 'wun gia- bhë -yö -kë 'dhö 'zü =nɛ -kɔ 'ö Ezai -ya pöë bhë -a 'dhö =nɛɛ: ⁴⁰-Zlan =ya -an 'yënnng trö, =ya -an -bha 'wundɔdhe 'dhi ta, -yö kë 'dhö kö -kun 'ö -an 'yan -yö -dhe yö 'iin 'wo 'wun -nu 'gü dɔ, kö -waan 'kun -dhië -an 'piö -sü 'ka, kö -yaan -an -dhe bo. ⁴¹'Wun 'ö Ezai -ya =blɛɛ 'dhö bhë 'ö tɔɔ kö =ya Yesu -bha 'tɔbhɔdhe yö; 'ö- -wun 'gü 'ö 'wun -gban -a -bha 'ö- =blɛɛ bhë.

⁴²'Kɛɛ kë- wo 'dhö bhë, Zuifö -gɔmɛ -nu ziën, mɛ -nu -wo -kë -va 'ö 'wo Yesu -wun -dhe 'wun gia-. 'Kɛɛ =dhe -kë =nɛ -wo -suö Falizi -mɛ -nu -dhë, -wo wo -de -kë 'slë 'ka, kö =kun 'wo dho wo kë -waan 'go -an -bha -bhɔkuëkɔ -nu 'gü. ⁴³Pë mɛ 'ö 'wo to -a 'piö bhë 'ö tɔɔ 'wun 'ö mɛ -zo 'kun -wun 'ka 'ö =zië' -a mɛ 'ö -Zlan -zo kun -a -ta.

Za 'kan -sü 'ö dho bɔ Yesu -wo -ta

⁴⁴'Yö =dhe =ya kë 'dhö, 'ö Yesu -yö 'wun =blɛɛ 'gbee- 'ka =woë' =nɛɛ: «Mɛ 'ö =ya n -wun -dhe 'wun gia- kö ma do 'sloo kun 'ö n -wun -dhe 'wun

gia- bhë; 'kɛɛ mɛ 'ö n bɔ bhë =nɛ 'ö- -wun -dhe 'wun gia- 'pö. ⁴⁵'Ö mɛ 'ö -ya n yö, kö mɛ 'ö n bɔ bhë =yaa- yö =nɛ bhë 'pö. ⁴⁶Ma 'a -dhepuudhe 'ka, a -nu 'kpongtaa, -yö kɛ 'dhö kö mɛ 'ö =ya n -wun -dhe 'wun gia- -yaan kɛ -dhepuudhe 'gü. ⁴⁷Mɛ 'ö =ya n -wo -nu ma 'ö yaa 'wun ma -a -ta, kö ma kun 'a dho za -lo -a tuö; -a -de n 'ka nu kö 'aan- za -lo 'kpongtaame -nu tuö, 'kɛɛ a -nu kö 'aan- -an dha =zian'. ⁴⁸Mɛ 'ö =ya n 'sü -kɔ 'bhaa 'gü, 'ö =ya n -wo -nu bho yunng kö pɛ 'ö dho za -lo -a tuö 'ö tɔɔ mɛ =daan' -wo -nu 'wo go n dhiö bhë. Yö =nɛ 'ö dho za -lo -a tuö yi -kaanta 'ka. ⁴⁹'Ö tɔɔ n -wo -nu 'wo bhë waa 'go n -de 'gü, 'kɛɛ -wo -go n Dë 'ö n bɔ bhë -a kwɛɛ. Yö =nɛ 'ö pɛ -nu 'a dho -a =blɛɛ' 'ö -an -ya n 'dhii. ⁵⁰Kɛ- wo 'dhö bhë, ma -de gia- a- =daa' =nɛ pɛ -nu 'ö- pö n -dhë 'a -an kɛ bhë =nɛ 'wo =toëpö -këdhösü nu mɛ -nu -dhë. Kö -yö kɛ ka 'yaan =nɛ pɛ -nu 'wo go -na n 'dhii bhë, n Dë (-Zlan) =nɛ 'ö -an dɔ n 'dhii.»

Yesu -bha ö -bha -guë' -nu -gen 'zlu 'ö- wo

13 ¹Dhe 'kwa dɔ 'töng bhë -a 'ka, kö Paakö 'wlaan- =ya 'to =nɛ -dhia 'dhö, kö Yesu =yaa- =tɛi' dɔ =nɛ 'ö 'go -sü -mü 'kpongtaa zö -yaan 'dho ö Dë 'piö. -A -bha mɛ 'wo 'kpongtaa zö bhë -an -dho -yö -kɛ -a -bha -kplawo; 'ö- -de -yö -kɛ -a -gɔ 'dhö 'ö =toë' 'dhö 'ö yöë -a -bha -tosiadhe 'dhiötöyi -bha zö.

²Waa- ö -bha =guë' -nu -wo -kɛ 'yinia 'piö -pɛ -bhö -dhia, 'kɛɛ kö -a -bha =guë' -nu 'wo bhë -a mɛ 'wo- -dhe Zuda 'ö -kɛ Simɔ Ikalioṭö gbö 'ka bhë, kö dü =yaa- 'sü ö -bha 'ka kö -yaan Yesu 'dhɔɔ dɔ ö yaagüme -nu -gɔ. ³'Kɛɛ kɛ- wo 'dhö bhë, Yesu -de gia- -ya =tɛi' dɔ =nɛ 'ö -go -Zlan 'piö; =ya 'go mü, -yö -dho yɛ ö 'zü 'ö dho -Zlan 'piö, 'ö bhii -ya dɔ =nɛ -Zlan -ya pɛ 'plɛ -lo ö kwɛɛ. ⁴Dhe =ya kɛ 'dhö, 'ö -lulu 'ö ö -bha sɔ -ta -sɔ bho ö -bha, 'ö 'zlu -sɔ dɔ sü ö -klu ö vɛɛdhö. ⁵'Yö 'yi sü 'ö- -lo 'tia- 'gbea dɔ 'gü, 'ö yö ö -bha =guë' -nu -gen 'zlu -sü -bha. 'Ö- mɛ 'ö =ya yën -a -gen 'zlu -sü -bha, 'ö 'zlu -sɔ 'ö- vɛɛdhö =sia bhë, 'ö- sü 'ö- -ziö -a -gen -nu -bha. ⁶'Ö =dhe =ya yö Simɔ Pɛɛ -bha, 'ö Simɔ -ya pö -a -dhë: «N Dëmɛ, bhi =nɛ 'ü dho n -gen -nu zlu =a, -abi!»

⁷'Ö Yesu -ya pö -a -dhë: «Pɛ 'a- -kɛ -a -dhë 'dhö bhë, 'bhaa- -gen dɔ, 'kɛɛ 'dhiö =zian' ü -dho -a -gen dɔ.»

⁸'Ö Pɛɛ -ya pö -a -dhë: «N 'ka 'we -a -bha, ü 'ka 'dho n -gen zlu 'gbɛɛdhö!»
'Yö Yesu -ya pö -a -dhë: «=Ya kɛ =nɛ n 'ka ü -gen -nu 'zlu, ü 'ka 'dho pɛ gbe yö n kwɛɛ gbɔ.»

⁹'Ö Pɛɛ -ya pö: «=Ya kɛ =nɛ -yö 'dhö 'wea-, kö =kun -kɛ 'ü n -gen -nu 'sloo zlu, -bhö n -kɔ -nu waa- n -gɔ -an 'plɛ 'zlu -klöödhö -wa!»

¹⁰'Ö Yesu -ya pö -a -dhë: «Mɛ 'ö =ya ö zlu -be 'saadhö, 'yaa- -bha kö -yö ö -de 'böü 'zlu 'zü; bhii =ya kɛ =nɛ =ya ö -gen 'zlu, kö =ya bho 'papadhö =nɛ bhë. Dɔ 'ka- wo bhë, 'ka bho -Zlan wö 'dhiö =nɛ bhë; 'kɛɛ ka 'plɛ kun 'ö 'ka bho -sü 'ka.»

11-A pö 'ö Yesu -ya wo «'kɛɛ ka 'plɛ kun 'ö 'ka bhɔ -sü 'ka» bhë 'ö tɔɔ me 'ö dho -a 'dhɔɔ dɔ ö yaagüme -nu -gɔ bhë -ya -dɔ.

12-Dhe Yesu -ya yën -an -gen -nu 'zlu -sü -bha, 'ö -luu 'ö ö -bha sɔ -ta -sɔ -nu -da ö -bha; -dhe -ya 'dho -ya -ya ö -bha -guë' -nu 'piö pë -bhö -a -ta -gba 'dhiö, 'ö- pö -an -dhë: «Pë 'a 'go -na -a kë -dhia bhë, ka- -gen -dɔ -a? 13Ka n -dhe ka -Gɔmɛ, 'ö 'ka n -dhe ka Dëmɛ; -yö 'wun gia- 'ka, a- -de 'ka. 14-Ka -dhe -ga bhë 'dhe! Ma 'a ka Dëmɛ, ka -Gɔmɛ 'ka bhë, 'ma ka -gen -nu 'zlu -nɛ -kɔ bhë -a 'dhö, kö -yö ka -bha kö 'ka ka 'ko -nu -gen 'zlu. 15-A kë 'a- wo 'dhö bhë, -yö 'wun -zuan' 'ka, 'a- -kë 'dhö kö 'ka 'to -a kë -sü 'piö ka 'ko -nu ziën. 16A- -pö ka -dhë 'wun gia- 'ka -nɛ yuökëme 'yaa -va ö -gɔmɛ -bha, 'iin bɔmɛ yaa -va me 'ö- bɔ bhë -a -bha. 17-Dhe 'wun mɛ bhë 'ka- dɔ zlöö bhë, -yö n 'gü -nɛ 'ka- 'kun -a 'kun -kɔ 'ka -zuögludhi -dho kë ka -gɔ.»

18'Yö- pö 'zü: «'Wun 'a- =blɛɛ bhë, yaa yö ka 'saadhö ka -bha; mɛ -nu 'ö 'wo n -ma 'ka 'ö 'a -an sü, a -an -dɔ. 'Kɛɛ kë- wo 'dhö bhë, 'wun bhë -yö -kë 'dhö kö pë 'ö =bɛɛn' -sü 'ka -Zlan -bha 'sëedhe 'gü, -a 'dhiö -yaan -mɔ 'kuë. -Yö =bɛɛn' -sü 'ka =nɛɛ: Mɛ 'ö yi -nu 'yi pë -bhö -kplawo yi 'ko -bhaa bhë, -ya dɔ n -gɔ 'yënnɔ. 19'Wun bhë a- -to 'dhiö 'a- =blɛɛ -yö kë 'dhö kö yi 'ö -a 'gü -pë dho kaa bhë, 'kaan- -a -dhe 'wun gia- =nɛ ma =nɛ 'a tɔɔ me 'ö -dhö. 20A- -pö ka -dhë 'wun gia- 'ka =nɛɛ: Ma bɔmɛ bhë, mɛ -yaa- -nia 'kun, kö ma =nɛ 'ö n -nia kun bhë; 'ö mɛ 'ö -ya n -nia 'kun bhë; 'ö mɛ 'ö -ya n -nia 'kun, kö mɛ 'ö n bɔ bhë =nɛ 'ö- -nia kun bhë.»

Zuda -bha Yesu 'dhɔɔ dɔ -sü -wun 'ö Yesu -ya -blɛɛ
(Matiö 26.20-25; Maakö 14.27-31; Lukö 22.31-34)

21-Dhe Yesu -ya yën 'wun -blɛɛ' -sü -bha 'dhö, 'ö- =zuö' -yö -kaan 'kuë, -dhe -kë 'dhö 'ö- pö: «A- -pö ka -dhë 'wun gia- 'ka -nɛɛ: Mɛ do -yö ka ziën 'ö dho n 'dhɔɔ dɔ n yaagüme -nu kwɛɛ.»

22'Ö- -bha -guë' -nu -wo yö wo 'ko -ga -sü 'gü 'wun 'ö- =blɛɛ bhë -a -wun 'gü, 'ö bhii waa- -gen gbɛ dɔ. 23-Dhe kë -na 'dhö, Yesu -bha -guë' -nu 'wo bhë -a mɛ 'ö- -dho -ya -kë -duö bhë, -yö -kë Yesu 'sɔɔ. 24'Yö Simɔ Pɛɛ -yö ö 'yan zë -a -dhë kö -yö Yesu -dheɛ' kpɔ mɛ 'ö bhë -a -wun 'ka. 25-Dhe -ya kë 'dhö, 'ö mɛ bhë 'ö ö -gɔ -yɔɔn Yesu -bha, 'ö- pö -a -dhë 'saan 'gü: «N Dëmɛ, dö -mü -ii?»

26'Ö Yesu -ya pö -a -dhë: «-Bhö n -ga 'dhe! A -dho -bluu' -'klu sü 'a- zë 'too 'ka 'tia- 'gü; mɛ 'a 'dhoë- nu -a -dhë bhë 'ö tɔɔ mɛ bhë.»

'Yö Yesu -yö =bluu' -'klu sü, 'ö- zë 'too 'ka, 'ö- nu Zuda 'ö -kë Simɔ Ikalɔtö gbö 'ka bhë -a -dhë. 27-Dhe Zuda -yö ö -kɔ kpɔ =bluu' -'klu bhë -a -gɔ, 'ö- kun, 'ö Satan -yö -da -a -zuö' 'piö. 'Ö Yesu -ya pö -a -dhë: «Pë 'ü dhoë- kë bhë, -bhöë kë 'siö- siö-!»

28'Kɛɛ kë- wo 'dhö bhë, -a -bha -guë' -nu waa 'wun gbɛ dɔ -a -bha. 29-Dhe -kë =nɛ Zuda =nɛ 'ö -kë -an -bha 'wëü- -kɔ 'dhiö 'ka bhë, 'yö -kë -an -zo 'piö =nɛ Yesu -ya -pö -a -dhë -yö 'dho -bhöpë 'wo dho 'wlaan- kë -a 'ka

-a 'dhɔ -dhia 'iin 'zü -ne -yö 'dho -yö gbaɔ kè 'fɛɛme -nu -dhë. ³⁰Yö Zuda -yö -bluu' -'klu bhë -a sü 'ö to mü 'ö yö plaan. -Dhe -yö -kè tii.

'Wun 'ö -gban tɔng -dëü -bha

³¹-Dhe 'ö Zuda -ya yö plaan, 'ö Yesu -ya pö: «Go 'tɔng -ne -a -bha, ma Mɛgbö, n 'tɔbhɔsü -mü zlöö; 'ö -Zlan -bha 'tɔbhɔdhe dhö bɔ -a -ta. ³²'Ö -ya kè -ne -Zlan -bha 'tɔbhɔdhe -ya bɔ Mɛgbö 'ö bhë -a 'gü kö -Zlan -de gia- -yö -dho -a kè 'ö- Gbö -bha 'tɔbhɔdhe -yö bɔ ö -ta. Pë 'ö- -de dho kè -dëü yö -mü. ³³Ma 'në -nu, 'tɔng 'ö n -gɔ 'a- 'ka ka 'piö zö bhë -ya 'to 'teete 'kpaan. Ka -dho n -mɛɛ', 'kɛɛ -dhe 'a dho dho -a -bha bhë, kaa 'dho -mɔa -bha 'ka -da mü. Ka gia- ka- -tei' -dɔ. -A mɛ 'kö bhë 'ma- =bleɛ' Zuifö -nu -dhë 'dhiö 'saadhö. ³⁴Kɛɛ a ka 'paan bho -na, -yö tɔng -dëü 'ka, 'a- dɔ =nɛɛ: -Ka ka 'ko -nu -dhɔ kè. Ka -dua' -mü 'ka ka 'ko -nu -dhɔ kè =nɛ -ko 'a ka -dhɔ =kaa' bhë -a 'dhö. ³⁵Ya kè =nɛ 'ka ka 'ko -nu -dhɔ kè, mɛ 'saadhö -wo -dho -a -dhe yö =nɛ ka ma =guë' -nu 'ka.»

-Kploö 'ö Piɛɛ dhoë- wo -a -wun 'ö Yesu -ya -bleɛ (Matiö 26.31-35; Maakö 14.27-31; Lukö 22.31-34)

³⁶-Dhe Yesu -ya 'wun =bleɛ' -ne -ko bhë -a 'dhö, 'ö Piɛɛ -ya -dheɛ' kpɔ =nɛɛ: «N Dëme, ü -dho mɛɛ?»

'Ö Yesu -ya pö -a -dhë: «-Bhö 'to bhë! -Dhe 'a 'dho -na -a -bha bhë, ü -ko yaa -mɔa -bha kö 'ü 'to n 'piö 'ko 'dho mü, 'kɛɛ ü -dho ziö n 'piö 'dhiö =zian'.»

³⁷'Ö Piɛɛ -ya pö -a -dhë: «N Dëme, -më -kè 'ö n 'ka dho ziö ü 'piö 'tɔng mɛ -ne -a 'ka ɛɛ? N -mɔa 'gü -sü -mü kö 'a ziö ü 'piö 'kö -kè -ne -wo -dho n zè 'dheɛ!»

³⁸'Ö Yesu -ya -dheɛ' kpɔ, 'ö- pö: «Ü -dho pë 'saadhö kè 'kö -kè -ne -wo -dho ü zè -a 'ka a? =Ao! A- -pö ü -dhë 'wun gia- 'ka =nɛɛ: -A kè -yi 'ka kö -tɔ gɔn -yaan 'we, ü -dho -a pö -gwaa -yaagazè -ne 'bhaa n dɔ.»

Yesu -ne 'ö tɔɔ zian 'ö dho kwa kwa Dë 'piö

14 ¹'Ö Yesu -ya pö -an -dhë 'zü: «Kö -kun 'ö ka =zuö' -yö to zlöö. -Ka ka -zo yö -Zlan -bha, 'ka n -wun -dhe 'wun gia- 'pö. ²-Yadhe 'ö n Dë 'piö dhang- 'gü -yö =va; a 'dho -na kö 'aan- ka -bha -pë kè. -Ya kè =nɛ 'yaa 'wun gia- 'ka -bezë, n 'ka 'dho -a -wun -bleɛ' ka -dhë. ³Ya kè =nɛ 'ma 'dho, 'ma ka -yadhe -pë kè, a -dho yɛ n 'zü 'a nu ka 'sü -dhiadhö kö 'kwaan- 'dho 'ma; -yö kè 'dhö kö ka -de 'pö 'kaan- kè -dhe 'a- -bha -a -dhe -bha. ⁴-Dhe 'a 'dho -na -a -bha bhë, ka- -zian -dɔ.»

⁵-Dhe -ya kè 'dhö, 'ö Toma -ya pö -a -dhë: «N Dëme, 'yiëë ü 'dhodhe dɔ. -Ya kè 'dhö yi -dho -a -zian dɔ -kɔklë =ɛ?»

⁶'Yö Yesu -ya -daa -kè -a -gɔ 'ö- pö: «Ma =nɛ 'a tɔɔ zian 'ö dho -Zlan 'piö, 'wun gia- -gɔ 'godhe waa- =toëpö -këdhösü -nu mɛ -dhë -mɛ. Mɛ yaa 'dho

-mɔa -bha kō -yō 'dho n Dē 'piō kō yaa bɔ n -ta. ⁷Ya kē -nɛ ka n -dɔ kō ka -dho n Dē dɔ 'pō. -A -de dɔ 'kwa- wo -nɛ 'ka- yō, 'ō 'ka- dɔ 'saadhō.»

⁸Ö Filipō -ya pō -a -dhē: «N Dēmɛ, kwa Dē 'ō bhē, -bhōē -zɔn yi -dhē kō yi -zuō' -yaan 'dho sia- -ɛ.»

⁹Ö Yesu -ya pō -a -dhē: «Filipō, 'kwa -gɔɔ kwa 'kuē- -duō 'ō 'bhaa n dɔ -nɛ, -yō 'yenazē -dhɛ! Me 'ō -ya n yō kō -ya 'ō 'yan dɔ n Dē -bha. -Dhe -kē 'dhō -nɛ -mē tɔɔ 'kwa Dē 'ō bhē -bhōē -zɔn yi -dhē- -ɛ? ¹⁰Bhaa- -wun -dhe 'wun gia- -nɛ a n Dē 'gü 'ō n Dē 'dhō n 'gü a? 'Wun -nu 'a- -blɛ' -na ka 'saadhō ka -dhē -nɛ -a gbe yaa 'go n -de 'gü. N Dē 'ō -ya -sü 'ka n 'gü bhē -nɛ 'ō bɔ -na n 'gü 'ō 'ō -de -gɔ -yuō -nu kē -na bhē. ¹¹-A pō 'a- wo -na ka -dhē a n Dē 'gü 'ō n Dē 'dhō -ya -sü 'ka n 'gü bhē, -kaa -dhe 'wun gia-. 'Ö- -de kē -nɛ 'yaa 'dhō, ka -mɔa yuō -nu 'ō bɔ -na n 'gü 'ō- kē -na bhē -a -wun 'gü, ka- -dhe 'wun gia- 'püē- wo -nɛ Dē -yō -ya -sü 'ka n 'gü 'ō ma -de 'pō 'a- 'gü. ¹²A- -pō ka -dhē 'wun gia- 'ka -nɛ: Me 'oo mɛ 'ō -ya n -wo -nu -dhe 'wun gia-, pē -nu 'a- kē -na -nɛ -yō -dho -an kē 'pō. 'Ö- -de 'ō dho pē -nu kē 'ō -ziō -a 'ka mü, bhii a 'dho -na n Dē 'piō. ¹³Pē 'saadhō 'ka dho -a -dhe n 'tɔ 'gü, a -dho -a 'plɛ kē -yō kē 'dhō kō ma 'a- Gbō 'ka bhē, -yaan kē n -ma n Dē 'tɔ kē -va -sü 'ka. ¹⁴Pē 'oo pē 'ka dhoē- -dhe n -gɔ, kwa -nu kwa -bha -klu 'kuē- -sü -wun 'gü, a -dho -a kē.»

Yesu -bha -Zuu 'slöösLö 'tɔ 'go -sü

¹⁵Ö Yesu -ya pō 'zü: «Ya kē -nɛ n -dho -yō ka -kē, kō -ka ma tɔng -nu 'kun. ¹⁶'Kɛɛ kē- wo 'dhō bhē, a -dho -a -dhe n Dē -gɔ kō -yō mɛ 'waa gbe bɔ ka -dhē kō -yaan nu ka -dhē. Mɛ bhē 'ō tɔɔ -Zuu 'ō 'wun gia- -yō go -a 'gü. Yō -nɛ 'ō dho kē ka 'piō -kplawo. ¹⁷'Kpongtaame -nu 'ka 'dhō -mɔa kō -wo wo -kɔ 'kpɔ -a -gɔ wo -zuō' 'gü; 'ō tɔɔ waa 'dho wo 'yan dɔ -a -bha kō -waan 'dhoē- dɔ. 'Kɛɛ ka -zē ka- -dɔ; 'kɛɛ ka -zē, ka -nu ka ka 'ko 'piō, 'ō -ya -sü 'ka ka 'gü.»

¹⁸Yō- pō: «N 'ka 'dho ka to 'sloo 'ka; a -dho yɛ n 'zü 'a nu ka 'piō. ¹⁹'Töng 'yaa -gbiin gbɔ kō 'aan- 'go 'kpongtaame -nu 'yan 'dhiö; 'kɛɛ ka -zē, ka -dho ka 'yan dɔ n -ma, 'ō tɔɔ a 'bhee-, 'ō ka -de 'pō, 'ka dho kē 'bhee-. ²⁰Yi 'ō bhē -ya kē -nɛ -ya -lo, ka -dho -a -dhe yō -nɛ a -ya -sü 'ka n Dē 'gü, 'go mü, 'ka -ya -sü 'ka n 'gü; 'ō ma -de 'pō, 'a ka 'gü.

²¹Me 'ō -ya ma tɔng -nu 'kun, kō mɛ bhē n -dho -ya -kē. Mɛ bhē -nɛ 'ō n Dē -ya -dho -kē. Ma -de 'pō, -a -dho -dho n kē 'ō 'a n -de -zɔn -a -dhē.»

²²-Dhe -ya kē 'dhō, 'ō- -bha -guē' -nu bhē -a mɛ 'wo- -dhe Zudē bhē, (n 'ka- pō Zuda Ikalioṭō,) 'ō Yesu -dheɛ' kpɔ 'ō- pō: «N Dēmɛ, -yō -kē -dhē 'ō 'ü dho ü -de -zɔn yi -dhē, 'ō 'ü 'ka 'dhoē- wo 'kpongtaame -nu -dhē -ɛɛ?»

²³Ö Yesu -ya pō -a -dhē: «Mɛ 'ō n -dho 'dhoē- 'gü, -yō -dho n -ma tɔng -nu kun. Mɛ bhē n Dē -dhoē -dho kē, 'ō ma 'dhō, n Dē 'dhō, 'yi kpa yi 'kuē- 'ō 'yi dho 'yi -ya -a -gɔ kɔɔ. ²⁴Yō -ga 'ō mɛ 'ō n -dho 'yaa- 'gü 'pō, 'ō 'yaa n -wo -nu -bhlē -ya. -Wo -nu 'wo 'go -na n dhiö 'ka- ma -na bhē, waa 'go n -de 'gü; 'kɛɛ n Dē 'ō n bɔ bhē -nɛ 'wo go -a 'gü.

²⁵-Wo -nu 'wo bhë 'saadhö =ne 'töng 'ö =tun n -gɔ ka 'piö zö bhë, 'a ka -daan -an 'ka. ²⁶Me 'ö dho nu kö -yaan nu ka -dhë, -wo -nu 'wo bhë, ka -zo -büö -sü 'iin ka -daan -an 'ka -sü 'ka bhë 'ö tɔɔ -Zuu 'slöösLö 'ö n Dë dhoë- bɔ ka -dhë n 'tɔ 'gü bhë.

²⁷N 'dho -sü -mü; 'këe =zuöyagluu 'a- nu ka -dhë. -Yö n -de -bha =zuöyagluu 'ka, 'a- nu ka -dhë. 'Yaa =ne -a më 'ö 'kpongtaa zö -a 'dhö. Kö -kun 'ö ka =zuö' -yö to zLöö 'iin 'ö 'siö -yö -kan ka 'gluu. ²⁸'Wun 'a- =blëe ka -dhë =neë <a 'dho -na, 'këe a -dho ye n 'zü' bhë, ka- ma -a! =Ya kë 'dhö, =ya kë =ne n -dho -yö ka -bha -be, kö ka =zuö' 'glu -dho dhi -a ma -sü 'ka =ne a -dho n Dë 'piö 'ö bhii n Dë -yö =va n -ta. ²⁹'Wun -nu 'wo bhë a -an -to 'dhiö 'a -an -wun =blëe ka -dhë, -yö kë 'dhö kö yi 'ö 'wo dho kë -a 'ka bhë 'kaan- n -wo -nu -dhe 'wun gia-. ³⁰'Töng 'yaa n -gɔ =va gbɔ kö 'kwaan- ya kwa 'ko =bhaa =ne -kɔ =suu' -ne -a 'dhö, kö 'aan- 'wun -nu =blëe' ka -dhë, 'ö tɔɔ -gludë 'ö 'kpongtaame -nu =kɔɔn -na bhë -yö nu -na. 'Këe kë- wo 'dhö bhë -a -kɔ 'yaa -mɔ n -ma. ³¹'Këe a -'piö kö 'a pë 'ö n Dë -ya pö 'a- kë bhë 'aan- kë; 'yaa n 'gbee- -ta bho -sü 'ka; -yö -kë 'dhö kö 'kpongtaame -nu -waan -a dɔa =ne n Dë -dho -yö n -kë. =Ao', -ka =luu', 'kwa zio!»

Yesu -bha -kë lezen -lü giagia 'ka -sü

15 ¹-Dhe Yesu =ya 'wun =blëe' -an -dhë 'dhö, 'yö 'wun =zuan' do 'bhaa -zɔn -an -dhë =neë: «Ma 'wun 'sü lezen 'wo -drɔɔn kë -na 'ka bhë -a -bha =ne ma 'a tɔɔ lezen -lü giagia 'ö n Dë 'dhö -a tamë 'ka. ²-Dhe =ya kë 'dhö, 'ö n Dë -yö nu, 'ö lezen -lü 'a- 'ka bhë 'ö- -kɔ -nu më 'ö 'waa wo -kpa -ya bhë 'ö -an -kan 'ö -an bho mü; 'ö- më -nu 'ö -an -kpa dhö -dhö bhë 'ö -an -ta -kan -yö kë 'dhö kö -an -kpa 'bhaa -yaan -ya 'zü. ³-Ka -dhe -ga bhë 'dhe: Më =daan' -wo -nu 'a- nu ka -dhë bhë waa ka kë =ne pë -ta 'kan -sü 'dhö kaa kë 'slöösLö -a? ⁴-Ka 'to -klu -sü 'ka n -ma =ne -kɔ 'a- 'ka ka -bha bhë -a 'dhö. =Dhe 'ka- -ga 'wun bhë -a 'gü bhë, ka -mɔa 'ka- pö lezen -lü -kɔ -yö -mɔa -a -kpa -yö -ya 'sloo 'ka kö 'yaa -gban -sü 'ka ö 'lü gia- bha -a? =Éé, 'ö -kɔ do bhë 'ö- 'ka 'pö kaa -mɔa ka -yö -a -bha -pë -yö kë -dhö -Zlan -bha zian -ta kö kaa 'to -klu -sü 'ka n -ma.

⁵Ma =ne 'a tɔɔ lezen -lü, 'ö ka =ne 'ka tɔɔ lezen -lü 'ö bhë -a -kɔ -nu. Më =ya 'to -klu -sü 'ka n -ma kö 'aan- kë -klu -sü 'ka -a -bha, -a -yö -a -bha -pë -nu -dho kë =plëézë 'ka -Zlan -bha zian -ta =ne -kɔ 'ö lezen -lü bhë 'ö- -kpa -nu 'dhoë- 'ka bhë -a 'dhö, 'ö bhii kaa -mɔa 'ka pë gbë kë kö kaa 'to -klu -sü 'ka n -ma. ⁶Me 'ö yaa 'to -klu -sü 'ka n -ma, -yö -dho kë -zuö plan -më 'ka =ne -kɔ 'ö- 'ka 'lü -kɔ 'ö 'yaa ö -lü -bha -a 'dhö; 'ö =ya kë 'ö 'kpea kun. Ka gia- ka- -dɔ =ne 'lü -kɔ 'kpea -nu bhë =wa -an 'dho 'kuëdhö, kö 'dho 'wo 'dhoë- -an güö bhë. ⁷=Ya kë =ne 'ka 'to -klu -sü 'ka n -ma, 'ö n -wo -nu =wa -ya ka 'gü, pë 'oo pë 'ö 'ka dhoë- -dhe, ka -dhoë yö. ⁸N Dë -bha 'tɔbhɔdhe 'ö bhë -a -wo -kɔ =ga 'ö bhë; 'ö bhii =ya kë =ne ka -yö -a -bha -pë =ya kë -dhö -Zlan -bha zian -ta =ne -kɔ 'ö lezen -kpa -nu 'dho -ya -na -a 'ka bhë -a 'dhö

kö 'ka- zɔn -ne ka n -ma -guë' -nu 'ka. ⁹A ka -dho -kë -ne -ko 'ö n Dë -yö n -dho -kaa' bhë -a 'dhö. -Ka 'to ma -dho 'gü! ¹⁰-A kë -ko -ga -ne: -Ya kë -ne 'ka ma tɔng -nu 'kun, ka -dho to ma -dho 'gü -ne -ko 'ö ma -de 'pö 'a n Dë -bha tɔng -nu kuën 'ö- -wun 'gü, 'a- 'ka -a -bha -dho 'gü bhë -a 'dhö.

¹¹'Wun bhë a- -bleë ka -dhë 'dhö -yö kë 'dhö kö -zuögludhi 'ö n -gɔ bhë -yö -ya ka 'gü kö 'go mü ka -zuö' 'glu -yaan dhi 'fefedhö. ¹²Ma tɔng bhë 'ö tɔɔ: -Ka ka 'ko -nu -dho kë -ne -ko 'ö 'a ka -dho kë -na -a 'ka -ne -a 'dhö. ¹³Ka gia-, ka -tei' -dɔ -ne pë 'kö mɛ dhoë- kë kö -yaan -zɔn ö 'bha -dhë -ne 'ö- -dho -kë -duö 'ö tɔɔ 'we 'ö dho -a wo -a -bha kö -yaan ga -a -wun 'gü. ¹⁴-Ya kë -ne pë -nu 'a- pö ka -dhë 'töüdhö bhë 'ka- 'kun, kö ka n 'bhamɛ -nu 'ka. ¹⁵N 'ka 'dho ka -dhe -dewo poo ma yuökémɛ -nu zlöö, 'ö tɔɔ mɛ 'ö yuö -kë ö -gɔmɛ -dhë, pë -nu 'ö- -gɔmɛ 'dhoë- kë -na 'yaa -dɔ. A -dho ka -dhe zlöö n 'bhamɛ -nu, bhii pë -nu 'a- -daan 'saadhö n Dë 'piö bhë, 'ma- 'ple -zɔn ka -dhë, 'ka- dɔ. ¹⁶Ka kun 'ka n sü; 'kɛɛ ma -ne 'a ka -dho -kë n -bhaa, 'ö 'a- pö ka -dhë 'ka 'dho kö 'ka yuö kë, -a -yö -a -bha -pë -nu -wo kë -Zlan -bha zian -ta -ne -ko 'ö lɛzen -lü -kpa 'dhö kë -na -a 'ka bhë -a 'dhö. 'Ö ka këyuö -nu 'wo bhë 'ö -an -yö -a -bha -pë -nu 'wo bhë 'wo dho -gɔɔ. -Dhe -kë 'dhö, pë 'oo pë 'ka- -dhe n Dë -gɔ n 'tɔ 'gü, -yö -dho -a nu ka -dhë. ¹⁷'Kɛɛ pë 'ö 'a- -dhe ka -gɔ 'ö tɔɔ kö 'ka ka 'ko -nu -dho kë.»

'Kpongtaame -nu -bha Yesu waa- ö -bha mɛ -nu -san zë 'wo- wo

¹⁸'Yö Yesu -ya pö -an -dhë 'zü: «-Ya kë -ne 'kpongtaame -nu -wa ka -san zë kö -yö kë ka 'yaan -ne -wo n -san -zë 'dhiö -be -waan -tun yö -na ka -bha bhë. ¹⁹-Ya kë -ne ka -kë 'kpongtaame -nu 'ka 'pö -be, -wo -dho ka -dho kë, 'ö bhii kö ka -an -mɛ 'ka. 'Kɛɛ 'ma ka 'sü, 'ma ka bho 'kpongtaame -nu ziën; 'kaa 'kpongtaame -nu 'ka gbɔ; pë 'ö- -wun 'gü 'ö 'wo ka -san zë -na 'ö bhë. ²⁰Kë- wo bhë n 'ka- pö ka -dhë 'dhiö -nɛɛ yuökémɛ 'yaa -va ö -gɔmɛ -bha -a? -ɛɛ, 'ö -dhe -wa n 'klo bho bhë, kö -yö kë ka 'yaan -ne -wo -dho ka 'klo bho 'pö. -Ya kë -ne -wa 'wun ma n -ma mɛ -daan' -wo -nu -ta, kö -yö kë ka 'yaan -ne -wo -dho 'wun ma ka -bha -nu -ta 'pö. ²¹'Kɛɛ kë- wo 'dhö bhë, pë -nu 'wo dhoë- kë ka 'ka 'dhö bhë, -wo -dho -a kë kaa n -wun 'gü, 'ö bhii mɛ 'ö n bɔ bhë 'waa- dɔ. ²²-Ya kë -ne n 'ka nu -be kö 'aan- 'wun -bleë' -an -dhë, za -bha -an 'kun -sü gbɛ 'ka 'dho kë -dhö, -an -bha -sɔɔn yaa -nu -wun 'gü. 'Kɛɛ dɔ 'kwa- wo -ne (=wa yën n -wo -nu ma -sü -bha; -ya kë 'dhö,) -a 'slë gbɛ 'ka 'dho kë -an -gɔ gbɔ -an -bha -sɔɔn yaa -nu -wun 'gü. ²³Mɛ 'ö -ya n -san zë, kö -ya n Dë -san zë -ne bhë. ²⁴-Ya kë -ne pë -nu 'a- -kë 'kpædhö, 'ö mɛ gbɛ yaa- kë do kun bhë, n 'ka- kë 'dhö -bezë, za 'ka 'dhö -an kun. 'Kɛɛ -dɛɛ, -an 'yan -ya -da n këyuö -nu 'gü; yö -ga 'ö 'wo ma 'dhö, n Dë 'dhö, yi -san zë -na bhë. ²⁵'Kɛɛ pë -nu 'wo bhë -wo -kë 'dhö kö pë -nu 'wo -ya -sü 'ka -an -bha tɔng 'sëedhe 'gü -an 'dhiö -yaan -mɔ 'kuë. Pë 'ö -bɛɛn' -sü 'ka -ya -pö: -Wo n -san -zë 'kpaan 'ka; -a -gen gbɛ 'yaa 'dhö. »

²⁶'Yö- pö: «Mɛ 'ö dho nu ka -dhë bhë, -yö -dho nu. 'Yö tɔɔ -Zuu 'slööslö 'ö go n Dë 'piö; yö -ne 'ö tɔɔ 'wun gia- -gen 'godhɛ. Ma -ne 'a dho -a bɔ ka

-dhë. 'Kεε -yö -go n Dë 'piö. Yö =ne 'ö dho n -wun =bleε' ka -dhë. 27-Ya kë 'dhö, ka -de 'pö, 'ka n -wun =bleε' me -nu 'wo to -an -dhë, 'ö bhii ka =ne 'ö 'ka -kë n 'piö -a züdüyi 'ka 'ö yöë =dεε -bha.»

16 ¹Yö Yesu -ya pö 'zü: «A- pö ka -dhë 'dhö, -yö kë 'dhö kö =kun 'ka dho ka bo -zo -yö n -ma -sü 'ka. ²Wo -dho ka kë, 'wo ka bho -an ziën wo -bha -bhäkuëkö -nu 'gü. -A -de 'töng 'bhaa 'ka, me -nu -wo -dho ka zë -a pö -sü 'ka wo -de =züö' 'piö =ne -wo -Zlan -dhi -a -dhë -wun kë -na. ³A kë 'wo dhoë- wo 'dhö bhë 'ö tɔɔ waa n Dë dɔ 'iin waa n dɔ. ⁴A pö 'a- wo -na ka -dhë 'dhö bhë 'ö tɔɔ kö yi 'ö -an -bha 'töng dho -lo -a 'ka kö -waan pë -nu kë ka 'ka =ne -kɔ bhë -a 'dhö, kö ka -zo -yaan -büö =ne 'ma- 'to 'dhiö 'ma- =bleε' ka -dhë 'saadhö. 'Wun -nu 'wo bhë -a =bleε' 'ö n 'ka- wo ka -dhë 'dhö -bleεzë 'ka bhë 'ö tɔɔ kö a -tun ka 'piö.»

Yuö 'ö -Zuu 'slööslö dhoë- kë

⁵Yö Yesu -yö dhoë 'dhiö, 'ö- pö -an -dhë: «Kεε -dhe 'ö -kë =ne n 'dho -sü -mü me 'ö n bɔ -a 'piö bhë =ne, 'a 'wun =bleε ka -dhë 'dhö bhë. -A -wun 'gü 'ka -ya diindhö, 'ö me 'yaa -dhö ka ziën kö -yö n =dheε' 'kpɔ =neε: «Ü -dho mεε?» 'ka bhë, ⁶'ö tɔɔ -wεε =ya 'kpɔ ka -ta 'wun -nu 'wo bhë -a -wun 'gü. ⁷Kεε kë- wo 'dhö bhë, a- pö ka -dhë 'wun gia- 'ka =neε: =Yö -së ka -bha 'ka kö 'a 'dho ka 'dhiö, 'yaa 'dhö me 'ö dho nu kö -yaan nu ka -dhë bhë yaa 'dho -lo ka -ta. =Ya kë =ne 'ma 'dho, yö =ne 'a dho -a bɔ ka -dhë. ⁸Yö bhë =ne 'ö =ya nu, 'ö dho -a -zɔn 'kpongtaame -nu -dhë =ne 'wun 'ö -gban =sɔɔn yaa -wun -bha, 'wun 'ö -gban pë 'ö kpengdhö -a -bha, 'wun 'ö -gban -Zlan -bha za 'ö dho -a dɔ -a -bha, -kɔ 'ö- 'ka -an =züö' 'piö bhë 'yaa 'dhö; wo -de -püö 'wo- wo -na bhë. ⁹Wo -de -püö 'wo- wo -na 'wun 'ö -gban =sɔɔn yaa -bha -a -wun 'ka bhë 'ö tɔɔ 'waa n -wun -dhe 'wun gia-. ¹⁰Wo -de -püö 'wo- wo -na 'wun 'ö -gban pë 'ö kpengdhö -a -wun 'ka bhë 'ö tɔɔ n 'dho -sü -mü n Dë 'piö; ka 'ka 'dho n yö gbɔ; ¹¹'iin 'zü, wo -de -püö 'wo- wo -na 'wun 'ö -gban -Zlan -bha za 'ö dho -a kan -a -wun 'ka bhë 'ö tɔɔ 'kpongtaame -nu -kɔɔnme bhë -a -bha za =ya 'kan 'saadhö, -a -gɔ =ya 'toë- 'gü.»

¹²Yö- pö -an -dhë 'zü: «'Wun -yö n -gɔ =va kö 'aan- =bleε'- ka -dhë; 'kεε 'ma -dhe -ga -a 'gü -së 'ka, -an 'plε 'ka 'dho to ka 'toë-, dɔ 'kwa- wo =ne -a 'gü. ¹³Zuu 'ö 'wun gia- -go -a 'gü -me 'ka bhë =ya nu, yö =ne 'ö dho yö ka -dhë 'dhiö 'wun gia- -zian -ta. Yö =ne =ya nu, 'ö pë -nu 'ö- ma 'iin pë -nu 'wo dho kë, 'ö dho -an 'plε =bleε' ka -dhë. 'Kεε kë- wo 'dhö bhë, yaa 'dho kë yö -de 'sloo -a -de -ta -wun 'ka. ¹⁴Yö -dho n 'tɔ kë =va, 'ö tɔɔ ma =ne 'a dho n -wo -nu -lo -a kwεε kö -yaan nu -yaan =bleε'- ka -dhë. ¹⁵Pë 'saadhö 'ö n Dë -bha 'ka, kö ma pë -mü. Pë 'ö -kë 'a- pö -Zuu 'slööslö 'ö bhë a -dho n -wo -nu -lo -a kwεε kö -yaan nu -yaan =bleε'- ka -dhë 'ö bhë.»

'Yena -wun -bha -gla =zuögludhi -wun 'gü -kɔ 'ö dho kë

¹⁶Yö- pö -an -dhë 'zü: «'Töng 'ö n -gɔ ka 'piö zö bhë 'yaa =va gbɔ; n -go ka 'yan 'dhiö -sü -mü kö 'aan- 'dho; 'ö =ya 'go mü, -a -dhe yaa 'dhö =glɔɔ 'ö 'ka -kpën n -ma 'zü.»

17=Dhe -ya kè 'dhö, 'yö- -bha -guë' -nu 'bhaa -nu -wo yö -a pö -sü -bha wo 'ko ziën -næ: «-Wo -nu 'ö- -bleë 'saadhö -næ <töng 'ö n -gɔ ka 'piö zö bhë yaa -va gbɔ; n -go ka 'yan 'dhiö -sü -mü kö 'aan- 'dho, 'ö -ya 'go mü, -a -dhe 'ka 'dho -glɔɔ 'ö 'ka -kpën n -ma 'zü, 'ö- 'bhaa -nu -wo -kë <'ö tɔɔ n 'dho -sü -mü n Dè 'piö' wo bhë 'saadhö, -an -gen tɔɔ -më, 'kwa dɔa -næ? 18-'Töng 'yaa -va gbɔ» -de 'kö- pö -na -næ -a -gen tɔɔ -më poo -ee? Pë -nu 'ö- pö -na 'saadhö bhë, 'kwa- -gen ma 'sa!»

19=Dhe Yesu -yaa- -dhe yö -næ -wa 'piö 'wo -dhækpɔdhe kè ö -gɔ, 'ö- pö -an -dhë: «A- -pö ka -dhë: 'Töng 'ö n -gɔ ka 'piö zö bhë 'yaa -va gbɔ; n 'go -sü -mü ka 'yan 'dhiö kö 'aan- 'dho, -ya 'go mü, -a -dhe yaa 'dhö -glɔɔ 'ö 'ka -kpën n -ma 'zü; 'wun bhë 'pö 'ka- -ta -dhe' kpɔ ka 'ko -nu -gɔ bhë ee? 20 A- -pö ka -dhë 'wun gia- 'ka: Ka -dho 'gbo -nu bɔ 'yenazë 'ka; 'kæ 'kpongtaame -nu -zuö' 'glu -dho dhi. Ka -dho kè 'yenazë 'dhö, 'kæ ka -bha 'yena -wun bhë -yö -dho gla -zuögludhi -wun 'gü. 21-Ka -dhe -ga 'dhe! 'Wun bhë -a -tei' =ga -næ: Koyiga -ya dhebɔ 'kun, -a -zuö' -yö -kaan 'kuë; 'ö tɔɔ 'töng 'ö- 'yënnng dho bhɔa bhë -ya -lo. 'Kæ -ya yën 'bë bho -sü -bha, 'ö- -zlö -yö -trö 'yënnghɔdhe bhë -a 'ka, 'ö tɔɔ -a -zuö' 'glu -ya dhi mæ 'bhee- 'ö- -da 'kpongtaa bhë -a -wun 'gü. 22-Kɔ do gia- bhë 'ö- 'ka 'pö -dæ. 'Ö tɔɔ ka -de 'pö ka -zuö' -ya -kaan' 'kuë. 'Kæ a -dho yɛ n 'zü. -Yö n 'gü -næ -a yi bhë -a 'ka, ka -zuö' 'glu -dho dhi; mæ gbɛ -kɔ 'ka 'dho -mɔa kö -zuögludhi 'ö dho kè ka -gɔ bhë, -ya 'kun ka -gɔ.

23 Yi bhë -ya kè -næ -ya -lo, -dhækpɔdhe gbɛ 'ka 'dho kè -dhö 'wun gbɛ -wun 'gü gbɔ. A- -pö ka -dhë 'wun gia- 'ka: Pë 'oo pë 'ka- -dhe n Dè -gɔ n 'tɔ 'gü, -yö -dho -a nu ka -dhë. 24'Ö yö -dæ -bha, kaa pë gbɛ -dhe n Dè -gɔ do n 'tɔ 'gü -kun. -Ka pë -gba -dhe 'dhe! Ka -dho -a yö; -ya kè 'dhö ka -bha -zuögludhi -dho -mɔ 'kuë.»

Yesu -bha -to -a 'gbee- 'ka -sü 'ö 'kpongtaadhe -ta

25'Ö Yesu -ya pö -an -dhë 'zü: «'Wun -nu 'a- -bleë ka -dhë 'saadhö bhë, a -an -kë 'dhö 'wun -zuan' 'ka. 'Kæ -a 'töng -yö nu -na 'ö n 'ka 'dho 'wun -zuan' -zɔn ka -dhë, 'wun -bleë ka -dhë -sü 'ka; -a yi bhë -a 'ka, 'wun -nu 'wo -gban n Dè -bha, a -dho -an -bleë' -ka -dhë 'puu 'ka. 26 Yi bhë -ya kè -næ -ya -lo, ka -dho pë -nu -dhe n Dè -gɔ n 'tɔ 'gü; n -ma -wun 'ka 'dho kè -a -bha -dewo kö 'a -bheä' -a -dhë 'zü pë 'ka- -dhe bhë -a -wun 'gü kö -yaan -tun -a nu -na ka -dhë, 27'Ö tɔɔ n Dè -de gia- -yö ka -dho -kë. Ka -dho -ya -kë, 'ö tɔɔ n -dho -yö ka -kë, 'ö 'ka- -dhe 'wun gia- -næ a -go -Zlan 'piö. 28 A -go n Dè 'piö, 'a nu 'kpongtaa zö. 'Kæ a 'go -na 'kpongtaa, a 'dho -na n Dè 'piö.»

29=Dhe -ya kè 'dhö, 'ö- -bha -guë' -nu -wa pö -a -dhë: «=Nnn'-, 'wun -ga 'ü- -bleë' -na 'puu 'ka bhë. -A me bhë 'yaa 'wun -zuan' 'ka. 30 Dɔ 'kwa- wo -næ, -ya kè yi 'yaan 'sabra -næ ü pë 'plɛ -dɔ, 'ö ü -bha -wun 'yaa- -bha kö 'yi ü -dheë' 'kpɔ 'zü 'wun 'bhaa -wun 'ka. -A -wun 'gü, yi- -dhe 'wun gia- -næ ü -go -Zlan 'piö 'ü nu.»

³¹Ö Yesu -ya -daa -kë -an -gɔ -nɛɛ: «Ka -wun -dhe 'wun gia- 'sabla -a? ³²Ao'; 'kɛɛ -a yi -yö nu -na, 'ö- -de =ya -lo 'saadhö, 'ö 'ka dho kan n -zü, mɛ 'ö -dhö, -yaan 'dho ö -plöö kö 'kaan- n 'to 'sloo 'ka. 'Kɛɛ kë- wo 'dhö bhë, 'maa n 'sloo 'ka, 'wun gia- 'ka, bhii n Dë -yö n 'piö. ³³Pë -nu 'wo bhë, a- -pö ka -dhë 'dhö 'saadhö -yö kë 'dhö kö ka -bha -klu n -ma -sü 'gü, -zuöyagluu -yaan kë ka -gɔ. Ka 'yënnng -dho bho 'kpongtaa zö. 'Kɛɛ -ka ka 'gü dɔ 'gbee-! 'Ma 'to -a 'gbee- 'ka -gludë 'ö 'kpongtaa zö bhë -a -ta.»

Yesu -bha -bhea ö -bha -guë' -nu -wun 'gü -sü

17 ¹Dhe =ya 'wun =blɛɛ' -an -dhë 'dhö, 'ö -dhe -ga dhang- 'gü =zian', 'ö- pö: «N Dë, 'töng 'ü- -ya bhë =ya -lo. -Bhö 'tɔbhɔdhe nu ü Gbö -dhë kö ü Gbö -yaan 'tɔbhɔdhe nu ü -dhë 'pö. ²Bhii 'bha -kɔ -mɔ 'wuën- sü nu -a -dhë mɛ 'kɛkɛɛ -ta, -yö kë 'dhö kö mɛ -nu 'ü -an nu -a -dhë 'saadhö bhë -yaan =toëpö -këdhösü nu -an -dhë. ³Toëpö -këdhösü 'ö bhë 'ö tɔɔ kö -waan ü dɔ, bhi 'ü -Zlan dosen 'ö giagia 'ka bhë 'iin kö Yesu Klito 'ü- bɔ bhë -waan -a dɔ 'pö. ⁴'Ma- kë, ü 'tɔ =ya bho 'kpongtaa. Yuö 'ü- dɔ n kwɛɛ kö 'aan- kë bhë =ya yën. ⁵'Kɛɛ n Dë, 'tɔbhɔdhe 'ö -kë n -gɔ ü 'piö 'ma kö 'kpongtaadhe -de yaa kë -kun bhë, -a nu n -dhë ü wö 'dhiö zö.

⁶Mɛ -nu 'ü -an bho 'kpongtaa 'ü -an nu n -dhë bhë, 'ma- kë =wa ü dɔ. -Wo -kë ü -bha 'ka -be; 'ö -dhe 'bha -an nu n -dhë bhë, =wa ü -wo -nu -bhlë -ya. ⁷Ya kë -an 'yaan =nɛ pë -nu 'ü- nu n -dhë 'saadhö bhë -yö -go ü 'piö, ⁸bhii -wo -nu 'ü- 'kluën bho n -ma -an -bha 'ka bhë, -a 'plɛ =ya -lo -an -ta; 'yö =wa wo -kɔ 'kpɔ -a -gɔ. =Dhe -kë 'dhö -waa- yö 'wun gia- 'ka =nɛ a -go ü 'piö, bhi =nɛ 'ü n bɔ.

⁹A -bhea ü -dhë -an -wun 'gü. N 'ka- pö 'kpongtaame -nu. A- -pö mɛ -nu 'ü -an nu n -dhë bhë, bhii -wo ü -bha 'ka. ¹⁰Pë -nu 'wo n -gɔ 'saadhö, -wo ü -bha 'ka; 'ö pë -nu 'wo ü -gɔ 'pö 'saadhö, 'wo n -ma 'ka. 'Go mü 'ö n -ma 'tɔbhɔdhe -yö bɔ -an 'gü. ¹¹'Maa 'kpongtaa zö gbɔ, 'kɛɛ wo -zë, -wo -tun zö. A nu -na ü 'piö 'ma. =Dhe 'ö 'dhö, n Dë 'slöösLö, ü -zo kë -an 'piö, ü 'tɔ 'piigbeezë bhë -a 'ka, -yö kë 'dhö kö -waan kë do =nɛ -kɔ 'ö 'ko- 'ka do bhë -a 'dhö. ¹²=Dhe 'a -tun -an 'piö, 'tɔ 'ü- nu n -dhë bhë =nɛ 'a n -zo -kë -an 'piö -a -bha 'piigbeedhe 'ka. A n -zo -kë -an 'piö, 'ö -an mɛ gbe yaa -dhɔng, -a 'ke yaa kë mɛ 'ö dho kë dhɔng -mɛ 'ka bhë -a 'ka, =nɛ -kɔ 'ö pë 'ö =bɛɛn' -sü 'ka -Zlan -bha 'sëédhe 'gü 'ö- pöë bhë -a 'dhö. ¹³'Kɛɛ a nu -na ü 'piö 'ma. 'Wun -nu 'wo =nɛ a -an -blɛɛ 'dhö -dhe -kë =nɛ a -tun 'kpongtaa zö bhë, -yö kë 'dhö kö ma =zuögludhi 'ö 'fɛfɛdhö bhë -yö kë -an -gɔ. ¹⁴-Wo -nu 'ü- 'kluën bho n -ma bhë =nɛ 'a- -lo -an kwɛɛ. Yö =ga 'ö 'kpongtaame -nu 'dhö -an -san zë -na bhë, bhii -dhe 'ö =wa wo -kɔ 'kpɔ -a -gɔ bhë, 'waa 'kpongtaadhe -bha 'ka gbɔ =nɛ -kɔ do 'a- 'ka bhë -a 'dhö. ¹⁵A -bhea ü -dhë. N 'ka- pö 'ü -an -bho 'kpongtaame -nu ziën, 'kɛɛ a- -pö 'ü -an -maa kë dü -gɔ. ¹⁶'Waa 'kpongtaadhe -bha 'ka =nɛ -kɔ gia- 'ö 'maa- 'ka 'kpongtaadhe -bha 'ka bhë -a 'dhö. ¹⁷-Bhöë kë kö -wo kë ü -bha 'ka 'ö 'plɛ 'ka, ü -wo 'ö

'wun gia- 'ka bhë -a 'ka. 18'Ma -an bɔ 'kpongtaame -nu ziën -ne -kɔ 'ò 'ü n bɔa 'kpongtaa bhë -a 'dhö. 19'Ma n -de nu ü -dhë n 'plë 'ka (kö pë 'ö -dhi ü -dhë 'ü- kë n 'ka), -an -bha 'wun -së -wun 'gü, -yö kë 'dhö kö wo -zë -wo -ya -de -ta.

20'Bhëa' 'a- wo -na -nɛɛ, 'yaa wo do 'sloo -an -wun 'gü; a -bhëa mɛ -nu 'ò 'wo dho n -wun -dhë 'wun gia-, -an 'wun -blëe' -wo -bha bhë -an -wun 'gü 'pö. 21'A -bhëa kö wo 'saadhö -wo kë mɛ -lü do 'ka. N Dë, -bhöë kë kö -wo kpa kwa -bha, 'kwa kë -ne mɛ -lü do 'dhö -ne -kɔ 'ü- 'ka -ya -sü 'ka n 'gü, 'ö ma -de 'pö 'a- 'ka ü 'gü bhë -a 'dhö. -Wo kë do kö 'kpongtaame -nu -waan -a -dhë 'wun gia- -ne bhi -ne 'ü n bɔ. 22'Tɔbhodhe 'ü- nu n -dhë bhë, 'ma- nu -an -dhë -yö kë 'dhö kö -waan kë do -ne -kɔ 'ö bhi 'dhö, ma 'dhö, 'ko- 'ka bhë -a 'dhö. 23'Ö bhii a -ya -sü 'ka -an 'gü, 'ö bhi -de 'pö, ü -ya -sü 'ka n 'gü kö -waan kë mɛ -lü do 'ka 'iin kö 'kpongtaame -nu -waan -a yö -an -gɔ -ne bhi -ne 'ü n bɔ 'ö 'ü -an -dhɔ -kë -ne -kɔ 'ö 'ü n -dhɔ -kaa' bhë -a dhö.

24'N Dë, 'bha -an nu n -dhë. -Yö 'dhö, 'kɛɛ a- 'piö kö -dhë 'a dho -da -a -bha bhë, -wo -da mü, kö 'tɔbhodhe 'ü- nu n -dhë bhë -waan -a -dhë yö, 'ö tɔɔ ü n -dhɔ -kë -a -de kö 'kpongtaadhe yaa kë -kun. 25'N Dë, bhi 'ü kpengdhö, 'kpongtaame -nu 'waa ü dɔ; 'kɛɛ ma -zë, a ü -dɔ. 'Go mü mɛ -nu 'ü- nu n -dhë, 'ö 'wo -ne bhë, -wa -tei' -dɔ -ne bhi -ne 'ü n bɔ. 26'Ma- kë =wa ü dɔ 'ö 'a dho dhoë 'dhiö, -yö kë 'dhö kö -dhɔ 'ö ü -gɔ n buëndhö bhë, -yö kë -an 'gü 'iin kö ma -de gia- 'aan- -ya -an 'gü.»

'Wun 'ö -gban Yesu 'kun -sü -bha

(Matiö 26.47-56; Maakö 14.43-50; Lukö 22.47-53)

18 1=Dhe Yesu =ya 'wun =blëe' -'dhö, yö 'dhö, ö -bha -guë' -nu 'dhö, -wo -ziö 'wo dho 'yiga 'wo- -dhe Sedron bhë -a -zlöö -zian'. 'Lüdhɛɛdhe do -yö -kë 'ma ('ö =ya kë 'ö mɛ -nu -wo dho wo 'tɛɛ pa -dhia -a 'gü). -Dhe bhë -ne 'ö Yesu waa- ö -bha -guë' -nu 'wo dho -a -bha. 2'Yesu -bha -guë' -nu 'wo bhë -a mɛ 'wo- -dhe Zuda, 'ö yö -ne 'ö Yesu 'dhɔɔ dɔ bhë, -dhe bhë -ya -dɔ 'pö, 'ö tɔɔ 'dhiö =zian', waa- Yesu -nu =ya kë -wo -dho mü -kplawo wo 'kuë. 3'Yö Zuda -yö dho 'lüdhɛɛdhe bhë -a -bha, yö 'dhö, 'dhasi -nu 'dhö, waa- -dhe -maakëme -nu 'ö slabhomɛ -gɔmɛ -nu waa- Falizi -mɛ -nu -wa yö -an 'piö bhë -nu, 'wo dho. 'Gbia -nu, -labang -nu, -piö -nu, -wo -kë -an kwɛɛ 'wo dhoë. 4'Kë- wo 'dhö bhë, pë -nu bhë Yesu -yö -an 'plë -naa -dɔ. =Dhe =ya kë 'dhö, 'ö =yɔɔn -an -bha, 'ö -an -dhɛɛ' kɔɔ -nɛɛ: «Dö 'pö 'ka- =mɛɛ' -na bhë -ɛ?» 5'Wo- -da -kë -a -gɔ, 'wo- pö: «Nazaletë mi 'wo- -dhe Yesu bhë 'yi- =mɛɛ' -na bhë.»

'Ö Yesu -ya pö -an -dhë: «Ma =ga 'a =nɛ!»

Zuda 'ö- 'dhɔɔ dɔ bhë, -yö -kë mɛ 'wo nu bhë -an 'piö mü 'pö. 6=Dhe Yesu -ya pö -an -dhë «ma =ga 'a =nɛ,» 'yö 'wo bhɔ wo züë 'ö 'wo -püö sia-. 7'Ö Yesu -yö -an -dhɛɛ' kɔɔ 'zü -dëüwo -nɛɛ: «Dö 'pö 'ka- =mɛɛ' -na bhë?»

'Wo- pö: «Nazaletë mi 'wo- -dhe Yesu.»

⁸Ö Yesu -ya pö -an -dhë: «'Ma- pö ka -dhë 'saadhö -ne ma -mü. =Eε, 'ö -ya kē -ne ma 'ka n -mεε' -na bhë kö -ka ka -kwaa'- mε -nu 'wo to -ne -an -zü -wo 'dho.»

⁹'Wun -blεε' -kɔ -suu' -bhë, Yesu -ya -wo 'dhö -yö kē 'dhö -a -de -wo 'ö- pö 'dhiö 'ö -kë: «N Dë, mε -nu 'ü- nu n -dhë bhë, n 'ka n -kwaa'- -an -zü -an mε do -de 'gü yaa -siö'» 'ka bhë, kö -a 'dhiö -yaan -mɔ 'kuë. -Kɔ bhë -ne 'ö =kaa', 'ö -Zlan 'dhi -wo pö -wo bhë 'ö- -wun 'dhiö -yö -mɔ -a 'ka 'kuë. ¹⁰=Dhe 'ö 'wun -nu bhë 'wo kē -na 'dhö, -blaan do -yö -kë Simɔ Pieε -gɔ. =Dhe -ya kē 'dhö, 'ö- -gan; -a -zuö 'ö- wo bhë 'ö slabhome -va -bha yuökême 'wo- -dhe Maakisö bhë 'ö -a -kwεε- 'gü 'tonëga 'kan 'wa 'dödhö. ¹¹=Dhe -ya kē 'dhö, 'ö Yesu -ya pö Pieε -dhë: «-Bhö ü -bha -blaan -da ö -kloo 'gü. -Yö ü -zo 'piö -ne 'yënnghodhe 'yi -kɔɔ 'ö n Dë -ya nu n -dhë bhë n 'ka 'dhoë- mü =a?»

-Wo -dho Yesu 'ka Anë 'dhiö

¹²=Dhe -ya kē 'dhö, 'yö 'dhasi -nu 'wo nu bhë waa- wo -gɔmε 'dhö, 'yan -kë -dhe -bha -mε -nu 'wo bhë 'dhö, wo 'plε 'wo -lo Yesu -bha, 'wo- -lö -bhüö 'ka. ¹³'Wo dho -a 'ka Anë -gɔ kɔɔ -blεεzë 'ka. Anë bhë, Kaifö 'ö -kë slabhome =va 'ka -kwε bhë -a 'ka bhë -a bɔɔ dë -mü. ¹⁴Yö Kaifö bhë, yö -de 'pö, kē- wo 'dhiö bhë, yö -ne 'ö- pö Zuifö -nu -gɔmε -nu -dhë -nεε: «-Yö -së kö mε do -yö ga 'ö -zië' 'segɔ -todhösü 'gü -mε -nu -siö' -sü -ta.»

Pieε -bha -kploo 'ö- wo Yesu 'ka

(Matiö 26.69-70; Maakö 14.66-68; Lukö 22.55-57)

¹⁵=Dhe 'wo 'dho -na Yesu 'ka, Simɔ Pieε waa- =guë' -nu 'wo bhë -a mε do -wo -to -an 'piö. Mε 'ö waa- Pieε 'wo to wo 'ko 'piö 'wo dho bhë, slabhome =va -ya -dɔ. Pë -kë 'ö -dhe 'wo -da -na Yesu 'ka 'kwεandhö mü, 'ö yö -de 'pö 'ö -da kɔɔ 'ö bhë. ¹⁶'Kεε Pieε -yö -to plaan 'kɔ 'dhiö; 'ö =guë' mε 'ö -da kɔɔ -sia bhë, 'ö dho 'yan -to 'kɔdhi -bha -dhe 'ö -kë mü -a 'piö plaan, 'ö 'wun -blεε -a -dhë, 'ö -da Pieε 'ka 'kwεandhö mü. ¹⁷Yö dhebɔ bhë 'yö Pieε -dheε' kɔɔ =woë' -nεε: «Bhi -de 'pö, gɔɔn- -ne -a -bha -guë' -nu bhë -an do kun ü 'ka a?» 'Ö Pieε -ya pö -a -dhë: «-Abi', 'maa- 'piö.»

¹⁸=Dhe 'ö 'nene 'dhö kē -na 'gbee-, 'ö yuökême -nu waa- 'kɔdhi -maakême -nu -wo 'siö 'gba -da 'ö wo 'plε 'wo dho -a -maa 'nene bho -dhia. Pieε -yö -kë -an 'piö mü 'pö 'nene bho -dhia.

Slabhome =va -bha Yesu -dheε' 'kɔɔ 'ö- wo

(Matiö 26.59-66; Maakö 14.55-64; Lukö 22.66-71)

¹⁹=Dhe -ya kē 'dhö, 'ö Anë 'ö -kë slabhome =va zii 'ka bhë, 'yö Yesu -dheε' kɔɔ -a -bha =guë' -nu -wun waa- -a -bha mε =daan' -wo -nu 'ka. ²⁰'Ö Yesu -ya pö -a -dhë: «A 'wun -blεε 'dhëédhe -nu 'gü mε 'plε -dhë; -dhe -nu -ya kē

'ö Zuifö -wo dho -a -bha 'kuëdhö =ne -Zlan -gba -a 'gü -kɔ 'iin -bhɔkuëkɔ -nu 'gü -dhe -nu 'dhö bhë =ne =ya kë 'a 'wun -nu =blee -an -bha. N 'ka 'wun gbe =blee' -bin -bliü. ²¹Ya kë 'dhö, -më -wun ü -dhee' -gban n -ma 'gbödhö =ee? Me -nu 'wo wo 'to to n -wo -nu -bha bhë -an -dhee' 'kpɔ 'dhe! 'Wun -nu 'a -blee, -wa -dɔ -së 'ka.»

²²Yö -to 'wun =blee' -dhia 'ö 'yan -to 'kɔdhi -bha -me do -ya -gɔ -ma 'wa 'gböüdhö, -a -kë 'fefe -sü 'ka, 'ö- pö: «'Wun -daa kë -kɔ =suu' -bhë ü- -wo 'dhö =dhë slabhome =va -gɔ =ee?»

²³Ö Yesu -ya pö -a -dhë: «-Wo -mlë 'ö 'wun -daa kë -kɔ yaa 'ka mü ii? -A -zɔn n -dhë, 'yaa 'dhö kö ü n -gɔ -ma 'kpaan?»

²⁴'Wun bhë -a -gɔ yaa kë -dhö gɔɔ, 'ö Anë -ya to -lö -sü 'ka 'dhö 'ö- bɔ Kaifö 'ö -kë slabhome =va 'ka -kwe bhë -a 'ka bhë -a -dhë.

Pië -bha -kploo -ple 'ö- wo 'zü

(Matiö 26.71-75; Maakö 14.69-72; Lukö 22.58-62)

²⁵=Dhe pë -nu bhë 'wo kë -na 'dhö, kö Pië -yö 'nene bho =dhia. 'Wo -dhee' kpɔ =nee: «Bhi -de 'pö 'bhaa gɔɔn- =ne -a -bha =guë' -nu do 'ka a?»
'ö Pië -yö =kploo =woë' =nee: «-Abi', 'maa- 'piö.»

²⁶Gɔɔn- do -yö -kë mü, 'ö -kë slabhome =va -bha yuökëme do 'ka. Yö =ne 'ö Pië -ya dheglu 'tonëga 'klu -kan bhë. 'Yö Pië =dhee' kpɔ =nee: «Kaa- gɔɔn- bhë ka -nu kaa kë ka 'ko 'piö 'lüdhëdhö; 'yaa 'dhö a?»

²⁷Yö Pië -ya -daa -kë -a -gɔ 'zü =nee: «'Wun gia- 'yaa -mü.» -Dhe do bhë 'wo to -a -bha 'ö -tɔ gɔn -yö -we.

'Dho 'wo- wo Yesu 'ka Pilatö 'dhiö

(Matiö 27.1-2, 11-14; Maakö 15.1-5; Lukö 23.1-5)

²⁸=Dhe =ya kë 'dhö, 'wo go Yesu 'ka Kaifö -gɔ kɔɔ, 'wo dho -a 'ka 'se -kɔɔnme 'ö Wlɔmë -me -nu -wa -ya 'sego 'ö bhë -a -ta bhë -a -gɔ 'kweandhö. =Dhe 'wun -nu bhë 'wo kë -na 'dhö, kö 'kwa dɔ -dhiadhio tii 'gü. -A -kë 'dhö -sü 'ka, Zuifö -gɔme -nu waa -da -a 'ka Pilatö -gɔ kɔɔ mü 'ö bhii kö =wa wo -de kë -dhiizë -be wo -bha wɔ -kɔ 'gü -Zlan wö 'dhiö; kö wo 'ka 'dho Paakö 'wlaan- -bhöpë -bhö =ne bhë. ²⁹Ö- -wun 'gü, 'ö 'se =kɔɔnme Pilatö -yö yö plaan, 'ö dho -an -gɔ zian-, 'ö -an =dhee' kpɔ =nee: «-Më -wun 'ö 'ka- dɔ gɔɔn- =ne -a -bha -e?»

³⁰'Wo- -daa -kë -a -gɔ 'wo- pö: «Yaa kë këpëyaame 'ka -bezë, yi 'ka 'dho nuë ü -dhia.»

³¹Ö Pilatö -ya pö -an -dhë: «Ka -de gia- ka dhoë, 'ka- -wun =blee' -ne -kɔ 'ö ka -bha tɔng -nu 'dhoë- 'ka bhë -a 'dhö.» 'ö Zuifö -nu -gɔme -nu -wa pö -a -dhë: «Tɔng yaa- pö yi -dhë 'yi me zë.»

³²Kë- wo 'dhiö =zian' bhë, Yesu -yö 'wun -gban ö -bha ga -kɔ -bha 'ö- =blee; yö =ne 'ö -de 'dhoë- kë bhë. ³³Yö Pilatö -yö -sɔ kɔɔ, 'ö Yesu =dhɔɔ -kë, 'ö- =dhee' kpɔ =nee: «Ü Zuifö -nu -bha -gludë 'ka a?»

34'Ö Yesu -ya -daa -kë 'ö- pö: «-A pö 'ü- wo 'dhö bhë ü -zo 'pö 'ü- -ta 'wun bhë -a 'gü yö -mü 'iin ü- -pö -ne -kɔ 'wo- =blɛɛ -a 'ka ü -dhë -a 'dhö ee?»

35'Ö Pilatö -ya -daa -kë 'ö- pö: «'Maa Zuifö 'ka; bhi gia- ü- -yö; 'kɛɛ ü -sɛgüme -nu waa- slabhome -gɔmɛ -nu -wo nu ü 'ka 'wo ü dɔ n kwɛɛ 'sa; -ya kë 'dhö kö -më 'ü- -kë -ɛɛ?»

36'Ö Yesu -ya -daa -kë 'ö- pö: «Ma -gludëdhe yaa 'go 'kpongtaa zö. =Ya kë -ne ma -gludëdhe -yö -go 'kpongtaa zö -bezë, ma yuökëmɛ -nu -wo -dho 'ko -zë -be mɛ -nu 'wo nu kö -waan n 'kun bhë -an 'ka, kö -kun 'wo dho n dɔ 'sɛ =kɔɔnmɛ -nu kwɛɛ. 'Kɛɛ -abi', ma -gludëdhe yaa 'go 'kpongtaa zö.»

37'Ö Pilatö -ya =dheɛ' kpɔ =woë' -nɛɛ: «=Ya kë 'dhö kö -gludë -mü ü 'ka a?» 'Ö Yesu -ya pö: «=Ii-, -gludë -mü n 'ka. A -bhɔ 'a nu 'kpongtaa zö kö 'aan- 'wun gia- 'gü -wun =blɛɛ'- mɛ -nu -dhë. Mɛ 'ö 'ta sü 'wun gia- 'gü, -yö ö 'to -kë n -wo -bha.» 38'Yö Pilatö -ya pö: «=Më tɔɔ 'wun gia- 'gbödhö =e?»

Ga -za -bha -lo 'ö- wo Yesu tuö

(Matiö 27.15-31; Maakö 15.6-20; Lukö 23.13-25)

=Dhe Pilatö waa- Yesu =wa 'dɔɔ 'bhle dɔ 'dhö, 'ö Pilatö -yö yö plaan Zuifö -nu 'piö, 'ö- pö -an -dhë: «'Maa 'wun 'ö dho kë ga -za -lo gɔɔn- 'ö =ne -a tuö -gen 'ka -a yö -na. 39'Kɛɛ =dhe -kë =ne -kwe 'saadhö 'ka, ka- -dhe n -gɔ kö 'a mɛ do bho -kanso 'gü ka -dhë ka -bha Paakö 'wlaan- -yi 'ka bhë, ka- 'piö kö Zuifö -nu -bha -gludë bhë 'a n =kwa' -a -zü ka -dhë -a?»

40=Aa', 'wo yö =gblaa 'gbla -sü -bha =nɛɛ: «=-Abi', -abi', 'yiëë- 'piö! -Bhö Balaba -zë bho mü yi -dhë!» Balaba 'ö bhë, kë- wo bhë, -yö -kë këpëyaame 'ka.

19 1=Dhe =ya kë 'dhö, 'ö Pilatö -ya pö 'dhasi -nu -dhë -wo 'dho Yesu 'ka, -wa -ma -klaa 'ka. 2'Yö 'dhasi -nu -wo 'ginng 'gɔ =gblaa' -pë -kë 'wo- -ya Yesu tuö; 'wo gblang nuɛazë do sü 'wo- -da -a -bha (-gludëdhe -kwa). 3=Dhe =waa- kë 'dhö, 'wo =yɔɔn -a -bha 'wo- pö -a -dhë: «Zuifö -nu -bha -gludë, 'bha =büee!» =Waa- kë 'dhö, =waa- kë 'dhö, 'wo- -gɔ -ma.

4'Ö Pilatö -yö yö plaan 'zü -dëüwo, 'ö- pö mɛ gbung 'wo -kë mü bhë -an -dhë: «=-Ka ka 'to 'to, a 'dhoë- nuë ka -dhia plaan zö kö ka -de 'kaan- yö =ne 'maa za -lo -a tuö -gen yö -na kö -yaan kë -a zë -gen 'ka bhoo-!»

5'Wo nu Yesu 'ka -an 'dhiö mü; 'gɔ =gblaa' -yö -kë -a tuö, sɔ nuɛazë -yö -kë -a -bha. 'Ö Pilatö -ya pö -an -dhë: «Yö =ga =nɛ! -Kaa -ga bhë 'dhe!»

6'Yö =dhe slabhome -nu -gɔmɛ -nu waa- 'yan -to 'kɔdhi -bha -mɛ -nu =waa- yö, 'wo yö =gblaa 'gbla -sü -bha =woë' -nɛɛ: «=-A dɔ -gaatalü -bha! -A dɔ -gaatalü -bha!»

'Ö Pilatö -ya pö -an -dhë: «=ɛɛ, ka gia- -kaa 'kun, 'ka dhoë, 'ka- dɔ -gaatalü -bha, 'ö bhii ma -zë 'maa- zë -gen yö -na.»

7'Yö Zuifö -nu -wa pö -a -dhë: «Tɔng do -yö yi -gɔ 'ö =yaa- -lö 'gü; yö =ne 'ö tɔɔ -a zë -gen; 'ö bhii -ya pö yö =ne 'ö tɔɔ -Zlan Gbö.»

⁸-Dhe -wo bhë Pilatö =yaa- ma, 'ö 'suö -yö -kan -a 'gluu. ⁹'Yö -da kɔɔ 'ö Yesu -dhe' kpɔ =nɛɛ: «Ü -go 'më 'ü nu -ii?»

'Kɛɛ Yesu yaa -daa gbɛ kɛ -a -gɔ. ¹⁰'Ö Pilatö -ya pö -a -dhë: «Ü 'ka 'dho we n =woë' -a? 'Kɛɛ -yö kɛ 'ü 'yaan =nɛ ma do =nɛ, -dhe 'ü dɔ -a -bha zlöö =nɛ 'a -mɔ -a -bha kö 'a -potaasü nu 'ü -dhë 'iin 'a- pö mɛ -nu -dhë -wo 'ü dɔ -gaatalü -bha.»

¹¹'Ö Yesu -ya pö -a -dhë: «Ü -kɔ 'yaa -mɔ pɛ gbɛ -bha -a 'ke yaa kɛ 'wun -nu 'ö -Zlan -yö -an -wun -lo 'ü kwɛɛ -an 'ka. Pɛ 'ö -kɛ 'ö mɛ 'ö n dɔ 'ü kwɛɛ bhë 'ö za -bha -lo -a tuö -sü bhë 'ö -ziö 'ü -bha -ta 'ö bhë.»

¹²-Dhe Yesu -yö 'wun =blɛɛ 'dhö zlöö, Pilatö -yö -kɛ -a 'slë =mɛɛ' =dhia zlöö kö -yaan -potaasü nu Yesu -dhë. 'Kɛɛ =dhe =ya 'dho Zuifö -nu 'dhiö 'zü 'wun do bhë -a 'ka 'yö 'wo yö =gblaa 'gbla -sü -bha =woë' =nɛɛ: «=Ya kɛ =nɛ mɛ bhë 'bha 'ü =kwaä' -a -zü, kö 'bhaa -gludë =va 'bhamɛ 'ka gbɔ! 'Ö bhii mɛ 'oo mɛ 'ö- pö ö -gludë 'ka kö =ya kɛ -gludë =va 'ö Wlɔmë bhë -a yaagü mɛ 'ka =nɛ bhë!»

¹³-Dhe Pilatö =ya -wo -nu bhë -an ma 'dhö, 'ö- pö -wo nu Yesu 'ka 'dhëdhö. 'Ö yö -zë 'ö =yaannu zakanmɛ -bha -gbloo 'gü. -Dhe bhë -wa -dhe Eblö -wo 'gü «Gabata». ¹⁴-Yö -kɛ Paakö -waamayi 'ka, kö lan- =ya dɔ mɛ -gɔ ziën. 'Yö Pilatö -ya pö Zuifö -nu -dhë: «Ka -bha -gludë bhë =ga =nɛ!»

¹⁵'Yö 'wo yö =gblaa 'gbla -sü -bha 'zü =woë' =nɛɛ: «-A zë! -A zë! -A dɔ -gaatalü -bha!»

'Yö Pilatö -yö -an -dhe' kpɔ =nɛɛ: «Ka- 'piö kö 'a ka -bha -gludë dɔ -gaatalü -bha -a?»

'Ö slabhome -nu -gɔmɛ -nu -wa -daa -kɛ -a -gɔ =nɛɛ: «=Ya 'kan -gludë =va 'ö Wlɔmë -a -bha, -gludë gbɛ 'yaa yi -gɔ.»

¹⁶-Dhe =ya kɛ 'dhö, 'ö Pilatö -yö Yesu dɔ -an kwɛɛ kö -wo 'dho -a 'ka, -wa dɔ -gaatalü -bha.

Yesu -dɔ -gaatalü -bha -sü

(Matiö 27.32-44; Maakö 15.21-32; Lukö 23.26-43)

'Wo dho Yesu 'ka. ¹⁷Yesu gia- =nɛ 'yö ö -bha -gaatalü bun kö -wo 'dho -na pö- =taa. 'Wo dho 'wo -lo -dhe do 'wo- -dhe Eblö -wo 'gü «Gɔɔgota» bhë -a -bha (=waa- pö 'dhö kö -wa -pö «mɛ -gɔ -klëë -lo -dhe»). ¹⁸-Dhe bhë =nɛ 'ö 'dhasi -nu -wo Yesu dɔ -a -bha -gaatalü -bha. Mɛ =plɛ 'waa gbɛ -wo -kɛ mü, 'ö 'wo -an dɔ -gaatalü -bha 'pö; 'wo mɛ do dɔ Yesu =kwɛɛ- 'gü, 'wo- mɛ do dɔ -a =kwaä- 'gü.

¹⁹'Yö Pilatö -ya pö -wo 'lü 'fa 'sü -wa zë -gen -yaa -ta kö -wo =taanga -gban -a -ta -a -gɔ dhuö zian =woë' =nɛɛ: «Yesu, Nazaletë mi, Zuifö -nu -bha -gludë.» ²⁰Zuifö -nu -wo -kɛ =va 'ö -wo bhë 'wo- pö 'ö bhii -dhe 'wo Yesu dɔ -a -bha -gaatalü -bha bhë, yaa kɛ pö- 'ka =gbiin; 'ö pɛ 'wo- -ya 'pö bhë 'ö -kɛ Eblö -wo 'gü, 'wo- -ya Latɛn -wo 'gü, 'wo- -ya Glëkö -wo 'gü 'zü. ²¹-Dhe =ya kɛ 'dhö, 'ö slabhome -nu -gɔmɛ -wo dho Pilatö 'piö 'wo- pö -a -dhë:

«-Wo 'ü- -ya <Zuifö -nu -bha -gludë> 'ka bhë, kö -kun 'ü- to 'dhö; pë 'ü dhoë- -ya -be 'ö tɔɔ ɔɔɔɔ- =ne -ya -pö: Ma =ne 'a tɔɔ Zuifö -nu -bha -gludë.»

²²'Ö Pilatö -ya pö -an -dhë: «Pë 'ö 'ma- -ya 'saadhö, -yö -dho to -ya -sü 'ka 'dhö!»

²³=Dhe 'dhasi -nu -wa yën Yesu -dɔ -gaatalü -bha -sü -bha, 'wo- -bha sɔ -nu sü 'wo- -kan 'kou -yiisië, 'ö mɛ 'ö -dhö 'ö -bha sü. 'Yö 'wo- -bha gblang sü 'pö. Gblang 'ö bhë -a -wɔ -pin gbɛ yaa kɛ -a -bha. -Yö -kɛ bɔ -sü 'ka 'dhö do 'ö goë dhuö 'ö yöë sia. ²⁴'Yö =dhe =waa- -dhe yö 'dhö, 'wo- pö wo 'ko -nu -dhë: «-Ka dɔ; sɔ mɛ =ne, kö -kun 'kwa- -blë, 'kɛɛ -kwa 'töü- -bhö kö mɛ 'ö dho to -a -gɔ, 'kwaan- dɔ.»

-Kɔ bhë =ne 'ö pë 'ö -kɛ -bɛɛn' -sü 'ka -Zlan -bha 'sëédhe 'gü, 'ö- 'dhiö -mɔ -a 'ka 'kuë, 'ö bhii -yö =bɛɛn' -sü 'ka =nɛɛ: -Wo ma sɔ -nu -glu wo 'kuë, 'wo 'töü- -bhö ma sɔ -ta.

²⁵=Dhe 'wo Yesu dɔ -gaatalü -bha, -a dhe 'dhö, -a dhe dheglu 'nédhe 'dhö, Mali 'ö -kɛ Kleopasö bɔɔ 'ka bhë 'dhö, waa- Mali 'ö go Madala -wo -kɛ dɔ -sü 'ka -a 'sɔɔ. ²⁶=Dhe =ya kɛ 'dhö, Yesu -yö -kpɛn ö dhe -bha kö -a -bha =guë' -nu 'wo bhë -a mɛ 'ö- -dho -ya -kɛ =duö -yö dɔ -sü 'ka -a 'sɔɔ mü, 'yö- pö ö dhe -dhë: «N dhe, ü gbö =ga dɔ bhë.»

²⁷'Yö- pö 'pö =guë' 'ö bhë -a -dhë: «Ü dhe =ga 'ö bhë.»

-Dhe 'ö go -a -bha 'ö =guë' 'ö bhë 'ö Yesu dhe kpa ö -bha, 'ö to -a =plöö zlöö 'ö bhë.

Yesu -bha ga -sü

(Matiö 27.45-56; Maakö 15.33-41; Lukö 23.44-49)

²⁸=Dhe 'wun -nu bhë =wa kɛ 'dhö, 'ö Yesu yö -de gia- =yaa- yö =ne pë 'plɛ 'dhiö =ya -mɔ 'kuë 'ö- pö: «A -dho 'yi mü» =ne -kɔ 'ö =bɛɛn' -sü 'ka -a 'ka (-Zlan -bha 'sëédhe 'gü) -a 'dhö.

²⁹-Guö 'lɔɔ- =fië' do 'ö -drɔɔɔɔ 'yi -ya pa -yö -kɛ mü. 'Wo 'lü 'wo- -dhe izɔpö bhë 'wo- -kɔ 'në sü, 'wo =fuu' -ya -a 'dhiö. =Dhe =waa- zë -drɔɔɔɔ 'yi bhë -a 'ka, 'wo- -zɔɔ -a 'dhi -dhë, ³⁰'Ö -yɛ -a nɛ- -bha, 'ö- pö: «Pë 'plɛ 'dhiö =ya -mɔ 'kuë.»

=Dhe =yaa- pö 'dhö, 'ö- =gɔ =yɔɔ, 'ö ga.

'Dhasi do -bha 'dü -sɔ Yesu 'sɛn 'piö -sü

³¹'Wun -nu bhë -wo -kɛ 'dhö Zuifö -nu -bha =glooyi -waamayi 'ka, 'ö waa 'we -a -bha kö Yesu waa- mɛ -nu 'wo bhë -wo 'to -gaatalü -bha mü kö =glooyi -yö -lo -a 'ka; 'ö tɔɔ =glooyi mɛ 'ö bhë -a -wun -yö -kɛ -an -gɔ 'gbee-. 'Yö 'wo dho Pilatö 'piö 'wo- pö -a -dhë -ya pö ö -bha 'dhasi -nu -dhë -wo mɛ -nu 'wo dɔ -sü 'ka -gaatalü -bha bhë -an 'gban 'yɛ, kö =ya kɛ =ne =wa ga, -waan -an bho -gaatalü -bha. ³²'Yö ö -bha 'dhasi -nu bɔ, 'wo dho; 'yö =dhe mɛ =plɛ 'wo -an dɔ -gaatalü -bha Yesu 'sɔɔ bhë 'ö =wa -an 'gban 'yɛ. ³³'Ö =wa yö Yesu -bha, 'wo- yö =ne =ya ga 'saadhö. =Dhe -kɛ 'dhö, waa- -a

-gen -nu 'ye gbɔ. ³⁴Kɛɛ 'dhasi do -yö ö -bha 'dü -gban -a 'sen 'piö 'ö- zɔɔ 'Ö to mü 'yi waa- fei 'wo go -a 'sen 'piö 'wo -lo. ³⁵Mɛ 'ö pɛ -nu 'wo =nɛ 'ö -an -ya =nɛ, -wo pɛ -nu bhɛ -a -kɛ -a 'yaan 'ka; 'ö pɛ -nu 'ö -an -ya bhɛ, 'ö 'wo 'wun gia- 'ka. Yö gia- -ya =tɛi' dɔ =nɛ 'wun gia- -mü. 'Ö -an -ya 'dhö kö ka -de 'pö 'kaan- bɔ -a -ta 'kaan- -a -wun -dhe 'wun gia-. ³⁶Bhii pɛ -nu 'wo bhɛ -wo kɛ 'dhö kö pɛ 'ö =bɛɛn' -sü 'ka -Zlan -bha 'sɛɛdhe 'gü -a 'dhiö -yaan -mɔ 'kuɛ. 'Ö tɔɔ -yö =bɛɛn' -sü 'ka =nɛɛ: Waa 'dho -a dɔ gbɛ yɛ -a -bha. ³⁷Yö =bɛɛn' -sü 'ka -dhe 'bhaa 'gü 'zü =nɛɛ: Mɛ 'ö 'wo- zɔɔ 'dü 'ka -a 'sen -bha bhɛ =nɛ 'ö -an 'yan dho to -a 'piö.

Yesu -da blɔɔn- 'gü -sü

(Matiö 27.57-61; Maakö 15.42-47; Lukö 23.50-56)

³⁸=Dhe pɛ -nu bhɛ =wa kɛ 'dhö, gɔɔn- do -yö -kɛ -dhö 'wo- -dhe Zozefu, 'ö -kɛ Alimate mi 'ka; -yö -nu Pilatö 'piö 'ö Yesu =glöö -dhe -a -gɔ kö -yaan 'dho -yaan -a -bin. Zozefu 'ö bhɛ -yö -kɛ -to Yesu 'piö -mɛ do 'ka, 'kɛɛ -ya -kɛ 'dhö -bindhe 'gü, 'ö tɔɔ -yö -suö Zuifö -nu -gɔmɛ -nu -dhɛ. 'Ö Pilatö -yö -we -a -bha -a -gɔ. 'Ö dho 'ö Yesu =glöö sü 'ö -ziö -a 'ka. ³⁹Gɔɔn- do -yö -kɛ mü 'pö 'wo- -dhe Nikodemö. Yö =nɛ 'ö dho yi do 'ka Yesu 'piö gbeng =dheɛ' 'ka bhɛ. Yö -de 'pö, yi -de gia- bhɛ -a 'ka, 'yɔn 'wo- 'kɔɔ -na wo -bha =nɛ -a =suu'- do 'bhaa =sɔnnɔg' 'gbeezɛ 'ö -kɛ aloɛ waa- 'miilö -an 'ka bhɛ, -ya 'kilong 'gɔɔ- -yaaga -sü 'ö dho -a 'ka Zozefu 'piö. ⁴⁰'Yö 'wo -lo 'kuɛ- 'wo pɛ 'yi bhɛ 'wo- sü, 'wo sɔ 'pen sü, 'wo Yesu =glöö =baa -a 'ka =nɛ -kɔ 'ö 'wo- kɛ -na -a 'ka Zuifö -nu wɔ -kɔ 'gü bhɛ -a 'dhö. ⁴¹=Dhe 'ö 'wo Yesu dɔ -a -bha -gaatalü -bha bhɛ, 'lüdheɛdhe do -yö -kɛ -a 'sɔɔ mü. 'Lüdheɛdhe bhɛ =nɛ 'ö -guö -du do -dɛü 'ö waa mɛ -bin -a 'gü do -kun -yö -kɛ -a 'gü. ⁴²=Dhe -kɛ =nɛ -yö -kɛ Zuifö -nu -bha =glooyi -waamayi 'ka, 'ö -guö -du bhɛ yaa kɛ 'ma =gbiin, 'wo dho Yesu =glöö 'ka 'wo- -wɛɛ bho.

Yesu -bha -go ga 'gü -sü

(Matiö 28.1-8; Maakö 16.1-8; Lukö 24.1-12)

20 ¹=Dhe 'ö Zuifö -nu -bha =glooyi -ta -dhe -ya 'po, 'ö Mali 'go Madala -yö -so -dhiadhio tii 'gü, 'ö dho blɔɔn- =taa. =Dhe -ya 'dho -ya -lo 'ma, 'ö- yö =nɛ -guö 'fa 'ö 'wo- yö -guö -du bhɛ -a 'dhiö bhɛ, -ya 'go -a 'dhiö. ²'Yö -ziö -bla 'ka 'ö dho Simɔ Pɛɛ waa- =guɛ' mɛ 'ö- -dho -yö Yesu -kɛ -duö bhɛ -an 'piö, 'ö- pö -an -dhɛ: «=Wa kwa Dɛmɛ bho -a blɔɔn- 'gü =wa dhoɛ -dhe gbɛ 'gü, 'ö 'kwa- -dhe dɔ 'pö 'sa.»

³'Yö Pɛɛ waa- =guɛ' mɛ bhɛ 'wo -ziö, 'wo dho blɔɔn- =taa. ⁴'Dho 'wo -kɛ -a wo =dhia bhɛ, -yö -kɛ -bla 'ka 'wo- sü; 'kɛɛ =guɛ' 'ö bhɛ -yö ö -bha -sü 'gbee- 'ka 'ö dhoɛ Pɛɛ 'dhiö blɔɔn- =taa. ⁵=Dhe -ya -lo 'ma, 'yö -kloo 'ö -dhe -ga -guö =duudhö mü. 'Yö sɔ 'pen -nu 'wo- =ploo Yesu 'ka bhɛ, 'yö -yö sia- mü. 'Kɛɛ yaa 'to mü yaa -da kɔɔ. ⁶'Ö Simɔ -yö -lo mü, 'yö -da blɔɔn- 'gü; 'yö sɔ 'pen -nu bhɛ -an yö sia- mü. ⁷Sɔ 'wo- kpa Yesu -gɔ -bha 'pö bhɛ -yö

-kë mü 'pö, 'kɛɛ yaa kë sɔ 'pɛn -nu 'wo bhë -an 'piö. -Yö -kë -ya -sü 'ka kpöë -de -ta -dhe gbe 'gü. ⁸Dhe -ya kë 'dhö, 'ö -guë' me 'ö -lo 'dhiö -sia bhë, 'ö -da blɔɔn- 'gü mü 'pö. -Dhe 'ö- 'yan -ya -da pë -nu 'wo bhë -an -ta 'dhö, 'ö- -tɛi' dɔ 'ö -zuö' 'gü =nɛ Yesu -ya 'go ga 'gü. ⁹Kɛɛ kë- wo 'dhö bhë, -Zlan -bha 'sëédhe -bɛɛn' -yan 'ö -kë Yesu -yö -dho go ga 'gü 'ka bhë, -guë' -nu 'wo bhë kö waa- -gen ma -a -gen ma -kɔ gia- 'ka -kun. ¹⁰Dhe -ya kë 'dhö, 'ö -guë' -nu =ple 'wo bhë 'wo -yɛ wo 'zü, 'wo dho wo =plöö.

Yesu -bha ö -de -zɔn Mali 'go Madala -dhë -sü
(*Matiö 28.9-10; Maakö 16.9-11*)

¹¹Dhe pë -nu 'wo bhë =wa kë 'dhö, Mali 'go Madala bhë, -yö -dho 'ma 'zü; 'ö dɔ plaan 'gbo bɔ -sü 'ka. 'Yö =kloo kö -yaan -dhe -ga blɔɔn- 'gü.

¹²'Yö- 'yan -yö -da -Zlan -bha bɔmɛ -nu =ple -ta kö -wo -ya -sü 'ka -dhe 'ö Yesu =glöö -yö -kë -a -bha bhë -a -bha; sɔ 'puu -yö -kë -an -bha. -A mɛ do -yö -kë -dhe 'ö bɔ Yesu -gɔ bɔ -dhe 'ka bhë -a -bha, 'ö- mɛ do 'bhaa -yö -kë 'pian 'ö Yesu -gen -yö bɔa bhë -a 'ka. ¹³'Ö -Zlan -bha bɔmɛ -nu -wa -dheɛ' kɔɔ =woë' =nɛɛ: «Dhe bɔ, -më 'ü- -gbo bɔ =ɛ?»

'Ö- -daa -kë -an -gɔ 'ö- pö: «N Dëmɛ bho 'wo- wo zö =nɛ, -dhe 'wo dhoë -a -bha, 'maa- dɔ.»

¹⁴'Yö =dhe =yaa- pö 'dhö, 'yö -dhe -ga ö =zlöö; 'ö Yesu yö kö -yö =gbaannu =süë' mü, 'kɛɛ yaa- =tɛi' dɔ =nɛ Yesu -mü. ¹⁵'Ö Yesu -ya -dheɛ' kɔɔ 'ö- pö: «Dhe bɔ, -më 'ü- -gbo bɔ -na =nɛ =ɛ? Dö 'ü- =mɛɛ?»

=Dhe -kë 'dhö, -yö -kë -a -zo 'piö =nɛ 'lüdheɛdhe bhë -a -yuökëmɛ -mü; 'yö- pö -a -dhë: «=Ya kë =nɛ bhi =nɛ 'ü- sü 'ü -ziö -a 'ka, -bhöë pö n -dhë kö 'aan- dho 'aan- 'sü.»

¹⁶'Ö Yesu -ya pö -a -dhë: «Mali!»

=Dhe -kë 'dhö 'ö -luu 'ö -sië -a 'piö, 'ö- pö -a -dhë Eblö -wo 'gü: «Labuni!» (=Waa- pö 'dhö kö -wa -pö «-Gɔmɛ».)

¹⁷'Ö Yesu -ya pö -a -dhë: «Kö -kun 'ü n kuënnu, bhii n 'ka dho n Dë 'piö dhuö =kun. 'Kɛɛ -bhö 'dho 'ü- pö n dhegluzë -nu -dhë a 'dho -na n Dë 'ö ka Dë 'ka, n -ma -Zlan 'ö ka -bha -Zlan 'ka 'pö bhë -a 'piö.»

¹⁸=Dhe -ya kë 'dhö, 'ö Mali 'ö go Madala bhë 'ö -ziö, 'ö dho =guë' -nu 'piö 'ö- pö -an -dhë: «'Ma Dëmɛ yö!»

'Ö 'wun -nu 'ö- =blɛɛ -a -dhë bhë 'ö- 'plɛ =blɛɛ -an -dhë.

Yesu -bha ö -de -zɔn ö -bha -guë' -nu -dhë -sü
(*Matiö 28.16-20; Maakö 16.14-18; Lukö 24.36-49*)

¹⁹Yi gia- bhë -a 'yinia 'piö, Yesu -bha =guë' -nu -wo -kë wo 'kuë- 'kɔ do 'gü. 'Yö 'wo 'kɔdhi -nu -zuö wo -blü bhii 'suö -yö -an -kë Zuifö -nu -dhë. =Dhe 'wo dho -a -ga kö Yesu -ya -wo -an ziën mü. 'Yö- pö -an -dhë: «=Zuöyagluu -yö kë ka -gɔ!»

²⁰=Dhe =ya 'wun =blɛɛ' -an -dhë 'dhö, 'ö ö -kɔ -nu waa- ö 'sen 'piö -dhe -zɔn -an -dhë. 'Ö -an =zuö' 'glu -yö dhi Dëmɛ yö 'wo- wo bhë -a -wun 'gü.

21 'Yö Yesu -ya pö -an -dhë 'zü: «=Zuöyagluu -yö kë ka -gɔ! -Kɔ do gia- 'ö n Dë -yö n bɔ -a 'ka 'a nuë ka 'piö bhë, ma -de 'pö 'ma ka bɔ.»

22=Dhë =ya -wo -nu 'wo bhë -a pö -an -dhë 'dhö, 'ö 'tëë -piö -an -bha 'ö-pö: «=Zuu 'slööslö 'a- nu ka -dhë bhë! 23 Mε -nu 'ö 'ka 'dhoë- ziö -an -bha -sɔɔn yaa -nu -ta, -Zlan -dho ziö -an -bha -sɔɔn yaa 'ö bhë -a -ta; mε -nu 'ö 'ka dho -an -bha -sɔɔn yaa -wun -nu -lo -an tuö, -Zlan 'ka 'dhö ziö -an -bha -sɔɔn yaa 'ö bhë -a -ta.»

Yesu -bha ö -de -zɔn Toma waa- -guë' -nu mε 'wo to -an -dhë -sü

24=Dhë 'ö pë -nu bhë 'wo kë -na 'dhö, kö Yesu =ya nu ö -bha mε -nu ziën bhë, -guë' -nu 'gɔɔ- do ö =ga =ple 'wo bhë -a mε 'wo- -dhe Toma 'wo- 'tɔ kpɔ -Flean 'ka bhë, yaa kë mü. 25=Dhë =ya 'yε ö 'zü =ya nu, 'ö- 'bhamε -nu -wa pö -a -dhë: «'Yië kwa Dëmε yö.»

'Yö Toma -ya pö: «=Ya kë =ne -taanga pin -nu 'wo- -kɔ -nu -bha n 'ka n 'yan dɔ -an -bha, 'ö n 'ka n -kɔnëga -sɔ -a pin -nu 'wo bhë -an 'piö, 'iin -a 'sen 'piö -dhe 'wo- zlaa bhë 'ö n 'ka n -kɔ -sɔ -a 'piö, kö pë 'ka- pö -na bhë n 'ka- -dhe 'wun gia-.»

26=Dhë 'dhɔɔgɔ do =ya ziö, Yesu -bha =guë' -nu -wo -kë wo 'kuë- 'zü 'kɔ bhë -a 'gü kö =wa 'kɔdhi -nu -zuö wo -blü, 'ö Yesu -yö -da -an 'piö kɔɔ 'ö dɔ -an ziën. Toma -yö -kë -an 'piö yi bhë -a 'ka. 'Yö Yesu -ya pö -an -dhë: «=Zuöwaannudhe -yö kë ka -gɔ!»

27 'Yö- pö Toma -dhë: «=Dhë -ga zö 'dhe! Ü -kɔnëga 'pa ma bhüö pin -nu 'ka n kwεε 'dhe! Ü -kɔ -sɔ n 'sen 'piö 'dhe! -Bhö ü bo -kɔ pë -nu 'wo bhë -an -dhe 'wun gia- -sü 'ka 'ü n -wun -dhe 'wun gia-!»

28 'Yö Toma -ya -daa -kë -a -gɔ 'ö- pö: «N Dëmε, ma -Zlan!»

29 'Ö Yesu -ya pö -a -dhë: «=Dhë -kë -ne 'bha n yö bhë, 'ü n -ma -go ga 'gü -sü -wun -dhe 'wun gia- bhë ɔɔ? 'Kεε mε -nu 'ö waa n yö 'ö 'wo n -wun -dhe 'wun gia- bhë, -an -bha -yö -së!»

'Sëédhe 'ö -ne -a -gɔ 'dhodhe

30 Kë- wo bhë Yesu -yö -dhidhaapë -plëézë 'bhaa -nu -kë ö -bha -guë' -nu 'yan 'dhiö, 'kεε 'waa -ya -sü 'ka 'sëédhe -ne -a 'gü. 31 'Kεε -an mε -nu 'wo -ya -sü 'ka zö bhë, -wo -ya 'dhö kö Yesu -bha -kë -Zlan -bha -Yame, -a Gbö 'ka -sü 'ö bhë 'kaan- -dhe 'wun gia-, 'iin kö -zo -yö -a -bha -sü do 'ö bhë 'kaan- bɔ -a -ta kö -toëpö -këdhösü bhë 'kaan- -a yö.

Yesu -bha ö -de -zɔn ö -bha -guë' -nu 'slaple -dhë -sü

21 1=Dhë 'töng 'bhaa =ya ziö, Yesu -yö ö -de -zɔn 'zü ö -bha -guë' -nu -dhë, Tibeliasë 'yipuë 'kpong 'dhiö. -Kɔ 'ö 'wun bhë 'ö -kaa' =ga =nεε: 2 Yi bhë -a 'ka, Simɔ Pιεε 'dhö, Toma ('wo- 'tɔ kpɔ -Flean 'ka) 'dhö, Natanaelö ('ö -kë Kana mi 'ka Galile) 'dhö, Zebede gbö -nu 'dhö waa- Yesu -bha -guë' -ple 'bhaa -wo -kë wo 'ko 'piö. 3 'Ö Simɔ Pιεε -ya pö: «'Ma 'dho 'kplö -zuö -dhia.»

'Yö 'wo- pö -a -dhë: «Kwa -nu 'plë 'kwa dho dho.»

'Ö wo 'plë 'wo dho 'wo -da 'yitagö 'gü. 'Këë -dhe -wa 'kplö -zuö gbeng -yi bhë -a 'ka, waa pë gbe 'sü. ⁴=Dhe 'ö- -dhe 'dhö 'po -na, 'ö Yesu -yö nu 'yi 'kpong 'dhiö mü. 'Këë -guë' -nu waa- -tei' dō -ne yö -mü. ⁵'Yö Yesu -ya pö -an -dhë: «-Dadhëü -nu 'ka -de, ka 'yuö- -sü -a?» 'Wo- pö -a -dhë: «-Abi'!»

⁶'Yö- pö -an -dhë: «Ka 'kplö -zuö 'yitagö -kwëë- 'gü -zian' 'dhe, ka -dho 'yuö- sü.»

'Yö 'wo 'kplö -zuö, 'këë -an -kō yaa -mōa -bha gbō kö -wa 'gan yiö bhii kö 'yuö- -yaa- pa. ⁷=Dhe -ya kë 'dhö, 'yö -guë' me 'ö- -dhō Yesu -kë -duö bhë, 'ö- pö Pieë -dhë: «Dëme -mü!»

=Dhe Simō Pieë -yaa- ma 'dhö, 'ö ö -bha gblang -da ö -bha -bla 'ka, 'ö -piü 'yiëë- , 'ö nu 'kpong 'dhiö -zian'. ⁸=Guë' -nu me 'wo to bhë 'wo nu zlöö 'yitagö 'gü 'kplö 'ö 'yuö- -ya pa bhë -a 'gan -sü 'ka, 'ö bhii -dhe 'wo -kë -a -bha bhë -yö -mōa -yö -lo -gen wang -këng' do -naa -taa 'yi 'kpong 'dhiö -dhe 'ka. ⁹=Dhe -wa -lo 'kpong 'dhiö, kö 'siö -yö -da -sü 'ka, kö 'yuö- waa- -bluu' -'klu -wo siö. ¹⁰'Ö Yesu -ya pö -an -dhë: «'Yuö- -nu 'ka 'go -na -an 'sü -dhia bhë, -ka nu -a 'bhaa -nu 'ka 'kwee-!»

¹¹'Yö Simō Pieë -yö dho 'ö 'kplö 'ö 'yuö- -vava -nu -wa pa bhë, 'ö- -gan sia-; -wo -kë 'yuö- -bhe -këng' do ö -kō 'soodhu waa- 'yuö- -yaaga -an 'ka. 'Këë me 'te 'tun -wun 'ö -kë mü 'ö tō 'yuö- -bhë -yö -kë -va giagiawo, 'këë 'kplö bhë yaa 'blë 'sa. ¹²=Dhe -ya kë 'dhö, 'ö Yesu -ya pö -an -dhë: «-Ka nu 'kwa pë -bhö.» 'Këë me gbe yaa kë -dhö -an ziën kö -yaan -dheë' 'kpō -nëë: «Dö -mü ü 'ka e?» 'Ö tō kö -waa- -tei' dō -ne Dëme -mü. ¹³'Yö Yesu -yö dho, 'yö -bluu' -bhë 'ö- sü, 'ö- nu -an -dhë; 'ö 'yuö- nu -an -dhë 'pö.

¹⁴=Dhe 'ö Yesu -yö go ga 'gü bhë, -a -bha ö -de -zōn ö -bha -guë' -nu -dhë -sü kë -yaaga -naa -në 'wo -kaa' bhë.

Yesu waa- Pieë

¹⁵=Dhe -wa yën pë -bhö -sü -bha, 'ö Yesu -ya pö Simō Pieë -dhë: «Simō, Zan gbö, n -dhō -yö ü -kë 'ö -ziö -a 'ka me -nu 'wo to -an -ta -a?» 'Ö Simō -ya -daa -kë -a -gō 'ö- pö: «-Ii-, n Dëme; bhi -de gia- ü- -tei' -dō -në ü -dhō -yö n -kë.» 'Ö Yesu -ya pö -a -dhë: «Ü -zo kë ma 'bhla 'në -nu 'piö.»

¹⁶'Yö- pö -a -dhë 'zü -gwaa kë -plë -naa wo: «Simō, Zan gbö, n -dhō -yö ü -kë -a?»

'Ö Pieë -ya -daa -kë 'ö- pö: «-Ii-, n Dëme; bhi gia- ü- -tei' -dō -në ü -dhō -yö n -kë.» 'Ö Yesu -ya pö -a -dhë: «Ü -zo kë ma 'bhla -nu 'piö.»

¹⁷'Yö Yesu -ya pö -a -dhë 'zü -gwaa kë -yaaga -naa wo: «Simō, Zan gbö; n -dhō -yö ü -kë -a?»

'Ö Pieë -yö -da -zuötozlöödhe 'gü 'tetundhe 'ka -a pö 'Ö Yesu -ya wo -a -dhë -gwaa -yaaga -naa wo «n -dhō -yö ü -kë -a?» bhë -a -wun 'gü. 'Këë -ya -daa -kë 'ö- pö: «N Dëme, ü pë 'plë -dō; ü- -tei' -dō -në ü -dhō -yö n -kë.»

'Ö Yesu -ya pö -a -dhë: «Ü -zo kë ma 'bhla -nu 'piö. ¹⁸A- -pö ü -dhë gia- 'ka -nëë: =Dhe 'ü =tun -dadhëü 'ka, (yi me -ya dhi ü -dhë,) 'bha ü -bha -du

kwi -klu sɔ -ta, kö ü 'dho -sü -mü -dhe 'ö -dhi ü -dhë -a -bha; 'kɛɛ 'bha kë -klöö -sia, ü -dho ü -kɔ -luu-' 'ö me 'kpaan gbe -yö nu 'ö ü -bha -du kwi -klu ü vɛɛdhö. -Ya kë 'dhö, -yö -dho dho ü 'ka -dhe 'ö 'yaa ü -zuë -a 'ka -a -bha.»

¹⁹Wun bhë -a =blɛɛ' 'ö Yesu -ya wo 'dhö bhë, -yö -kë -kɔ 'ö Piɛɛ dhö gaa waa- -a -gɔ -wun -bha -kë -Zlan 'tɔ bhɔ -gen 'ka -sü -wun =blɛɛ' sü 'ka. =Dhe -ya kë 'dhö, 'yö- pö -a -dhë: «Ziö n 'piö!»

Yesu waa- -a -bha -guë' me 'ö- -dho -ya -kë

²⁰=Dhe Piɛɛ -ya =dhië' ö -zü, 'ö -guë' me 'ö- -dho -yö Yesu -kë =duö bhë 'ö- yö kö -yö nu -na wo 'piö. Yö bhë =ne kë- wo 'töng 'bhaa 'ka kö -wo pë -bhö -na bhë, 'ö waa- Yesu 'wo wo -gɔ dun, 'ö =dheɛ' kpɔ Yesu -gɔ 'saan 'gü =nɛɛ: «N Dëme, dö 'ö dho ü 'dhɔɔ dɔ =ɛ?» ²¹=Dhe Piɛɛ =yaa- yö 'dhö kö -yö nu -na wo 'piö, 'ö- pö Yesu -dhë: «N Dëme, me me 'ö =ne 'dhe, -më 'ö dho kë -a 'ka ɛ?»

²²'Ö Yesu -ya -daa -kë -a -gɔ 'ö- pö: «=Ya dhi n -dhë kö -a 'yan -yö 'to -a 'gü -yö 'dho -yö yöë n -ye 'zü -sü -bha, ü -bha -më -wun 'ö- 'gü i? Bhi -zë, -bhö ziö n 'piö!»

²³Kö dö 'pö dho 'ö -taɔ -pɛn 'iin kö -wa -kë =dhë, 'kɛɛ -wa -pö -yö -kë dhegluzë -nu 'wo bhë -an ziën =ne =guë' me 'ö bhë yö 'ka 'dho ga. 'Kɛɛ kö Yesu yaa- pö Piɛɛ -dhë: «Yö 'ka 'dho ga,» 'kɛɛ -ya pö =zian': «=Ya dhi n -dhë kö -a 'yan -yö 'to -a 'gü -yö 'dho -yö yöë n -ye 'zü -sü -bha, ü -bha -më -wun 'ö- 'gü i?»

²⁴=Guë' gia- bhë =ne 'ö 'wun -nu 'wo bhë 'saadhö 'ö- -ya 'sëédhe =ne -a 'gü; kë- wo 'dhö bhë, kwa- -tei' -dɔ =ne pë -nu 'ö- -gen bho 'saadhö bhë -wo 'wun gia- 'ka.

-Wo -kaanta -nu

²⁵Yesu -yö 'wun =plëézë 'bhaa -nu -kë. -Ya kë =ne 'kwa- pö -a 'plë -yö -ya 'sëédhe 'gü, -yö -kë n 'gü =ne -a 'sëédhe -be -nu 'wo bhë -an -dadhe 'ka 'dho kë -dhö 'kpongtaa.